



Biblioteka  
Ojców Kamedulów  
w Błeniszewie







REGULA  
INSTITUTI  
PETRINI

SEU

PRAXIS QUOTIDIA-  
NARUM EXERCITATI-  
ONUM SACERDOTIS,  
ET CURATORIS  
ANIMARUM,

Ut ritè, ac meritorie fiant,  
Ex Sacra Scriptura, & SS.

*Patribus desumpta,*

AUCTORE

CAROLO ANDREA BAS-

SO, Theologo, Oblato,

Pæposito Burgi Tritij.

OLIM EDITA.

Nunc in gratiam Cleri Sæcularis  
recusa Anno Domini 1707,

Curâ & impensis Perillustreis &  
Reverendissimi Domini LU-


DOVICI de Kozielsk OGIN-

SKI, Canonici Vilmensis, Præ-

positi Bobroyscensis.

Constantiæ, dein VILNÆ, Typis


Vniuersitatis Societ. FESV.




REIMPRIMATUR.

*Concedit Offici-  
um Consistoriale  
Vilnense.*

*Extar Canato. Genui Vigre p. mpp.*






Ad  
Benevolum Lectorem,  
*Clericum secularem.*

*Ametsi suavisissima Lex  
Christi Evangelica om-  
nium in terris degen-  
tium Christicolum, uni-  
versalis extet vivendi  
Regula, nibilo secius va-  
ria à varijs Fundatori-  
bus Instituta & Ord-*

1103






nes diversas sortiti sunt Regulas, quas juxta, Claustrales Religiosi suam contemplativam, vel mixtam moderantur vitam, solum communis sacri Evangelij doctrina generalem, non particularem vivendi modum INSTITUTO præscribit PETRINO. cui D. PETRUS Apostolorum Princeps à Primatu suo primævam indidit nomenclaturam: qui creaturis suis à primordio novi mundi, in die Pentecostes Divino Flamme inflammati, diversa orbis climata felicissima sorte divisi, ut oves mundanas in sæculo degentes ad pingvia veracis Ecclesiæ pascua mingrent, fertili Divini Verbi pastu foverent, errantes in unitatem reducerent, morbias, ac sauciatas sanarent vino correctionis, intermixto commiserationis oleo, & inermes à rapidissimo luporum voracium incursu armis justitiæ tuerentur; imò juxta communem sacri Evangelij Regulam, mores, & vitam instituerent.

Perbellè interim dixeris, si Religiosorum æquè, ac Clericorum sæcularium vitam apelaveris navim, Religiosorum de levigatis lignis, ac validissimis disciplinæ monasticæ repagulis ritè combinatam, imò strictissimo trini voti funiculo arctissime alligatam, in portu securitatis immorantem, Clericorum verò sæcularium forti quidem de ligno solida

Sacra-

sacrorum ordinum compagine coadunatam, striculis quidem pudicitiae clavis constrictam, sed solutam, & in altum vastissimi mundi maris deductam; nonne Religiosorum navis in portu pleumq; sudo, serenoq; caelo, ac pacatissima vitae fruitur malacia? Clericorum vero in medijs aestuantium, & impellentium tentationum fluctibus agitur, inter Syrtes terrenorum desideriorum, Charybdes vehementissimorum motuum, tum concupiscibilem, tum irascibilem, & inter scyllas peccandi occasionum continuas periculosissime fluctuat? ne Religiosorum navis firmissima in portu Regularum solide contenta est? nonne pluviarum & imbrium grandinumq; inundantes injurias, eorum fortitudo infringit, tempestatum contumaciam obedientia elidit, rimas libidinis impure fatiscences mox linum castitatis obsruit, inflammatos iracundiae vapores extinguit mansuetudo, inundantes intemperantiae humores sobrietas suffocat, merces temporalium bonorum navim nimum onerantes, subito paupertas voluntaria in flexuosos pauperum sinus immittit? verbo concludam, hac in Religionis navi vera securitas, pacis tranquillitas, & conscientiae gaudium, quis non sine remora hanc conscendat navim?

Quamobrem sicuti antiqui sanctitatis Magistri




gistri, ac Religiosorum Fundatores Ordinum  
SS. Basilius, Augustinus, Bruno, Dominicus,  
Franciscus, &c. sibi suisq; sectatoribus de  
Scripturis Sacris certas vivendi normas, ac  
Regulas compilarunt, quibus vitam, ac mores  
accommodando inhabitare possent unius mo-  
ris in domo. Psal. 67. Deumq; in vero mo-  
rum, animorumq; consensu, quaerent, ac in-  
venirent: simili modo, ac ratione certas ego Re-  
gulas non Grammaticas, Rhetoricas, Philoso-  
phicas, Mathematicas, aut Theologicas specu-  
lativas, quibus docetur, ac discitur vel sine er-  
rore, vel ornatè, vel demonstrativè de natura-  
lidus, aut de Deo, de Divinis, atq; cœlestibus  
discurrere: sed Theologico-Asceticas, quibus  
Cœsi Clericorum navis in medio Oceani innu-  
meris periculis, ventorum scilicet vanæ gloriæ  
exagitationibus, scandalorum durissimis petris,  
rerum terrenarum scopulis, castitatis syrtibus,  
temperantiæ voraginibus, verbo dicam specia-  
lioribus destituta auxilijs, undequaq; naufragi-  
js exposita sit) non tam doceatur, quam disca-  
tur, benè ordinatè, vitæ cursum instituere. &  
vultus usq; Petrinam Cymbam remigantibus in  
sudore Ecclesiasticis Nauticis, ad portum fe-  
licitatis æternæ perducere valeant: quemad-  
modum enim navis in securitate subsistit etiam  
in medijs fluctibus, si vel Anchoræ unguibus in  
petras fixis, vel certis ac firmis alligata funicu-





his hæret. Ita planè Navicula Petri, aut for-  
san melius dixerim Navicula Christi, & Aposto-  
lorum suorum in medijs agitata fallacis mundi  
fluctibus securissima subsistet. si certis ordinatio-  
nibus, ac decretis alligata hæreat: Ad quid e-  
nim S. Raymundus, & Gratianus ex SS. Patribus  
in Corpore juris Canonici tot congregarunt sen-  
sus, ac sententias SS. Patrum: ad quid tot leges,  
Canones, Decreta in Decretalibus: ad quid tot  
Bullæ summorum Pontificum. quàm ut fieris ac  
sanctis omnis Clericorum status ab infimo usq; ad  
summum ligetur funiculis: Hos Canones, si quis  
discat, atq; observaverit, non tàm facile offen-  
det contra iustitiam: meas verò Regulas, si quis  
observet, non offendet Deum, nec proximum, ne-  
que animam suam omni thesau o pretiosorem;  
sed, minime sacrum inter, & sacrum hæsitans, a-  
spirante Spiritus Sancti Z. phyro pergit, quo  
tendere debent omnes ad salutis portum De-  
um, finem nostrum unicum, ab ultimum. Vti-  
nam omnes, ac singuli præcipuè Adm. Reve-  
rendi Domini Clerici sicut & Venerandi Re-  
ligiosi caperent ac intelligerent, ac novissima  
tanquam unicum polarem, stellam præ-videntes  
sua gubernacula eò potissimum dirigerent, ne  
à recta vivendi norma vel aberrantes, vel  
excedentes, ultimum ad quem creati & vo-  
cati sunt scopum assequerentur: quod ut fa-


cilius



cilius ac felicius ad opus redigi possit. opuscu-  
lum hoc meum Venerabilissimo Clero dedi-  
co ac consecro. Vale in Domino, sire  
nuè labora, pati non detrecta, & plu-  
rima, si velis, efficaciter merita  
lucraberis.



IN.



## I N D E X.

### R E G U L A I.

Tempus fructuosè Clericus Sæ-  
cularis impendat, parva non ne-  
gligat, dignè DEO inserviat, sibi  
& alijs studeat, minima etiam pec-  
cata vitet. multa scire, & rectè vi-  
vere satagat, functiones suas benè,  
& perfectè peragat, ordinem insti-  
tutum rerum agendarum quoti-  
diè exactè observet, strenuè, &  
perseveranter in vinea Domini  
laboret.

### R E G U L A II.

Somnus sit moderatus, juxta  
tritum: *Sept m horas dormisse sit*  
*est, juveniq<sub>3</sub>, seni q<sub>3</sub>.* Hora surgen-  
di è lecto æstate sit 4ta, hyeme 5ta.

### R E G U L A III.

Vestitus Clerici Sæcularis sit

A                      secun-



secundùm statûs dignitatem, & gradum honestus, & decens, nec sapiat sæculi fastum.


#### REGULA IV.

Primus animæ cibus sit mentalis oratio, quæ pridiè memoriæ tradita, ore intellectûs probè masticetur, per palatum voluntatis, affectuum, in stomachum animæ deglutiatur, & fructuosè concoquatur.

#### REGULA V.

Mentalem orationem recipiat vocalis, recitato prius vesperè, vel jam manè Matutino cum Laudibus, pro temporis occasione devotè, ac attentè oret Primam, Tertiam, & Sextam flectendo, stando verò à Paschate usq; ad Dominicam SS. Trinitatis, ad usitatum modum S. Caroli Boromæi.

RE-



## REGULA VI.

Confessionis Sacramentalis usus, si non quotidianus, saltem frequens sit Clero Sæculari commendatus.

## REGULA VII.

Purus mente & corpore præparatus precibus præmissis, virtutum ornatu, humiliato corde, pijsimisque affectibus accedat ad Altare, Sacrosanctæ Missæ tremendum sacrificium, non nimis lentè, nec nimis properè, ne tædio afficiatur populus, rubricas exactissimè observando, devotissimè celebret; finito Sacro gratiarum actionem tum vocaliter, tum mentaliter DEO referat, eamq; recitatione Horæ Nonæ claudat.

## REGULA VIII.

Clericus curatus omni horâ requisitus, sit paratus Sacramento-  
rum administrationem purissimâ

conscientiâ, sine animæ suæ detrimento, & magna cum cordis hilaritate, promptitudine, non attenta laboris arduitate petentibus exactè, & solerter deserviat.

R E G U L A IX.

Oculus Domini, ceu præsentia divina ante oculos mentis, veluti scopus omnium cogitationum, & actionum semper habendus.

R E G U L A X.

Finito Missæ sacrificio, Clero Sæculari studium sacræ Scripturæ, Casuum Conscientiæ, & Concionum, ad prandium usq; maximè commendatur.


R E G U L A XI.

De omnibus matutinis actionibus fiat ante prandium discussio Conscientiæ.

R E G U L A XII.

Prandium sit fugale, non voluptuosum





luptuosum, nec in cibo, & potu  
superfluum, eiq; adhibeatur le-  
ctio libri spiritualis.

### R E G U L A XIII.

Ad concoctionem ciborum post  
refectionem prandij, requiritur re-  
creatio, & honesta conversatio.

### R E G U L A XIV.

Dæmon meridianus maximè  
infestus vincendus est ingressu Ec-  
clesiæ, adoratione Eucharistiæ, re-  
citatione Officij B. V. MARIE,  
veneratione SS. Patronorum, in  
ornandis altaribus, vel alio hone-  
sto manuali opere.

### R E G U L A XV.

Singulare Charitatis opus est,  
visitare infirmos, quod non pige-  
at Curatorem Clericum hilari ani-  
mo subire, ex eo enim in dilectio-  
ne firmabitur.

R E G U L A XVI.

Verbum DEI Clericus Sæcularis, siue curatus, siue incuratus non solum attentè legat, alijs cum pio fervore prædicet, sed & ab alijs fructuosè audiat.

R E G U L A XVII.

Clerici Congregationem Spiritualem crebrius instituunt, conferendo inter se non solum de fervente & frequente Verbi DEI prædicatione, Catechizatione, vitiorum extirpatione, virtutum implantatione, earum incremento, devotione in SS. Eucharistiam, B. V. MARIAM, & alios Sanctos, sed & de proprio virtutum studio, & profectu.

R E G U L A XVIII.

Mortificationis studium Clerico Sæculari, vel maximè necessarium, ejus enim usus, est ad perfectionem

tionem proximus gradus.

R E G U L A XIX.

Fragmenta temporis studiosè à Clero Sæculari colligenda, ne pereant.

R E G U L A XX.

Præparet se Clericus Sæcularis quotidie ad felicem mortis horam à DEO consequendam.

R E G U L A XXI.

De omnibus diei peractæ cogitationibus, & actionibus Clericus Sæcularis vespere ante cubitum conscientiam suam seriò discuti- at, contritionem veram eliciat, & firmissimum emendandi propo- situm statuatur.

R E G U L A XXII.

Nocturna quies, sive dormitio Clerici Sæcularis sit in lecto non nimis exquisitè composito, & adeò molli, sed honesto, ut in eo cor-

pus tantum quiescat, non deli-  
cietur.

*Et quicumq; hanc Regulam se-  
cuti fuerint, Pax super illos, & mi-  
sericordia, & super Israël DEI.*  
S. Paul: ad Galat: c. 6. v. 16.



## REGULA I. INSTITUTI PETRINI.

Tempus fructuosè Clericus Sæcu-  
laris impendat, parva non negli-  
gat, dignè DEO inserviat, sibi, &  
alijs studeat, minima etiam pecca-  
ta vitet, multa scire, & rectè vi-  
vere satagat, functiones suas be-  
nè, & perfectè peragat, ordinem  
institutum rerum agendarum quo-  
tidie exactè observet, strenuè, &  
perseveranter in vinea Domini  
laboret.

Ante-



**A**Ntequam ad rem nostram propius accedamus, hæc pauca, quaeso, Venerabilis Clere Sæcularis, menti tuæ fixa perpetuò remaneant, desumpta ex SS. Patribus, revocanda ad opus.

I. Nihil pretiosius tempore, nihilque carius, sed prò dolor! (*inquit B. Laurentius Iustinianus lib: de vitæ solit: c. 10.*) penè ab omnibus nihil habetur vilius, nihil tractatur inutilius, nihil indignius possidetur. Nullum temporis momentum præterit, in quo merita non valeamus cumulare, sed nihil pariter velocius, & celerius tempore. Volat irrevocabile verbum, volat irremeabile tempus, nec advertit insipiens quid amittat. Sapienter dixit D. Bernardus.

II. Præsentis diei cura habenda

As

da

da est, nam procrastinatio ad virtutem semper nocuit. Noli dicere, *inquit S. Ephrem Tr. 2. in doct: var: c. 47.* quiesce hodie, cras operaberis, nequaquam, sed hodie operare, & de crastino curæ Domino erit. *Adiit S. Bonaventura P. 2. spe p. 21. c. 1.* Dies, vel hora, quæ negligenter officia pertransierit, nequaquam ulterius poterit revocari; cum temporis sequentis officium, suam nihilominus diligentiam requirat. Tum deinde: Incertum est, (*ait Gerson insignis Theologus T. 2. de Præp. vel Mi.*) utrum crastina die tempus habiturus sis, aut certè ita aptum, ut habes hodie. Qui non est hodie, cras minus aptus erit.

Ergo optimè concludit Apostolus: Bonum facientes non desicimus

ciamus, tempore enim suo metemus. *Ad Galat. c. 6. v. 9.* At non poteris congruo tempore metere æternitatis præmia, nisi etiam congruo tempore seminaveris: hoc autem congruum tempus est hodierna dies.

III. Cum de tuo, vel aliorum spirituali profectu agitur, nihil parvi æstimandum est. Rejicere enim parva, cum non possis magna, extremæ dementiæ est, ait *D. Chrysostomus*. Qui aurum ex arenis auriferorum fluminum colligunt, non negligunt minutissima hujus metalli grana, etsi arenis ipsis non majora, & tamen paulatim integras civitates auro replent, & locupletant, *Ael. Theol. Cap.* Quare omnes lucris spiritualis occasiones non sunt dimittendæ, nam incrementum addunt ad

meritum, & si spernuntur, non semper sunt ad manum. Pessulum ostij mei aperui Dilecto meo, *inquit Sponsa Cant. c. 5. v. 6.* Verum, quia non tempestivè aperuit, cum ab illo rogaretur, ipsius aspectu privata, remansit; at ille jam declinaverat, atq; transiêrat.

IV. *Ex D. Ambrosio de fuga seculi c. 1.* Cui DEUS portio est, nihil curare debet, præter Deum. Hoc primum & maximum negotium, ut dignè DEO servias in evocatione, in qua positus es. Hoc unum negotium, si benè egeris, æterna merces; si verò malè, et si quæcunq; alia negotia benè tractaveris, sempiterna damnatio manet, *inquit S. Isidorus lib: 3. Sent. c. 28.* Idcirco scopus tuæ vocationis quotidie mente recolendus est, & te ipsum illis verbis D. Bernardi interpella: Ber-



Bernarde! Bernardelad quid venisti? Ad quid Sacerdotalem dignitatem consecutus es? Ad quid Canonicalem præbendam? Ad quid pastorem curam? nanquid, ut te ipsum, & alios perdas? nequaquam, sed ut tuam salutem facilius consequaris, & aliorum quoque opereris. Hoc itaq; age, quod agis; quidquid aliud, præter hoc egeris, tanquam otiosus, & inutilis servus damnaberis: Sic D. Bernardus loquens de Religiosis *lib. de vitæ solit.* Quodcunq; agit, quod propter hoc non agit, ut DEO serviatur, in eo, quod agit, otietur.

V. Recupera proximum tuum secundum virtutem tuam, & attende tibi. *Eccl. c. 29. v. 27.* Hoc sapientis monitum perpetuò ante oculos tuos versetur. Nam prudentis

dentis viri est, (*inquit Magnus Gregorius in c. 5. lib. 1. Reg.*) sic lucra aliorum expetere, ut sui nulla damna patiatur, & de abundantia sua sic alijs tribuit, ut suæ plenitudinis aliquid non amittat. Sic oleum alijs præbere nititur, ut à se fomenta luminis non tollat, ut dum alios illuminat, se ipsum non extinguat. Etenim juxta Salvatoris nostri sententiam: Quid prodest homini, si univ-  
sum mundum lucretur, animæ ve-  
rò suæ detrimentum patiatur?  
*Math: c. 16. v. 26.*

VI. Ex D. Bernardo *serm. de trip. cust.* Quò nitidiores sunt manus, eò gravius minor in eis nævus offendit, & sicut pretiosam vestem exigua quævis macula decolorat; nobis ad immunditiam, minima quædam inobedientia suf-  
ficic

ficit; nec jam n̄vus est, sed gravis macula, si in actionibus nostris, vel minor residet negligentia mandatorum. Rationem reddit S. Isidorus Hispalensis *lib. 2. sent. c. 12.* Quia tantò majus cognoscitur esse peccatum, quantò major, qui peccat, habetur. Crescit enim delicti cumulus, juxta ordinem meritorum.

VII. Quinimò addit Thomas à Kempis, de imitatione Christi *lib. 1. c. 2.* Quantò etiam plus, & melius scis, tantò exactius judicaberis, nisi sanctius vixeris. Noli ergo extolli de aliqua arte, vel scientia, sed potius time de data tibi notitia. Quod egregia similitudine D. Bernardi confirmari potest: Cibus indigestus, & qui bonam non habet decoctionem, malos humores generat, & corrumpit corpus

pus, & non nutrit. Ita & multa scientia ingesta stomacho animæ, qui est memoria, si decocta igne Charitatis non fuerit, & si per quosdam actus animæ, mores scilicet, atq; actus transfusa, atq; digesta, quatenus ipsa de bonis, quæ noverit, vita attestante, & moribus bona efficiatur; nonnè illa scientia reputabitur in peccatum, tanquam cibus in pravos, noxiosque humores? An non malus humor peccatum? An non mali humores pravi mores? An non inflationes, & torsiones in conscientia sustinebit, qui hujusmodi est, sciens videlicet bonum, & non faciens. Haftenus D. Bernardus *serm.* 36. *in Cant.*

VIII. Optimè concludit S. Ihsidorus *lib. 2. de serv. cap. 1.* Utile est multa scire, & rectè vivere.

Quod



Quòd si utrumq; non valemus, melius est, ut bene vivendi studium, quàm multa sciendi sequamur; non pertinere ad beatitudinem consequendam scientiam rerum; nec esse beatum, multa scire, sed esse magnum, beatè vivere. Huic axiomati se subscribit B. Petrus Damianus *Ep.* 144. hanc doctrinam Sacerdoti accommodans. Quòd si Sacerdos, inquit, ad utrumq; non sufficit, videlicet, ut de vita clarus, & doctrina sit profluus, melior est vita proculdubio, quàm doctrina. Dulcior est quippe fructus operum, quàm folia nuda verborum.

IX. Verùm ne despondeas animo in re tam magni momenti, profectus tuus spiritualis positus est, non in multis extraordinarijs, aut speciosis rebus agendis, sed in  
mi-

ministerijs, & functionibus, tuo muneri congruentibus, bene & perfectè peractis: Mandatum hoc, quod ego præcipio tibi hodie, non supra te est, nec procul positum, nec in Cœlo situm, ut possis dicere, quis nostrum valet ad Cœlum ascendere, ut deferat illud ad nos, ut audiamus, atq; opere compleamus? neq; trans mare positum, ut causeris, & dicas: quis ex nobis potest transfretare mare, & illud ad nos usq; deferre: ut possimus illud audire, & facere, quod præceptum est? Sed juxta te est sermo valdè in ore tuo, & in corde tuo, ut facias. *Deut. c. 30. v. 11.* Pastor es, boni pastoris partes strenuè tuere. Canonicus es, boni Canonici ministerium imple. Sacerdos, & Sacerdotalem dignitatem cum vitæ sanctitate conjun-

ge, esto Sacerdos officio, & moribus, Missam dignè celebra. Si tuas in tuo munere partes expleveris, non erit, quod à te DEUS ulterius requirat.

X. Verùm adverte, quod te monet Joannes Gerson *Dial. inter Fran. & Aug.* DEUS non remunerat verba, sed Adverbia. Hoc est, non quascunq; actiones, sed quæ benè, & meritoriè fiunt, remunerat DEUS. Ex illo Deuteronomij c. 16, v. 20. hausit hoc Gerson: Justè, quod justum est, persequeris, ut vivas, & possideas terram, quam Dominus DEUS tuus dederit tibi. Et Sapientix cap. 6. v. 11. Qui custodiunt justa, justè justificabuntur. In quæ verba sic S. Cyprianus de singularitate Clericorum: Non benè succedit, quidquid agitur passim, & sanctum  
non

non est, quod agitur sanctum, nisi sanctè, quod sanctum est, peragatur. Et tunc iusta injustè facimus, cùm ea non ad debitum finem referimus: Sapienter inquit D. Gregorius *lib. 9. Mor. cap. 13.* Non fuisse Jerosolimis, sed Jerosolimis benè vixisse laudandum est dixit S. Hieronymus *cap. 13. ad Paul.*

XI. In tuis functionibus obeundis, ex doctrina D. Basilij *serm. de ambit. ver.* Nullum omninò sit erratum, quod parvi pendas, esto, quamvis illud tenuissimâ bestiolâ minutius sit, potiusq; eò magis sedulò contende, ut per pœnitenti-  
am illud emendes: & alio in loco *in Reg.* Nihil oportet contemni, tanquam parvum. Addit rationem D. Chrysostomus *Rom. 2. in Evang.* Quia citò ex parvis maxi-

ma

ma  
torp  
que  
stant  
men  
Iside  
Ea,  
stim  
pert  
X  
etion  
omn  
Nam  
unt,  
lus e  
scrip  
E  
dist  
temp  
seu t  
re ro  
etiam



ma fiunt negligentia nostra. Et si torporem mentis excusseris, serioque tui officij dignitatem, atq; præstantiam agnoveris, si à torpore mentis evigilaveris, utar verbis S. Idori Hispalensis l. 2. *serm.* 30. Ea, quæ levia existimabas, confestim qualia horrenda, atq; atrocia pertimesces.

XII. Ordo aliquis, quo tuas actiones dirigas per totam diem, omninò tibi præscribendus est. *Nam quæ ordinatè fiunt, bene fiunt, & homo inordinatus, & si solus est, in se sibi est turba,* egregiè scripsit Magnus ille Gvilielmus.

Erit hic ordo, & partitio, atq; distributio diurni, nocturnique temporis, quasi monitor quidam, seu tanquam horologium annulare rotatum, quod ictibus, & punctiunculis digito impressis te ipsum

psum excitabit, ad singulas actiones, suo loco, tempore, & modo perficiendas. Quicumq; perfectionis studiosi, etiam in vita privata, Ordinem aliquem piarum actionum, ac etiam domesticorum negotiorum diu, noctuq; sibi præscripserunt, & accuratissimè servaverunt. Si verò in regimine animarum es constitutus, hoc est in officina dilectionis DEI, & proximi, hîc quoque, nisi aliquis ordo fervetur, non rarò à Spiritualibus ad temporalia rapieris: Vera charitas sine ordine nequit esse. Qualis autem sit ordo, disce ex D. Gregorio Nazianzeno in *Apolo*. Officium Sacerdotale circa hunc duplicem cardinem versatur. Primo, in anima sua purgari debet, deindè purgare alios: sibi sapere, & alios sapientiores efficere

re

re. Lumen esse, & cæteros illustrare. Alioquin illa tibi jure usurpare poteris: Posuerunt me custodem in vineis, & vineam meam non custodivi. *Cant. c. i. v. 6.*

*Tunc autem non custodimus, quia dum extraneis actionibus implicamur, ministerium nostræ salutis negligimus,* bene exposuit Magnus Gregorius *Homil. 17. in Evang.*

Concludit omnia Thomas à Kempis *vallis Liliæ c. 17.* Nihil utilius, & salubrius cupienti ad vitam æternam pervenire, quàm semper cogitare de animæ suæ salute. Lege, & percorre omnia, non est salus animæ, nisi in Deo, & in bona vita. Nec quæso, te terreat labor. Modicum, siquidem nunc laborabis, & magnam requiem, imò perpetuam lætitiā invenies. Si tu permanferis fidelis,  
& fer-

& fervidus in agendo, DEUS proculdubio erit fidelis, & locuples in retribuendo. Idem Thomas *lib. I. de imit. Christi c. 25.*

## REGULA II.

*Somnus sit moderatus juxta tritum: Septem horas dormisse sat est juvenique, senique. Hora surgendi è lecto æstate sit 4ta, hyeme 5ta.*

**H**isce quasi fundamentis jactis ab hac actione, quæ tibi prima in die occurrit sumamus initium.

Debet esse post moderatum somnum, quo vires corporis reficiantur, non autem saginetur corpus, & acies mentis obtundatur. Si es curator animarum, nonne speculatoris officio fungeris? An non dormit, qui custodit Israël? Ecce boni & vigilantis Pastoris nota: Die, noctuq; æstu urebar, &

ge-

gelu, fugiebatq; somnus ab oculis  
 ineis: *Genes. c. 31. v. 40.* dicebat  
 Jacob de se ipso. Si sic laborat,  
 & vigilat, qui pascit oves Laban,  
 quanto labori, quantisq; vigilijs  
 intendere debet, qui pascit oves  
 Dei? inquit Magnus Gregorius  
*Epist. 48. ad Arium.* Et Lucæ  
*cap. 2. v. 8.* legimus. Pastores  
 erant in regione eadem vigilan-  
 tes, & vigilias noctis custodien-  
 tes super gregem suum, & clari-  
 tas Dei circumfulsit eos. Sed  
 quorsum vigilantes pastores cla-  
 ritas Dei circumfulget? ait hoc  
 loco Beda: Nisi quia illi præ cæ-  
 teris videre sublimia merentur,  
 qui fidelibus gregibus præesse  
 sollicitè sciunt, dumq; ipsi piè  
 super gregē vigilant, divina sem-  
 per gratia super eos largius co-  
 ruscet.

B

Si



Si pondus animarum tuis super impositum humeris ferio cogitares, fugeret proculdubio somnus ab oculis tuis, quinimò illis Salomonis verbis teipsum excitares: Fili mi, si sponderis pro amico tuo, defixisti apud extraneum animam tuam, illaqueatus es verbis oris tui: & captus sermonibus tuis. Fac ergò, quod dico tibi, Fili mi, & temetipsum libera, quia incidisti in manus proximi tui, discurre, festina, suscita amicum tuum, ne dederis somnum oculis tuis, neq; dormitent palpebræ tuæ. *Proverb. cap. 8. v. 1. 2. 3. 4.*

Si verò Canonicus es, & Sacerdos, præco es divinarum laudum, & Mediatoris inter Deum, & populum partes tueris. Sed quid magis huic muneri congruens,

ens, quàm ineunte die hymnis, & canticis Creatorem tuum venerari? Ne de te conqueratur Deus: Ubi eras, cùm me laudarent astra matutina, & jubilarent omnes filij Dei? *Iob cap. 38. v. 7.* Profectò culpa levis non est, *Inquit D. Ambrosius serm. 19. in p. 118.* Si te otiosum in stratis radius Solis orientis inuerecundo pudore conveniat, & lux clara feriat oculos, somnolento adhuc torpore depressos. Arguit nos tanti temporis spatium sine ullius devotionis munere, ac sacrificij oblatione feriata transmissum, occurre ergo ad solis ortum, ut te oriens inueniat paratum. Si hunc Solem præveneris, aspicies Christum illuminantẽ, ipse prius in tui cordis illucescet arcano.

A somno experrectus, ut te

monet B. Laurentius Justinianus  
*c. 10. de discip.* Prima vox, pri-  
 ma cogitatio, primus affectus tu-  
 us divinam resonet laudem; & i-  
 gnitam ad Deum dirigat suppli-  
 cationem. An nescis, quia primi-  
 tias tui cordis, & oris quotidie  
 Deo debeas? Orto jam die bene-  
 dic Creatorē Cœli, & terræ, qui  
 tibi adhuc spatiū bene vivēdi cō-  
 cessit. Christus vivere tibi sit, &  
 cuncta opera tua ad Christi diri-  
 ge laudē. Ipse est spes tua tota,  
 & præmiū æternale, ait *Thomas*  
*à Kempis Exerc. spirit. cap. 2.*  
 Novo fervore concepto excita  
 teipsum, ad labores pro Dei glo-  
 ria, & salute animarum in illa  
 die alacrius perferendos: Capita  
 meditationis, quæ præcedēte Ve-  
 spere parāsti, in memoriā revoca,  
 sic enim magis collectus, atq; di-

spes.

spo-  
 S  
 te fi  
 na  
 esse  
 voc  
 imp  
 mis  
 Sur  
 cat  
 ricu  
 ven  
 gelo  
 cor  
 hac  
 fug  
 tem  
 blan  
 dec  
 Th

Ves

propositus ad orationem accedes.

Surge properè & velociter, nec te frices in lecto. Cogita campanæ signum summi Regis nuntiū esse, qui te ad sua iussū exequenda vocat, occurre sine mora ad ejus imperiū; Surge Frater, qui dormis, & illuminabit te Christus. Surge piger, campana pulsat, vocat te Christus. Surge citò: periculū est in mora. Ecce IESUS venit cum MARIA, & omnis Angelorum chorus te expectat cum corona, quam potes promereri in hac hora. sed Sathan è contrario suggerit: jace, & dormi, adhuc tempestivè venies: Sic suadet, & blanditur caro fragilis, trahit, & decipit callidus hostis. Hucusq;  
*Thomas Kemp: de Cantu Eccles.*

REGULA III.

*Vestitus Clerici Secularis sit se-*

*cundum statum dignitatem, & gradum, honestus, & decens, nec sapiat seculi fastum.*

**I**N assumendis vestibus honestè te geras, nuditatem devita, te ipsum reverere, Angelum tuæ custodiæ deputatum attende; Non te more aulicorū geras, non morosum, nec nimis curiosum, & exquisitum circa corporis amictum præbeas. Vestium curiositas, deformitatis mentiū, & morum inditium est. Sapienter scripsit D. Bernardus *Lib. 3. de consid.* Et alio in loco *in Apol. Augul.* Non tantum curaretur corporis cultus, nisi prius neglecta fuisset mens inculta virtutibus. Severus Imperator teste Brufonio *Lib. 3. c. 15.* cuidam admiranti, quod viliori amictu uteretur, dixit: Imperatoria Majestas vir-



virtute cōstat, non corporis cū-  
tu. Quid de Sacerdotali digni-  
tate ?

In externo etiam corporis cul-  
tu eam modestiam Clericus sæcu-  
laris seruet, quæ suæ dignitati re-  
spondeat, & proximum ædificet.  
Quidquid enim à Sacerdote pro-  
ficiſcitur, vel circa illum est, ita  
debet esse ordinatum, & compo-  
situm, ut non nisi humilitatem,  
sanctitatem, & sæculi contēptum  
indiket. Et incredibile est, quan-  
to perè sacerdotem apud populū  
commendet humilis, sed gravis,  
& modestus vestitus. Quare ca-  
veat, ne in vestitu nimis sit ex-  
quisitus, quod est unum extremū  
fugiendum, neve nimis neglectus,  
quod est alterum vitandum, sed  
eo habitu incedat, qui uti pro-  
prius, & singularis ob personam,

quam proficitur, illi præscriptus fuit.

Primum extremum ut fugiat, proderit, si consideret, in hac nimis accurata, & exquisita cura, & usu vestium inesse peccatum, nec meo iudicio leve, datur siquidem Sacerdoti, ut de Ecclesiæ redditibus victum, & vestitum habeat: at non ut vanitatem, vel muliebrẽ luxum sectetur, & quærat, sed ut honestam, & necessariam vestem induat: Si enim in laicis hominibus huiusmodi luxum, & vanitatem in vestibus ita damnamus, ut peccatum etiam esse meritò asseramus; quid de sacerdotis nimis exquisito corporis cultu dicendum erit? Si in Deuteronom: cap. 22. v. 5. omnino vetitum erat, ne vir uteretur veste feminea, quod non tam

de forma vestis accipiendum est, quàm de more, ut non ita delicate, & molliter, sicut fœminæ vestes indueret: multò magis cautum esse deberet Sacerdoti, more laicorum in vestitu delicias, & vanitatem sectari.

Si enim Sacerdos totus esset, ut esse deberet, in ornatu, & cultu spiritus, & animi, (*cùm omnis gloria filie regis sit ab intus. Psal. 44. 7. 14.*) sibiq; esset pretiosior anima, quàm corpus, vanum corporis cultum profectò negligeret, sciens, quòd sicut mercator pretiosa monilia & gemmas vili capsula contegit, ut eas securius custodiat, & asservet, ita salus animæ humili, & modesto corporis tegumento tutior cōservatur; cū Sacerdos in sortem Domini vocatus mundo abrenuntiavit,

annē in tam accurato vestiū studio, & luxu fidelis habēdus erit? Certē hujusmodi luxus, & molli- ties vestium non tantum est indi- tium effloeminati animi, sed etiam quædam illecebra turpis amoris, & irritamentum concupiscentiæ: quò enim corpus mollius tracta- tur, eò magis contra spiritum in- valescit, & deliciæ vestium ignē libidinis magis incendunt.

Alterum extremū, in quo pec- care potest sacerdos, est, si nimis sordidus, & neglectus in vestitu appareat: pari enim modo orna- tus, & sordes fugiendæ sunt, ut benè S. Bernardus (*prout Author eius vitæ Gosfrid Abbas lib. 3. c. 2. refert*) factò non probabat, & facti rationē reddebat. Nam cum vixisset, in vestibus ei paupertas semper placuit, sordes nunquam,  
ni-

nimirum, animi fore indices ajc-  
bat, aut negligentis, aut inaniter  
apud se gloriantis, aut foris glo-  
riam affectantis humanam. Quis  
non horreat Sacerdotem sordidū  
maculosâ veste indutum, illuvio-  
sum, sacra tractantem, & sanctis  
assistentem altaribus, cujus for-  
des eò magis offendunt astantium  
oculos, quò minus latere nō pos-  
sunt. Et licet corporalis mundi-  
tia Deum, qui purissimus spiritus  
est, nihil tangat; tamen vult nos  
non solum spiritualiter, sed etiam  
corporaliter mundos esse, quia  
spiritus mundissimus munditiam  
diligat. Igitur danda Sacerdoti  
opera est, ne vel nimis comptus,  
vel neglectus conspiciatur; mul-  
tum enim ædificantur populi,  
cum vident Sacerdotē suum re-  
ligiosè mundū. exterius in cor-



port, in vestibus, & in rebus omnibus: atq; inde colligunt interiorē conscientię nitorem non minus illi esse curę, quàm exteriorē corporis cultum. Tria enim sunt, quę hominis interiora enuntiant: Amictus corporis, risus dentium, & incessus. *Eccles. cap. 19. vers. 29.*

In particulari igitur amictu comam capitis, sive capillos Clerici sæculares non nutriant juxta Decretum S. Pontificis Romani Anniceti Mart. crebrius detondeant, ne defluentes super humeros vestes sacras in celebratione Missę demaculent; Coronā pro conditione statūs majorē, vel minorem radere soleant, in ea spinosam Christi meditando coronam. Quò ad Barbam, quę virorum ornamentum, & decus est,

ho-

hominemq; venerandum reddit,  
 & ideò à Theocrito venerabilis,  
 ac venusta indigetatur; hinc qui  
 pilos barbæ imminuit, veneratio-  
 nem iminuere conatur, nulla ex-  
 tat lex, barbam gestare, vel eam  
 mento abradere, interim tamen  
 legitur Aaronē veteris testamē-  
 ti summum Sacerdotem, & Chri-  
 stum Dominum novi Testamenti  
 legiflatorem, ac Sacerdotē æter-  
 num secundum ordinem Melchi-  
 sedech etiā Barbam gestasse, quæ  
 eorum facies in terris ornabat,  
 & auctoritatem augebat.

Toga oblonga ex materia ni-  
 gra fit, non sapiat splendorem  
 sacularem: rure degentibus Cle-  
 ricis ob frequentiores excursio-  
 nes brevior ad furras: in urbibus  
 verò oblongior ad talos usque,  
 hinc talaris dicitur: Manicæ ex

damascena nigra non nisi in dignitate constitutos, & graduatos decent: Collare non sit nimis longum ad modum sæcularium.

Cingulū, quo vestes laxæ stringuntur, utpote symbolum castitatis, extinctionis omnis motus carnalis, refrenationis omnium superfluitatum, & modestiæ, semper gestent, & juxta monitum Christi. *Luca cap. 12.* Lumbos suos eo præcingant, præcipuè dū peregrè proficiscuntur ad differentiā Præconum acatholicorum, qui velut simiæ Sacerdotes sæculares in vestitu exteriori æmulantur in omnibus, excepto solum cingulo.

Ligulas ex serico ad manicas, & fasces ad genua tanquam muliebres nugas abijciant, quæ mundi potius, quam servum Christi ex-

ornant. Tibialibus ex nullo nisi colore nigro se induant: Calceos pictos, nimium elatos, angustos, muliebrem olentes luxū non deferāt juxta monitū Synodi Carthaginensis 4ti cap. 45. Clericus professionem suam, & habitu, & incessu probet, & ideò nec vestibus, nec calceamentis decorem quærat.

REGULA IV.

*Primus animæ cibus sit manè mentalis oratio, quæ prius à memoria tradita cre intellētis probè mastiçetur, per palatum affectuum in stomachum animæ deglutiat, & fructuosè concoquatur.*

Post resurrectionem à lecto, primam horam orationi mentali dabis, hæc prima hora tibi in meditatione omnino impēdenda est. Do causas. Multa postea possunt eve-

evenire causâ tui muneris, quæ  
impediant orationem. In con-  
fessio est etiâ apud magistros spi-  
rituales, Dæmonis esse fraudem  
manifestam, sæpè nos avocare so-  
lere à præsentî studio alicujus bo-  
ni operis, per spẽ majoris oppor-  
tunitatis ea mente, ut nihil boni  
agamus, nihilq; perficiamus, quod  
non rarò incautis Sacerdotibus  
solet evenire. Prævidit hoc D.  
Basilius inter cæteros, nosq; præ-  
monuit his verbis. *Se. m. de alt.*  
*r. i.* Habent enim morẽ hunc Dæ-  
mones, ut faciendæ orationis tẽ-  
poribus, per speciosam scilicet  
aliquam laudabilis causæ alicujus  
simulationem, nobis sedulò au-  
ctores sint, ut ab ea nos subduca-  
mus, ut quam salutem asferre no-  
bis intelligant, ab ea nos proba-  
biliter adducant. Si ergò Dæmō



( ut optime advertit Climacus  
 Grad 18. ) cum sit infensissimus  
 orationis hostis, hoc orationis  
 tempus omni conatu perturbare  
 nititur, tu ad illum superandū  
 teipsum præpara, & hanc horam  
 mordicus tene. Hæc hora valdè  
 opportuna est; quia melius me-  
 ditatio eâ horâ fit; mens etenim  
 magis collecta est, nullis adhuc  
 curis distracta, corpus ipsum no-  
 cturnâ quiete confirmatum com-  
 modius inservit animo meditan-  
 di. Hoc modo primitias orientis  
 diei, nosq; simul Deo dicamus.  
 Cunctæ actiones nostræ diuturnæ  
 ab ipso sumunt exordium, atq;  
 ex eo diriguntur in sanctum fi-  
 nem, & virtutem haurimus, ut  
 cunctas diligenter, nè imperfectè  
 à nobis fiant, operemur. Quare  
 meritò, qui sunt suæ salutis stu-  
 dio.

diosi, ex matutina oratione, quales cæteræ diurnæ actiones futuræ sint, facile colligunt.

Si orationem operi præmiseris, & surgens electo primorum motuum initia ab oratione duxeris, aditus peccato in animam non patebit, *inquit S. Ephrem. T. I. Serm. de orat. Dei.* Quod si hæc hora spirituali aliqua necessitate proximi impediatur, ut evenire potest in eo, qui curam animarum exercet: si hic necessitatis casus prævideri potest, si eris tui profectus spiritualis amans, aliquid tēporis de nocturno somno suffuraberis, quod in hoc tam svavæ mentis pabulo insumas; si verò repentinus, & inexcogitatus casus sit, idem hīc serva, quod in alendo corpore servare soles; nam si horā consveta casu

casu cōtingat, ut cibū sumere nō  
valeas, in aliam horam refectionem  
quidem differs, non autem  
in alteram diem; hoc ipsum præ-  
sta in hac refectione animæ tuæ,  
& eò sanè diligentius, & accura-  
tius, quò anima corpore præstā-  
tior est. Omnino nulla prætereat  
dies sine sua linea, sine usu ora-  
tionis mentalis. Sine studio ora-  
tionis, omnis Religio est arida,  
imperfecta, & ad ruinam prope-  
rans, egregiè scripsit S. Bonavē-  
tura *de Progressu Religionis cap.*  
7.

Pueris illis Hæbreorum, qui  
ad obsequia Regis Babylonis ele-  
ctierant, & ut starent in conspe-  
ctu illius (*ex capite 1. Danielis*)  
constituerat Rex annonam per  
singulos dies de cibis suis, & de  
vino, unde bibebat ipse, ut enu-  
tri-

triti tribus annis postea flarent  
in conspectu Regis. Ecce anno-  
na, quam de cibis suis coelestis  
Rex tibi constituit, ut dignè ad  
illius famulatum, & colloquium  
admittaris, vescere quotidie de  
illa, certè si hoc cibo regio ani-  
mam tuam enutries, quàm specio-  
sus in illius conspectu appareres,  
quàm lætus Dominus ad tua vota  
complenda festinaret?

Verùm convivium hoc spiritu-  
ale orationis, ita moderaberis, ut  
intellectui pauca, sed affectui mul-  
ta fercula apponas; Est quidem  
necessè, ut præcedat operatio in-  
tellectus, qui facem voluntati no-  
stræ præferat, ut ex ipsa suas o-  
perationes exerceat, cum teste  
Philosopho: Nihil sit volitum,  
quod non sit præcognitum: quod  
confirmat D. Gregorius *Homil.*

26. *super Evang.* Nemo potest diligere, quod prorsus ignorat. Nihilominus in cōsiderationibus intellectus longius immorandum non est, sed omnis consideratio ad excitandum dirigi debet ad pravos amici affectus moderādos, ad acquirendas virtutes, & ad divini amoris augmentum: Volūtas in hoc negotio, ipso intellectu præstantior est: Propterea optimè monet Joannes Gerson *super Magnif. Rell. 26. Lit. D.* Inquiramus quid sit virtus, non ut sciamus, sed ut boni efficiamur. D. quoq; Ambrosius *in Psal. 118.* Meditationis cœlestiū præceptorum intentio, vel finis operatio est. Quod & illis animalibus. *Ezechielis c. 1.* adumbratum fuit, quæ manus sub alis habebant, & manus hominis sub pennis eorū;

quia

quia intellectus operatio ad praxim, & ad opus tendere debet.

Quid animæ fideli svavius, quid iucundius esse potest, quàm devotè de Domino Deo suo meditari, ut quem clarâ ac beatificâ visione intueri nec dum valet, saltem per studiosam recordationē, quasi præsenti sibi faciat? *Thomas à Kempis Soliloq. c. 19. Alia vide in Curatore Animarum p. 2. cap. 8. pag. miki 99. NB. Liber planè utilissimus & dignissimus, ut ab omnibus Curatis Clericis Sæcularibus studiosissimè legere-  
tur, & memoriæ imprimeretur.*

#### REGULA V.

*Mentalem orationem recipiat vocalis, recitatio prius vespere, vel jam manè Matulino cum Laudibus, pro temporis occasione devotè, ac attentè oret Primam, Ter-*



*Tertiam, & Sextam flectendo, stando verò à Paschate usq<sup>3</sup>, ad Dominicam SS. Trinitatis, ad usitatum modum S. Caroli Borromæi.*

**A**B oratione mentali transi ad vocalem, nisi fortassè muneris tui ratio ad alia pietatis, ac religionis officia te vocet. Optimus sanè transitus ab uno, ad alterum ignem, ab uno modo colloquendi cum Deo, ad aliud colloquij genus, sed tantæ dignitatis & utilitatis, progressus, qui se invicem juvant, mentalis oratio ignē parat, vocalis ligna subministrat, quantum fieri potest, ab invicem sejungi & separari nō debent.

Sive in Choro, sive extra Chorum, privatim Horas Canonicas recites, cogita hanc præstantis-

si-

simam functionē ad officium tu-  
um præcipuè pertinere. Quilibet  
verò, nisi planè insipiens sit, of-  
ficiū suū exequitur, & eo sa-  
nè diligentius, quò dictum offi-  
cium fuerit sublimitus. Non er-  
gò tanquam onus laboriosum, &  
gravè, ut nonnulli Sacerdotes  
falsò sibi fingunt, & ideo in hoc  
censu persolvendo adeò segnes,  
& indevotos cum tœdio se præ-  
bent, sed tanquam mollissimū,  
& jucundissimū munus tibi ipsi  
persuade, quid enim excellentius  
est, quàm esse Præconem divina-  
rum Laudum, legatione fungi a-  
pud Deum pro Ecclesia, & Ange-  
lorum ministeriū obire in terris;  
Sed quid suavius Psalmis, & Can-  
ticis, attentè, & devotè decanta-  
tis? profectò tanto sapore, ac  
spirituali dulcedine palatum eor-

dis

dis benè affecti replent, refici-  
untque, ut breve nimis, nimi-  
tūque velox nonnullis probis Sa-  
cerdotibus tempus illud videtur,  
quod ponitur in hac dulcedine  
degustanda. Quàm dulcia fau-  
cibus meis eloquia tua, super  
mel, & favum ori meo. *Psal. I.*  
*18. v.*

Congruò tēpore juxta Eccle-  
siæ consuetudinē, Divinū Officiū  
recitabis, quælibet Officij hora  
propriū tempus assignatum ha-  
beat, quod diligenter non serva-  
re, modò nō obftet legitima cau-  
sa, magnam negligentiam in Sa-  
cerdote arguit, necnon tātī mi-  
nisterij non levem contemptum;  
Omissio enim circumstantiæ tem-  
poris, affectus negligentia est,  
docet S. Thomas *art. 2. q. 54.*  
*art. 2. ad 2. & D. Ambrosius*

C

Lib.

*Lib. 2. de vocat. gent. c. 4.* differens de sacrific: Cain, duas causas assignat, propter quas à Deo rejectum fuit: Quia nimirum non congruo tempore obtulit, distulit enim illud offerre, & quia sibi electiora servavit. Et verè, quis Princeps non ægrè ferat, atque non indignetur, cum videt obsequia ab ipso imperata, non suis temporibus à Servis suis illi præstari, sed tempore importuno & præpostero, ut quod manè fieri debet, differatur usque ad meridiem, & usq; ad vespèrã? Quanto magis irascetur Dominus universorum, cum viderit Sacerdotem ad hoc precandi munus præcipuè destinatum, & hujus causâ Christi patrimonio locupletatũ, debitam huius censũ persolvendi horam præterire? Res hæc si-

cut

aut divinam indignationem provocat, ita daemonibus risum: Nonne ridiculum esset, si meridiem manè appellares, & meridiem vesperam vocares, aut cum tempus surgendi esset, te ad cubitum parares. Sic eum matutinas horas post prandij horam recitas, aut Primam, vel Tertiam, cum jam solis occasus advenit, aut etiam, cum omnia simul coacervas, haud dubio non abibis impunè; Quemadmodum nec abijt ab ira Divina illæsus B. Severinus Ecclesiæ Colonienfis Episcopus alioquin vigilantissimus & sanctissimus Præsul, qui in pestilenti voragine ignis purgatorij cremabatur, non aliam quidem ob causam, nisi quia Canonice Synaxis officia per distincta horarum spatia nō persolvit, quo im-

perialibus negotijs cōmodiùs ac  
liberius vacaret. *Vt auctor est*  
*Petrus Damiani Lib. de mirac.*  
Meritò Angelus, qui Eremitam  
quemdam deficientibus alimentis  
pascibat, uvas aliquando bonas,  
aliquando agrestes; quandoque  
etiam marcidas illi deferabat;  
qui interrogatus ab eo, quæ esset  
causa tantæ diversitatis, respon-  
dit, se portare uvas bonas, quan-  
do officium debitis horis persol-  
uebat; agrestes verò quando præ-  
ueniebat, marcidas autem quan-  
do ultra debitam horam persol-  
uebat. *Iacob. à Graph. cap. 6.*  
*paragr. 14.*

Ante diuinum officium ex con-  
silio D. Bonaventuræ, præviâ ali-  
quâ oratione te ipsum collige, &  
noli esse quasi homo, qui tentat  
Deum. *Eccl. c. 18. v. 23.* Ideò  
anim



enim tam desides & tepidi sumus in divino officio, quia ante non sumus in aliqua devotione exercitati, & ita sicut intravimus frigidi, eximus corde dissoluti, inquit ille.

Præparatio ad Divinum Offici-  
cium, ut multa alia præteream,  
in duobus consistit: In puritate  
intentionis & Conscientiæ; Ex  
intentione enim omnis noster pro-  
fectus pendet; quia qualem nobis  
finem proposuerimus, tales pro-  
fectu actiones evadent. Malus  
homo de malo thesauro profert  
mala, docuit nos Christus *Luce*  
*cap. 6. v. 45.* Per malum thesaurū  
præposterā intentionē denotat,  
exqua malū opus prodit. Et Ri-  
chardus Victorinus: Ex prava  
intentione operantes necatores  
suorum filiorum appellat; Sic e-

nim ait *de statu inter hom.* Quid enim juvat bonorum operū prolem gignere, & eam per intentionis depravationem necare. Porro legitimus finis, ad quem divinum Officium præcipuè dirigi debet, est Deo debitus census laudis persolutio, totius Ecclesiæ utilitas, & proprius profectus recitantis; Quidquid aliud præter hunc finem spectes, ut si tantum temporale cōmodum, & ut quotidianas distributiones facias turas, præpostera intentio est, jam non operaris secundum finem tui muneris germanum, & proprium, carebis æterna mercede: Hinc illa Cassiani, expendētis illa Psalmistæ *Psal. 14. v. 5.* Qui pecuniam suam non dedit ad usuram. Omnis, inquit, qui eloquia DEI, & *(idem dic de quavis studiosa*  
ope-

*operatione*) humanæ laudis, addē  
etiam lucri amore dispensat, pe-  
cuniam suam erogat ad usuram,  
non solum nulla pro hoc præmia,  
sed etiam supplicia meriturus.  
Ob hoc enim pecunias Domini  
maluit profligere, ut ex ipsis tē-  
poralem ipse consequeretur mer-  
cedem, non ut Dominus, sicut  
scriptum est, veniens, quod suum  
est, reciperet cum usura, Sic  
ille.

Requiritur etiam conscientie  
puritas à culpa mortali. Canoni-  
cus, seu quis alius recitans ho-  
ras Canonicas, & proprii mune-  
ris ratione, existens in peccato  
mortali, Deum graviter offendit.  
Quare tu enarras iustitias meas,  
& assumis testamentum meum per  
os tuum; tu verò odisti discipli-  
nam, & projecisti sermones meos

retrorsum. *Psal.* 49. Et *Eccl.* c.  
15. v. 9. Non est speciosa laus  
in ore peccatoris. Fœtidum il-  
lius os, non nisi malum odorem  
exhalat, sibi ipsi nocet, quia si-  
milis Uriæ efficitur, qui, ut est  
in Historia sacra Regum *cap.* 11.  
v. 14. tulit in sinu litteras mor-  
tis suæ, at ille ignorabat, quid  
lateret in litteris; tu verò mani-  
festam cōtra te ipsum sententiam  
profers, quoties cum Psalmista,  
& cum Prophetis divinam indi-  
gnationem, & maledictionē pec-  
catoribus imprecaris.

Maledicti, dicis, qui declināt  
ā mandatis tuis. *Psal.* 118. v. 21.  
at tu unus ex illis es? Similis  
est huiusmodi divini officij reci-  
tatio arcui perverso, qui sagittas  
jaculans ferit sagittarium; aëri,  
aut cymbalo tinnienti, qui alijs  
dat

dat sonum, & remanet is sine sono; Equidem scientia auget peccati malitiam, & ex culpa poenæ reatum, & major judicij distinctio colligitur ex cōmuni Theologorum consensu. Audi Dionysium Carthusianū *in cap. 4. lac.* Ei, qui scit, ad quæ obligatur, quid facere, quid vitare jam debeat, nec tamen juxta suam peritiam laudabiliter conversatur, scientia est majoris culpæ, & poenæ occasio, & culpabilior, atque damnabilior.

Nocet etiam sibi ipsi hac alia de causa, quia cum aliquo inordinato affectu iste feratur, etiam dum cantat in choro, seu privatim recitat divinas Laudes, semper totus est in id, quod ille affectus objicit, sive sit odium in quaerenda vindicta; sive amor cō-

cupiscentiæ in re concupita, si-  
 ve quid aliud. Quintilianus *Lib.*  
*18. c. 1.* Egregiè probat virum  
 improbum oratorè esse non pos-  
 se, multasque causas affert, sed  
 hanc unam præsertim: Nihil e-  
 nim est tam occupatū, tam mul-  
 tiforme, tot, ac tam varijs affe-  
 ctibus conscissum, atq; laceratū,  
 quàm mala mens Meritò, si hæc  
 impediunt, ne iste ritè oratoris  
 officio fungi possit apud homi-  
 nes; multò minis erit dignus o-  
 rator apud Deum. Privatur ob  
 culpæ mortalis reatum divino lu-  
 mine, quo dignè, & attentè psal-  
 lētes cœlitis perfunduntur, sua-  
 viter divinorum eloquiorum  
 non degustat, ineptum se reddit  
 ad divinam gratiam. Siquidem  
 improbitate cœcatus mentis ocu-  
 lus, & caligante sibi iniquitate  
 pro-



profunda misteria invenire non potest. In malevolam animã non cadit sapientia: ait cum Sapiente D. Ambrosius *in Psal. 118.*

Non distractè, aut quasi aliud agens, sed attentè, ac devotè recitabis divinum officium, singula verba benè proferes, non truncabis, seu dimidiabis, ad verba, quæ dicis, & ad sensum illorum, quantum potes, attende, ut affectum tuum, Psalmi affectui accommodes. Ex sententiã D. Bernardi *Lib. de vita solit.* Nunquã intelliges David, donec ipsos Psalmorum affectus indueris, sicque de reliquis, sic fructuosè precaberis. Nescit comedere, qui nescit masticando è cibis saporem elicere, nec palatum habet, nec fauces ad manducandum, qui saporis huiusmodi sentire non prævalet,

inquit Guilielmus Parisiensis: *Lib. Decret.* Sed nihil efficacius ad te colligendum in tempore Divini Officii, ut illud attentè, ac devotè recites, quàm si Dominum te intuentem, atque audientem ferriò ante mentis tuæ oculos constituas: Ita te docet Thomas à Kempis *de discip. clav. cap. 2.* Recordare dilecti Domini IESU in præsepio jacentis, aut in cruce pendentis, aut in cœlo ad trætatorium Patris, tanquam coram eo assisteres, & cantares. Ipse sit in corde tuo, & in labijs tuis ad pronuntiandum apertè, & distinctè verbi Spiritus Sancti, cujus ope, & arte divinum officium ordinatum est. Statue IESUM ad dexteram, & MARIAM ad sinistram tuam, & omnes Sanctos in circuitu eorum. Omnes Fratres  
tui

tui sint tanquam Angeli Dei, & cum quibus nunc psallis in terris, spera etiam te cantaturum in coelis. *Hæc omnia Thomas.*

Cuicunque Horæ Canonice congruum temporis spatium, & minimè angustum assignabis, ne propter temporis brevitatem festinare compellaris, ut ea quæ dicis, attendere, & degustare non possis: Equidem hoc etiam in aliquibus Sacerdotibus deplorandum est; cum de negotijs sæcularibus agitur, de jocis, de confabulationibus, nulla ratio prorsus de jactura temporis habetur, dilapidatur tēpus absumitur, perditur. Audi, quid isti dicunt ex D. Bernardo *Serm. de triplici cust.* Libet confabulari, ajunt, donec prætereat hora, ô donec prætereat hora, ô donec pertrāseat tempus.

pus. Donec prætereat hora, quam tibi ad agendā poenitentiā, ad obtinendā veniā, ad acquirendā gratiam, ad gloriā promerendam miseratio Conditoris indulget &c.

At si de divino officio agitur, de suis functionibus ritè obeundis adeo avaros circa tempus se præbent, ut in pondere, in mensura, in lance ponant tēpus, quod in ijs exercitijs spiritualibus insumere debent: Profectò hoc faciunt, qui palatum internū morbo aliquo infectū habent; idcirco spiritualia istis, vel nihil sapiunt, aut dulcescunt in aure, majore, quā possunt brevitare, atq; celerite ab hisce se expediunt: Dulcia illis videntur amara, & amara dulcia; non sic verè pij, qui sanum habent palatum, & linguā, sentiunt dulcedinem, & incredi-

bi-

bilem suavitatem capiunt ex re-  
bus spiritualibus, atque in ijs im-  
morari, quantum oportet eos nō  
piget, quia erga illas sunt benè  
affecti. Non incognitus fuit hic  
morbus Thomæ à Kempis *P. p.*  
*„serm. cap. 6.* Pessimus aliquo-  
rum usus est, quod dicere pu-  
det, quòd in dormitorio, seu in  
lecto diu phantafando vigilant,  
& in Ecclesia; & in Choro præ-  
tædio devotionis dormitant.  
Hi sibi, & aliis frequenter no-  
cent, nec Christo strenuè mili-  
tant, neque pro benefactoribus,  
& tribulatis fideliter orant.  
Valdè enim gravè Deum offèn-  
dunt, pigrè surgendo, tardè sæ-  
pius veniendo, tepidè psallen-  
do, verba corrumpendo, cre-  
brius oscitando, vagè circum-  
spiciendo, malè advertendo, ne-  
gli-

„genter inclinando, de longitu-  
 „dine Psalmorum attædiando, &  
 „ad finem festinando. Gaudent  
 „ad sonum refectorij, horrent  
 „signum Capituli, properant ad  
 „fabulas, tardè intrât ad cellam,  
 „languent ad opera, fervent ad  
 „fercula bene parata. Omnia ista  
 „signâ sunt parvæ devotionis,  
 „magnæ ingratitude, & vehe-  
 „mentis Confusionis. Heu non  
 „est amor Dei ante oculos isto-  
 „rum, non amor Dei in corde,  
 „non laus ejus in ore, sed fraus  
 „in voce, tremor in aetione.  
*Hucusq; Kempensis.*

Divino Officio finito, audi  
 „quid dicat idem Thomas? Non  
 „statim te effundas ad exteriora,  
 „ne perdas gratiam, quam con-  
 „secutus es orando; sed potius  
 „post vota labiorum tuorum te  
 re-



recollige, & in majore gratia  
actione ab omni strepitu solus  
permane, ruminando quæ audi-  
sti cantari. Quid prodest unâ  
horâ laudare Deum, & alia sa-  
cularia, & inania tractare? No-  
li pretiosum fructum orationū  
tuarum, & labiorum divini o-  
peris pro vilibus expōere jocis,  
& nugis; Nam citò perit de-  
votio, quæ non custoditur sub  
silētij fræno. *Quod docet Tho-  
mas de vocali, idem etiam serva  
de mentali oratione finita.*

REGULA VI.

*Confessionis Sacramentalis usus,  
si non quotidianus, saltem fre-  
quens sit Clero Sæculari probè  
commendatus.*

**N**ihil hoc loco de culpa morta-  
li, quis enim credat Sacerdo-  
tem esse suæ salutis adeo imme-  
mo-

morem, ut sibi de illa conscius  
sine sacramentali expiatione au-  
deat vel Missam celebrare vel a-  
lias sacras functiones obire! hunc  
sanè non Christi ministrum sed  
Sathanæ, & ipso Juda proditore  
peiores dixerim esse; Sed sua-  
detur hîc frequens usus Sacra-  
mentalîs Confessionis respectu e-  
tiam levium culparum, & quoti-  
dianorum defectuum, qui nobis  
ob nostram fragilitatē, vel incu-  
riam familiares esse solent, &  
quidem gravissimis rationibus.

Equidē mihi non parvum pu-  
dorem, & timorem pariter incu-  
tiunt illa Divi Hieronymi. *Lib.*  
*ad Vigil.* Ego confiteor timorē  
meum, ne fortē de superstitione  
descendat; quando iratus fuero,  
& aliquid mali in animo meo co-  
gitavero, vel me nocturnū phan-

tasma deluferit, basilicas Marty-  
rum intrare non audeo; ita totus  
& corpore, & animo contremi-  
sco.

De solo in Ecclesiam ingressu  
loquitur hîc D. Hieronymus, à  
quo se deterreri fatetur à consci-  
entia venialium culparum, quid  
de Missæ celebratione, & Sacra-  
mentorum administratione, cæ-  
terisq; sacerdotalibus munijs di-  
xisset? Causam hujus justi timo-  
ris in viris pijs, ac probis reddit  
D. Bonaventura *P. p. Spec. p.*  
213. Qantò quis, inquit, fuerit  
mente purgator, tantò se sordi-  
diorem videbit, & majores Cau-  
sas humiliationis inveniet.

Prima ratio sumitur ex illis D.  
Joannis Evangelistæ. *Ep. i. c. i.*  
v. 8. Si dixerimus, quia pecca-  
tum non habemus, ipsi nos sedu-  
ci-

emus, & veritas in nobis non est Ergò, sic benè infert B. Augustinus in *Psalm.* 99. Semper confitere, quia semper habes, quod confitearis; difficilè enim est in hac vita. ut sic homo munderetur, ut nihil inveniat in se, quod confiteatur. *Hic ipsum cõcludit D. Gregorius Libr. 2. in Reg. cap. 1.* Quia sine peccato electi etiam viri esse non possunt, quid restat, nisi ut à peccatis, quibus eos humana fragilitas maculare non desinit, evacuare quotidie contentur?

Aliam causam assignat idè Gregorius *Lib. 20. moral. cap. 9.* Si curare parva negligis, eadèq; flere, & devitare à statu justitiæ, non quidè repentè, Sed partibus totus cades. Idem etiam evenit hîc, quod in corporibus, ait optimè

mè S. Ioannes Damascenus. In  
 corporibus, qui parva vulnera  
 negligunt, sanem plerumq; ac  
 mortem sibi ipsis accersunt; Ad  
 eundem modum etiam in animis  
 hoc usu venit, ut qui minima vi-  
 tia, ac peccata nihili pendūt, gra-  
 viora sibi inveniāt. Igitur celeri  
 curatione opus est. Adde ex Ri-  
 chardo Victorino *Cap. 35. in Cāt.*  
 Quod levia peccata, si statim per  
 pœnitentiam non deleantur, ob-  
 scurant animum & impedimen-  
 tum faciunt amplioris gratiæ, mi-  
 nuūt enim gratiā, quæ a sacerdote  
 copiosior hauriretur ex Missæ  
 celebratione, & alijs Ecclesiasti-  
 cis functionibus, fitque incapax  
 amplioris gratiæ. Ex quo postea  
 sequitur, ut sacerdos, qui lon-  
 gius in hisce levioribus culpis  
 spontè immoratur, eò magis sem-  
 per

per in via perfectionis retrogradiatur. Quotidiè id nos uisus docet : Plus potest res infirma, & parua remorans, quàm magna, & valida impellens. Vulgatnm est proverbium Nautarum ! In remigio plus posse remigem unum inhibentem, aut renitentem, quàm decem remigantes.

Hoc etiam certum est ex omnium Theologorum consensu, Levia peccata sine actu pœnitentiæ deleri non posse, cum enim etiam in his venialibus culpis deordinetur voluntas per inordinatam conversionem ad bonum creatum, ut ait S. Thomas 3. p. *question. 87. art. 1. 12.* Hæc deordinatio tollitur per pœnitentiam, & quamvis hi actus pœnitentiæ multis modis elici possint, quo etiam fit, ut multis modis peccata

ta



tā venialia deleri possint, quos  
idem Beatus Thomas enumerat,  
potissimum tamen, & certius ad  
illa tollenda antidotum est Sa-  
cramentalis Confessio, quia ut o-  
ptimè ait Beatus Bernardus *De*  
*interiore domo cap. 37.* postquam  
dixit omnia peccata nostra in di-  
vino conspectu scripta esse, sub-  
dit: Quod ibi scribit transgres-  
sio, hîc delet Confessio. Multa  
insuper alia incommoda spiritua-  
lia secum defert, quæ à Sacerdo-  
te non modò spernenda nō sunt,  
sed summoperè amanda, & quæ-  
renda, & quò frequentior erit cō-  
fessio, eò uberiores fructus ex ea  
emanabunt.

Ex frequentiori usu Confessio-  
nis Sacramentalis majus semper  
lumen accipies ad tuos defectus  
dignoscendos, quæ quidem scien-

tia à suæ salutis studio magno-  
perè exoptanda est. Præclara si-  
militudine S. Bonaventura *I. P.*  
*spec. p. 2. c. 3.* hoc nobis infinu-  
at. In domo, inquit, quam sub-  
intrans solis radius illuminat,  
quantumcunque licèt fuerit præ-  
mundata, atomi nihilominus dili-  
gentius apparent: Sic & corra-  
dijs gratiæ illustratum, etiam mi-  
nima videt, ac vitiorum laqueos  
subtili examinatione discernit.  
Magna & admirabilis est vis di-  
vinæ laudis, quam Deus per vir-  
tutem hujus Sacramenti in ani-  
mam nostram infundit.

Magis etiam sedantur inordi-  
nati tum corporis motus, quibus  
sedatis, magis acuitur oculus mē-  
tis ad deprehendendos, & ad er-  
rata sua, uti sunt æstimanda.  
*Quemadmodum,* inquit B. D. a-  
do-

doctus *Lib. de perfect. op. c. 27.*  
 Oculi nostri corporis, cum sani  
 sunt, cuncta cernere possunt, e-  
 tiam culices in aëre volitantes :  
 Cum verò turbati sunt, aut quo-  
 dam humore suffuso septi, si quid  
 in eorum aspectu occurrat gran-  
 de, hoc tenuiter cernunt, minu-  
 ta verò non sentiunt; sic anima,  
 si ardorem ex cupiditate mundi  
 collectum studiosè restrinxerit,  
 etiam valdè parva errata; pro  
 gravissimis ducit.

Uberioris gratiæ thesaurus in  
 te locupletabitur, ex quo ad vi-  
 tam tuam melius in dies institu-  
 endam, moresque tuos componē-  
 dos, robur accipies.

Magis illuminaberis ad cogno-  
 scendam dignitatem tuā, ac san-  
 ctitatē functionum, quæ tui mu-  
 neris propriæ sunt.

D

Pu-

Purius, ac perfectius Dei, & animarum servitium urgebis, quò enim frequentius cōscientiæ tuæ domus mundatur, eò purior erit.

Frequentius etiam actus multarum virtutum, nempe humilitatis, spei, divini amoris, detestationis peccati, & aliarum virtutum exercentur, quarum frequentati actus magnum meritum cumulum faciunt.

Postremò David, qui tamē Sacerdos non erat, frequentissimè suorum peccatorum confessionē repetebat, ut divinam misericordiam impetraret, quinimò multitudinem miserationum, ut ipsemet deprecatur, obtineret; quid nos facere convenit pro quotidianis culpis? Ille, inquit D. Ambrosius in *Apol. I. de David* cap.

cap. 8. pro uno peccato multitudinem miserationum deprecatur; nos pro pluribus peccatis vix semel ejus misericordiam credimus obsecrandam. Amplius lava me, (*dicebat David Psalm. 50.*) ducta similitudine ab infectioribus pannorum, uti enim pannus pluribus coloribus inficitur, ut ultimò tandem imbuatur; ita & anima frequenti confessione expiari debet, ut abundantius divinâ gratiâ locupletetur. Alia vide in Curatore animarum P. 2. cap. 4.

*pag. mihi 86.*

# REGULA VII.

*Purus mente, & corpore præparatus, precibus præmissis, virtutum ornatu, humiliato corde, piissimis affectibus accedat ad Altare, Sacrosanctæ Missæ tremendû Sacrificium non nimis lentè, ne ta-*

*Da*

*dio*

dio afficiatur populus, nec nimis  
 properè, rubricas exactissimè ob-  
 servando devotissimè celebret; fi-  
 nito Sacro Gratiarum actionem  
 tum vocaliter, tum mētaliter Deo  
 referat, eamq; recitatione Horæ  
 Nonæ claudat.

**E**X sententia Thomæ à Kempis  
*Lib. I. de vitæ solit. c. 25.* quæ  
 communiter probatur ab omni-  
 bus, & quotidiano experimento  
 confirmatur, ideo nullū, aut sal-  
 tem exiguum fructum de mensa  
 Domini reportamus, quia nec an-  
 tē bene parati ad illam accedi-  
 mus, nec postea stamus supra cu-  
 stodiam nostram, non recogitan-  
 tes, quia Sanctus Sanctorum in-  
 gressus est ad nos. Quædam igi-  
 tur antē, quædam in ipsa Missæ  
 celebratione, & quædam post, ti-  
 bi servanda proponuntur.

Ad



Ad dignam Missæ celebratio-  
nem, afferes primò conscientie  
puritatem à culpa mortali, & ve-  
niali etiam, quantum poteris, nã  
etsi peccatum mortale sacrificij  
valorem neque tollat, neque di-  
minuat, tu tamen, quia indignus  
illud administras, iudicium ac da-  
mnationem tibi ipsi acquiris. Et-  
si Missam celebres cum peccato  
veniali voluntario, cujus neque  
confessio, neque dolor præcessit,  
habitualement quidem gratiam reci-  
pies, sed gratia actualis impedi-  
tur, quæ est refectio mentis, gu-  
stusq; Dei specialis, atque virtu-  
tum lumen refulgens in mente, &  
vigor in voluntate ad omne opus  
bonum. Quæ quidem jactura nō  
in parvis, sed in magnis damnis à  
Sacerdotibus suæ salutis studio-  
sis cōnumerari solet. Verum nō

est satis, te esse purum, quia & purum te esse oportet, & omnibus excultum virtutibus, ut etiā ex parte offerentis ipsi Deo sacrificium fiat acceptabilius, tibi, ac universæ Ecclesiæ utilius.

Nec etiam impræparatus accedas, hoc enim divinum mysteriū; primum, ac maximum negotium tibi meritò esse debet, ab hoc quippe Sacerdos diceris, ab ōnibus quodāmodo coleris, & Ecclesiæ proventu honorificè sustentaris. In hoc cū primo mane evigilaveris, animum tuum intēde, ut hanc præstantissimā functionem, majori quā poteris reverētia, ac devotionis affectu perficias, in hunc etiam finem mentalem, ac vocalem orationem tuam diriges. Nec equidē illorum sacerdotum consuetudinem proba-

bare unquam potui, qui exiguum  
illud tempus, quod Missam im-  
mediatè præcedit, in sacristia hu-  
ic tribuunt præparationi; nam  
nimis brevis hora illa est, nec  
præstantiæ, ac dignitati tanti ne-  
gotij sufficiens. Thomas à Kempis  
tam insignis vir diligenter consi-  
derans virum, tempus, & expen-  
sas factas in fabricâda arca (*Lib.*  
*4. de imit. Cbr. c. 1. n. 3. & 4.*)  
Necnō in arca testamenti ac cō-  
struendo templo seipsum repre-  
hendebat, quòd non nisi horam  
dimidiam daret præparationi ad  
Missam. Quin etiam tanta est hu-  
jus divini mysterij præstantia,  
quod si sacerdos totius vitæ suæ  
tempus in se præparando infu-  
meret, ut unâ vice tantum dignè  
hoc sacrum ministerium perage-  
ret, rectè, ac sanctè impensum

putaretur. Deindè breve illud temporis spatium multis interdū distractionibus turbatur, non desunt muscæ, quæ mentem nostrā vexant, pijs affectibus potius, qui in mentali oratione, & alijs pijs exercitationibus in hunc finem excitati fuerunt, exfuscitandis, renovandisque inservire debet, & ad nos colligendos.

Unius Missæ celebratio, alterius Missæ optima præparatio fit; etenim hoc Sacramentum tantæ dulcedinis, ac suavitatis est, cū in eo hæc spiritualis dulcedo degustetur tanquā in fonte, hoc est in ipso Deo; ut quò magis frequentetur non quidem satietatē, sed majorem famē, ac desiderium hujus panis cœlestis pariat, quæ postea fames in purgatis mentibus majoris præparationis stimulus est peracutus. .

Cæ-

Cæterum digna præparatio,  
 quæ tanti Sacrificij Majestati re-  
 spondeat, non est humanarum vi-  
 rium. Hinc D. Ambrosius Quis  
 „dignè hoc Sacrificium celebra-  
 „re poterit, nisi tu Deus Omni-  
 „potens effeceris dignum: Scio,  
 „& verè scio, & hoc ipsum tuæ  
 „pietati confiteor, quia non sum  
 „dignus accedere ad tantum my-  
 „sterium propter nimia peccata  
 „mea, & infinitas negligentias.  
 „Sed scio, & verè scio, quia po-  
 „tes me facere dignum, qui so-  
 „lus potes facere mundum de im-  
 „mundo conceptum semine. Ve-  
 „rumtamen cum omni cordis hu-  
 „militate appropinqua Deo, & i-  
 „pse appropinquabit tibi. Aperi  
 Christo pulsanti. fac quod tuum  
 est, & ipse adjuvabit infirmitatē  
 tuam, facietque quod suum erit.

Facturus Sacrum, nihil nisi sublime, ac cœleste spectabis, & quæres nihil, nisi majorẽ Dei gloriam, Ecclesiæ utilitatem, spiritualem salutem, tum tuam, tum proximi tui, & erga animas in purgatorio detentas suffragia, nõ autem inanem gloriam, ut devotus ab omnibus habearis, non aridam quandam, & insipidam celebrandi consuetudinem, non tẽporale lucrum.

Accedes cum magna devotione, quam excitabis attenta, ac seria meditatione hujus tanti mysterij; actus fidei præcipuè elicies, Sacramentum enim hoc fidei est, & sine fidei operatione nequit devotè, ac ritè tractari; Ideo enim multi Sacerdotes sine spiritu, sine affectu, sine timore, indecorè, & aliquando etiam indignè,



gnè, cum festinatione incredibili sacrum perficiunt, quasi non credant sub speciebus, panis & vini, quas habent præ manibus, post verba consecrationis adesse corpus, & sanguinem Christi, ejusdem animam per naturalẽ colligationem, ac pariter divinitatem per inseparabilem unionem, quasi fide non videant ipsum Dominum ibidem præsentem, & ipsos præsertim intuentem. Missam celebraturus fidem exerce circa hoc Sacramentum, & ipsa, qualem te præbere debeat in illo peragando, optimè instruet.

Excitatur etiam devotio spei firmitate, certo sperans virtute tanti Sacramenti modo tu ipse nõ ponas obicem, divinam gratiam, coelestesque thesauros consecuturum. Ad quid enim hic aman-

tiſſimus Deus ſe credit manibus  
tuis, niſi ut ditet paupertatem  
tuam divitijs ſuis.

Sed nihil utiliſſus, quàm ſi actus  
amoris elicias erga tantum Domi-  
num. Menſa hæc igne ſpiritua-  
li plena eſt, & quemadmodum  
fontes ſcaturiunt aquã, ita hæc  
menſa flammam divini amoris fo-  
vet, ait Divus Chryſoſtomus. Ut  
verè ſaxeus, vel etiam æneus ſit  
Sacerdos, qui ad tanti ignis præ-  
ſentiam, ſi non liqueſcat, non in-  
caleſcat ſaltem. Accede ergo ve-  
rè amans ad peragandum amoris  
Sacramentũ, & amoris affectibus  
non privaberis, guſtabis, quàm  
ſit ſuavis Dominus.

Dum Miſſam celebras, confi-  
dera te tunc vicem Chriſti ſum-  
mi Sacerdotis gerere, oculis ac  
totius corporis geſtu benè com-

po-

posito assiste. Age quod agis, & omnia cum magna reverentia interius, ac exterius perfice. Christus corpore, & mente tuam salutem operatus est, tu etiam hoc mysterium in redemptionis tuæ commemorationem institutum, animo, & corpore pariter comitare.

Ad reverentiam interiorē spectat quarundam virtutum exercitatio, videlicet religionis, humilitatis, Fidei, spei, ac charitatis, ut jam dixi, sed actualis attentio præcipuè. In hora Sacrificij, inquit B. Esaias Abb. or. 3. resiste cogitationibus & sensus tuos continens in timore Dei, mysterijs dignus efficiaris. Præfigurabat hoc Aaron, tēplum ingressurus cauſa sacrificij, qui laneis depositis, lineis induebatur ad signi-

gnificandum, deponenda esse vana omnia à sacerdote, cum ad altare accedit. De hoc ipso monet populum sacerdos, cum ait, fursùm corda, & dum respondet populus, Habemus ad Dominũ, admonetur sacerdos ipse, se nihil aliud tunc temporis curare debere præter Deum.

Reverentiam verò exteriorem multa juvare possunt. Consideratio divinæ præsentis Christi, qui modo Sacramentali sacerdoti sacrificanti præsentissimus adest. Non cogitas ipsum hic adesse invisibiliter Dominũ, qui uniuscuiusque motũ metitur, & conscientis rationem habet, *inquit S. Chrysostomus Hom. I. in illud Isaia Vidi Dom.* O si liceret oculis intueri, quãtã reverentiã Angeli assistunt sacerdoti celebranti.

ti: Vultum demittunt, non audent liberè intueri, admirantur cum tremore, alis faciem tegunt, *ita Cbrysostomus*. Peccator autē illi distractus assistet? præcipitanter, & irreverenter hoc ministerium peraget?

Accurata, ac devota observatio sacrarum ceremoniarū. Habent Reges & Principes suas urbanitatis leges, quas præterire nefas est. Merito de hac re tanti momenti, ita Concilium Tridentinum *Sess. 22. de obs. Miss.* Quanta cura adhibenda sit, ut sacrosanctum Missæ sacrificium omni Religionis cultu, ac veneratione celebretur, quivis facilè existimare poterit, qui cogitârit, maledictum in sacris litteris eum vocari, qui facit opus Dei negligenter.

Quid

Quid si necessario fatemur, nullum aliud opus adeo sanctum, ac divinū à Christi fidelibus tractari posse, quàm hoc ipsum tremendum mysterium, quo vivifica illa hostia, quā Deo Patri reconciliati sumus, in altari per sacerdotes quotidie immolatur. Satis etiam apparet, omnem operam, ac diligentiam in eo ponendam esse, ut quantā maximè fieri potest cordis munditie, ac puritate atque exteriori devotione, ac pietatis specie peragatur.

Quod si Deus in veteri lege Moysen ad observantiā cerimoniarum in sacrificijs illis ita urgebat, ut contra illarum transgressores multa mala fuerit comminatus. Quod si audire nolueris vocem Domini tui, ut custodias, & facias omnia mandata, & cerimoni-



as, veniēt super te omnes maledictiones istæ, & apprehendent te, *Deut. cap. 28. v. 15.* & tamen in illis sacrificijs offerebantur non nisi tauri, arietes, & alia animalia huiusmodi, quid in augustissimo Missæ sacrificio?

Verum has sacras cerimonias perfectè, ac decorè nunquam servabis, nisi earum significationē optimè noveris, quam quidem significationem apud multos Auctores licet invenire, hac enim ratione eis debitum cordis affectum accomodabis, ut quod corpore exterius facis, facias & mēte; Si genu flectis, ita genu flectas, ut Deo submittas, si caput inclinas, inclines & mentem, ut Dei amorem concilies. Acceptus est Regi minister intelligens, hoc est accuratus, qui suum munus obit  
di-

diligenter, ait Salomon Proverb.  
cap. 14. v. 35.

Juvat etiã actualem attentionẽ,  
si verba proferas ita clarẽ, &  
distinctẽ, ut à circumstantibus  
commodẽ intelligi possint, & tu  
ipse ad ea, quæ dicis, mentem ap-  
plicare valeas, quo hujus divini  
mysterij dulcedinem suavius, at-  
que diuturnius degustes; etenim  
si cibum, etsi dulcem, atque sua-  
vem statim deglutias, parùm, aut  
nihil de ejus suavitate præsenties:  
at si paulatim dentibus conteras,  
atque rumines, palatum tuum il-  
lius dulcedine, & sapore reple-  
bitur, quare non festinanter, nõ  
distractẽ verba proferenda sunt,  
sed distinctẽ, atque ideo illa tẽ-  
poris mora hac in re ponenda est,  
quam tanti negotij dignitas re-  
quirit. Quod si B. Augustinus

de nonnullis Sæcularibus ita cõ-  
 „queritur *serm. 25. de temp.* Ad-  
 „huc quoque quod valdè dolen-  
 „dum est, conqueri vobiscum  
 „volo, quod sunt aliqui, & ma-  
 „ximè potētes hujus sæculi, qui  
 „dum veniunt ad Ecclesiam, non  
 „sunt devoti ad laudes Dei, sed  
 „cogunt presbyterum, ut abbre-  
 „viet Missam, & ad eorum libi-  
 „tum cantet, nec ei licet morē  
 „Ecclesiasticum sequi, propter  
 „illorum gulam, & avaritiā, qua-  
 „tenus unus punctus dei ad offi-  
 „cium, & reliquum diurnū spa-  
 „tium simul cum nocte ad eorū  
 „deputetur voluptatem. Multò  
 „magis Sacerdotes illi arguendi  
 „sunt, qui ut eorum sæculariū  
 „gratiam aucupentur, vel etiam ex  
 „propria indevotione Missam præ-  
 „cipitanter celebrant, nimis cele-  
 „ri-

riter se expediunt, & quidem nō  
fine parva jaētura sui spiritualis  
profectus, tanti Sacramenti irre-  
verentia, necnon & magna ad-  
miratione piorum fidelium astan-  
tium.

Maximus fructus hujus sacri-  
ficij positus est etiam in usu po-  
stulationis: habes thesaurum infi-  
niti valoris præ manibus; cur  
ergo ex illo ditescere non studes?  
Ut persona publica, & nomine  
Ecclesiæ hoc sacrificium offers,  
pro omnium salute illud offerre  
debes, & pro ijs, quibus aliqua  
obligatione teneris, etiam pro a-  
nimabus purgatorij, quibus præ-  
ter sacrificij valorem plenariam  
aliquam Indulgentiam ex icun-  
cula benedicta, aliove speciali  
privilegio, applicare optimum e-  
rit. Neque verò tua mens ita ex-  
cūr-

currat ad alios, ut tui ipsius obli-  
viscaris ; Pete igitur magna cum  
fiducia, ut Deus ex merito tanti  
sacrificij ditet paupertatem tuā,  
veras animæ divitias elargiatur,  
postula quidquid tibi fuerit ne-  
cessarium, sive ad vitia extirpan-  
da, ad edomandas pravas animæ  
affectiones, sive ad virtutes com-  
parandas, atque eā maximè, qua  
te potissimum indigere noveris.  
Et cum mora illa, quæ in Canc-  
one Missæ, huic postulationi con-  
ceditur, ex consuetudine Eccle-  
siæ sit admodum brevis, ante  
Missam tuum libellum supplicem  
præpara, quē postea Divinæ Ma-  
iestati tunc temporis offeras, nō  
ore sed mente, non verbis, sed  
affectibus, quod etiam à nonnul-  
lis probis sacerdotibus usitatum  
scio. Noli quæso ab audientia,  
quin

quinimò à complexibus summi  
Regis discedere, nisi gratiâ aliquâ  
impetratâ.

Peracto Missæ Sacrificio, quod  
sequitur tempus, omninò prætio-  
sum est, nullum commodius, in  
quo negotium animæ tuæ cum  
Deo tuo tractes, cum ipsum in  
præcordijs tuis teneas: Acceptū  
ignem in sinu tuo fove, ut urat  
magis. Quis tam frigidus, in  
cujus sinu talis ignis reconditus  
cum sit, non caleat? Certè id si-  
gnum esset, aut spiritualis mor-  
tis, aut ad mortem diſponentis  
stupiditatis. Post Communionē,  
inquit B. Bonaventura *Tract. de  
propr. ad Miss. cap. 14.* si non  
sentis aliquam spiritualem refe-  
ctionem, signū est spiritualis in-  
firmitatis, vel mortis. Ignē po-  
suisti in sinu, & non sentis calo-  
rem,



rem, mel in ore, & non sentis  
dulcedinem.

Sacris ergo depositis vestibus,  
collige teipsum, & quiesce ali-  
quantulum recogitans dignitatem  
hospitis, qui in domum tuam  
intravit, & sacrificij, quod  
tunc perfecisti, nobilitatē. Ma-  
iori qua poteris humilitate de e-  
ximio beneficio accepto gratias  
age. Quis ego sum servus tuus,  
quoniam respexisti super canem  
mortuum similem mei 2. Reg. c.  
9. v. Dixit Miphibosēth ad  
David Regem, eò quòd David  
illum ex commensalibus suis u-  
num fecerat. Absurdum enim,  
& ingratissimum est, tanto hospi-  
ti gratias aut nullas, aut tepidas  
referre, illumque solum, & in sa-  
lutatum relinquere, & ad externa  
negotia transire, Et si post sum-  
ptam

ptam refectionem ob valetudinē  
 corporis quiescis à negotijs, &  
 laboribus, ut calor naturalis ci-  
 bum in alimentum trahat, cur nō  
 hoc idem præstas finito hoc sa-  
 cro convivio per semihoram, aut  
 saltem per horæ quadrantē; Ut  
 huius Sacramenti virtus in animæ  
 tuæ vires cōmodius diffundatur.  
 Veniam supplex à Domino pete,  
 si non eā, quā debes reverentiā,  
 devotione, & charitatis affectu  
 tantum ministerium peregisti, ut  
 ipse in posterum juvet infirmita-  
 tem tuā. Teipsum denuò tua-  
 que omnia huic tam de te bene-  
 merito Domino, quem propterea  
 in medio cordis tui sedentem tã-  
 quam Dominum tuum contēpla-  
 beris, offeres, dicesque: In me  
 sunt Deus vota, quæ reddam,  
*Psalm. 55. v. 13.* Cum certum  
 sit

fit, Christū in nobis verè, ac realiter manere, donec calor naturalis accidentia panis consumpserit. Nec deerunt alia, quæ Sacerdotis devotio ex Spiritus Sancti unctiōe sibi ipsi adinvenire solet.

Denique non immemor sis moniti D. Bernardi: Ubiq̃; fueris, tuus esto, noli te tradere, sed accommodare. Hoc est, non ita te effundas ad externa negotia, ut à quiete cordis tui recedas. Cū animus diuiditur ad multa, fit minor ad singula; Et si negotia sæcularia sint, cū sint alterius professionis, suffocāt spiritūs, ac devotionis semen, sunt veluti spinæ ex D. Chrysostomo *Homil. 37. in Evāg.* Quia ubicunque tanguntur tangentem pungunt, ac lædunt, nisi debita

E

cau-

cautio adhibeatur. Cogita te crastina die esse celebraturū; Oportet, ut non solum te præpares ad devotionē, ante Cōmunionē, sed ut te cōserves in ea post Sacramēti perceptionē. Nec minor custodia post exigitur, quā devota præparatio prius. Nā bona postmodū custodia, optima iterū est præparatio ad maiore gratiā consequendam. Ex eo quippe valde indispositus quis redditur, si statim fuerit nimis effusus ad exteriora solatia. *Ita Thomas à Kempis de imit. Christi lib. 4. cap. 12. Vide alia in curatore Animarum p. 2. cap. ultim. miki pag. 104.*

REGULA VIII.

*Clericus curatus, omni borā requisitus, sit paratus ad Sacramentorum administrationem purissimā conscientia, sine anime suæ detri-*

*mento, & magna cum cordis bi-  
laritate, promptitudine : non at-  
tentâ laboris arduitate, petentibus,  
exaâte, & solerter deserviat.*

**I**N hac functione tanti momen-  
ti, te semper paratum, diligen-  
tem nec mercenarium præbebis;  
pauca dico sed multa comple-  
ctor, si enucleatius hæc tria à  
me posita consideres (de omni-  
bus Sacramentis generatim lo-  
quor) quorû administratio ad  
tuum spectat officium, ut consu-  
lam brevitati.

At quid est, semper esse para-  
tum? meo quidem iudicio duo  
à te postulare videtur. Alterum  
est, ut ita vitam, moresque cõ-  
ponas, ut saltem à culpa mortali  
te serves innoxium, ut quacun-  
que horâ requisitus fueris, Sa-  
cramenta sine animæ tuæ detri-

mento ministrare valeas; nam et si  
ministri vitio Sacramenta suam  
virtutem non amittant, si ea ta-  
men existens in mortali peccato  
administres, alijs quidem salutē,  
tibi verò æternam damnationem  
acquiris, alios sanas, te ipsum in-  
terimis. Cui similes malos sacer-  
dotes dixerim (*inquit Magnus  
Gregorius Homil. in Evāg.*) nisi  
aquæ baptismatis, quæ baptiza-  
tos abluens illos ad regnum cœ-  
lorum mittit, ipsa postea in cloa-  
cam descendit.

Alterum verò est robur quod-  
dam animi, magna cum cordis hi-  
laritate conjunctum, quo nihil  
laboriosum putes, nihil arduū,  
nihil intempestivum, ubi de sa-  
lute animarum agitur, nullā tui  
commodi habitā ratione.

An nescis, cū curam anima-

**RUM**

rum accepisti, te omnium servū effectum? an ignoras artem pastorem, artem summæ vigilantix, perpetuique laboris esse? Noli ergo delicatus esse in hoc opere; nam ad hoc bellum peragendum, non delicatis, & negligentibus Dominus indiget, sed robustis, ac strenuis militibus, qui bellum urgeant, quacunque horâ strenuè dimicent, & animarum spolia auferant de hostium manibus.

Dixi etiam addendam hilaritatem, nam vocatus ad Sacramentum administrandum, illum, qui te vocavit, hilari vultu, serenâ fronte, blâdis verbis excipe, mercatores imitare, qui emptores ad suas officinas adventantes multis blanditijs, ac humanitatis signis excipiunt, alliciuntque: hîc au-



tem non auri lucrandi, quod tandem perit, sed animas, sed coelestes merces congregandi, tibi toties offertur occasio, quoties ad Sacramentum dispensandum vocaris; hoc esse non potest, nisi cum magno tuo foenore, cum ex sententia Divi Prosperi *Lib. 2. de int. cont. cap. 6. de ijs, qui in cultura animarum elaborant.* Alijs proficientibus, & ipsi proficiunt, & aliorum profectus, ipsorum gloria, ac profectus est. Titus Imperator dolebat, se diem illum perdidisse, in quo nullam gratiam in alterum contulisset.

Adde diligentiam, quæ, etsi in omnibus actionibus virtutum, locum habere debet, sed in ijs præfertim, quæ circa Dei cultum, & salutem animarum versantur, ut bene, ac meritoriè fiant. Hæc  
verò

verò diligentia in domibus posita est. Primò, ut moram, ac tarditatem, cum verè possis, fugias. *Ex Socrate* : Ignaviæ inditium, est tarditas. Vera diligentia reprobatur illud Cras, & illud Veni postea, Quare non sufficit te esse paratū, nisi reipsa te paratum præstes, & rumpas moras. Appositè in hanc sententiam D. Gregorius Nazianzenus exhortans auditores ad recipiendum Baptismum : Ne dixeris, abi, & redi, & cras baptisabor, cum hodie beneficium istud accipere tibi liceat.

Idem dic de Sacramentorum dispensatore, vocaris nunc, nunc etiam redde. Ille, qui petit, utitur jure suo, & ab eo petit, qui dare tenetur, cum illius animæ

custos sis, ac pastor. Quoties  
 ergo nulla legitimâ causâ inter-  
 cedente, vel negas, vel longâ di-  
 lationē interponis, iustitiæ leges  
 violas, illumque debito fraudas,  
 officio, nec te levi culpâ illaqueas,  
 cum non rarò huiusmodi dilatio  
 in animarum damnum redundet;  
 tunc enim cum à te petit, Sacra-  
 mentum, benè paratus venit, vel  
 aliqua sua necessitas spiritualis il-  
 lum tunc temporis urget; tu mo-  
 ram interponis; ille verò ob hu-  
 manam fragilitatem, & in bono  
 inconstantiam amplius non rever-  
 titur, & tanquam fatua avicula  
 ob aucupis impatientiam laqueos  
 declinat; vel quia non superfit  
 amplius tempus, ut persæpè eve-  
 nit in ægrotis. Quâ ratione tan-  
 tum damnum Domino tuo com-  
 pensare poteris piger, imò cru-  
 de-

delis Sacerdos? Christus semper  
patentes, ac semper manantes no-  
stræ salutis fontes habet, tu verò  
ob tuam pigritiam claudere vis?

Diligentia etiam in hoc eluce-  
re debet, ut Sacramenta admini-  
stres eâ reverentiâ, decore, ac  
gravitate, quam tanti muneris di-  
gnitas postulat, non oscitanter,  
non festinanter, non ex insipida  
quadam consuetudine, non quasi  
coactè. Vera diligentia jubet, ut  
res non quovis modo fiat, sed be-  
nè, sicut de pictore, inquit D.  
Nazianzenus, qui nomen pictoris  
meretur, non quia multa depin-  
gat, sed quia benè, & ex artis  
præscripto: Maledictus, qui fa-  
cit opus Dei negligenter. *Ierem:*  
*cap. 18. v. 10.* Gravissima pœna  
est maledictio Dei. Veraciter  
condemnamur, si per torporem

ea, quæ bona sunt, agimus. Inquit S. Isidorus *Lib. 3. sent. cap. 19.*

Curabis etiam, ut vestes, sacra suppellex, & vasa omnia, quæcunque ad Sacramentorũ administrationem necessaria, nitida, & quoad fieri potest, pretiosa sint, & eodem nitore munditiæ ab accedentibus pariter suscipiantur.

Denique gratuito Sacramenta administrabis. Gratis accepistis, gratis date. *Matth. cap. 10. v. 8.* Sic Christus Apostolis mandavit: Hoc est ex sententia Hieronymi *in cap. 10. Matth.* Ego Magister, & Dominus absque pretio hoc vobis tribui, & vos sine pretio date. Gravissima sunt D. Ambrosij verba ex castigata Jezebel avaritia, & Elisæi commendata pietate *Lib. 4. in Luc.*  
Di-

„Disce congruæ virtutis præce-  
 „pta, probavit fidem, qui mune-  
 „ra recusavit. Disce utroque di-  
 „etorum, factorumque mysterio,  
 „quid sequaris. Habes Domini  
 „præceptum, Vatis exemplum.  
 „Gratis accipere, gratis dare,  
 „nec vendere ministeriū, sed of-  
 „ferre. Non enim pretio taxa-  
 „tur oratio Dei, nec in Sacramē-  
 „tis lucrum quæritur, sed obse-  
 „quium Sacerdotis.

Multa sunt, quæ te impellunt  
 ad hanc avaritiæ labem longiùs  
 propulsandam in Sacramentorū  
 dispensatione, præsertim Decre-  
 tum Concilij Provincialis VII.  
 Ecclesiæ Mediolanensis, ut alia  
 Concilia præteream, cujus hæc  
 sunt verba. Quoniam decet res  
 sacras omnes, & Sacramenta im-  
 primis, integrè, sanctèque tracta-

ri, Parochi, alijque Sacerdotes, qui Sacramentum Eucharistiæ exhibent, vel inserviunt exhibentibus, nihil omninò in ipso ministerio, nec spontè quidem dantibus possint recipere, suspensionis à divinis ipso facto incurrendæ poena proposita. Idemque sub eadem poena statuimus de confessarijs, qui in ministerio Sacramenti poenitentiae, vel pecuniam, vel aliud quidvis receperint.

Nullum est vitium tetrius, atque execrabilius, quàm Sacerdotem Sacramenta dare ob quæstû, atque ex consequenti animam habere venalem.

Qui lucrum temporale, & non salutem animarum spectat in Sacramentorû dispensatione, quantum in ipso est, dedecorat ministerium suum, & facit, ut apud ho-



hominum opinionem ipsa Sacramenta quodāmodo vilescant, ut egregiè annotavit D. Hieronymus *in cap. 10. Matth.* Quia semper dona spiritualia, si merces media sit, viliora fiunt, & adjungitur, avaritiæ condemnatio. Marcus Tullius in oratione pro Quintio ait: Nullum est officiū tam sanctū, atque solemne, quod non avaritia comminuere, atque violare soleat, *Hoc Cicero, etsi non fidei lumine illustratus.* Timebat D. Paulus aliquam offensiunculam, si vixisset ex Evangelio, quod ei sine dubio licebat, hoc est, si sumpsisset alimenta ab iis, quibus Evangelizabat, & noluit accipere, ne daret offensusculum Evangelio: hoc est scandalum, quod erat passivum ob malignitatem aliquorum.

Per-

Perdit libertatem suam avarus Sacerdos, nec ritè suo fungitur munere, nam est acceptator personarum; quia non animas, sed sua lucra quærit. Non audet in Sacramento pœnitentiæ peccantes objurgare, aut negare absolutionem ligato culpis, & censuris, quique non sit dignè præparatus, absolutioni suscipiendæ, & consulenti de rebus ad conscientiam, & animæ salutem pertinentibus respondet non ad veritatem, sed ad voluntatem. Verè hîc locum habet vulgatum illud: Accipere munus, est libertatem vendere.

Deperditur etiam bona opinio apud populum, omnes enim avaritiam Sacerdotis inter sacra averfari solent. Et sanè verissima est illa D. Chrysostomi sententia *Hom. 23. in 2. Corinth.* & digna,

ut

ut memoriæ mandetur : Nihil  
 sic ædificat sæculares, ut non ac-  
 cipere, ergo sic nihil illos non æ-  
 dificat, quàm accipere.

Tandem qualis est Curatoris  
 animarum amor in dispensatione  
 Sacramentorum facilè se prodit,  
 si mercedem, si lucrum tempora-  
 le concupiscit, & quærit, mer-  
 cenarius est, & non pertinet ad  
 eum de ovibus ; Si verò exemplo  
 Pauli non quærit, quæ sua sunt,  
 sed animarum salutem, hic bo-  
 nus pastor est. Simon Joannis di-  
 ligis me plus his? pasce oves  
 meas. *Ioan. c. 21. v. 15.* non uti-  
 que dixit peregrinare, jejuna,  
 eleemosynas da, sed pasce, pasce-  
 re autem debet verbo, Sacramen-  
 tis, & exemplo. *Vide alia in Cu-  
 ratore animarum p. 2. c. 7. pag.  
 mibi 95 P. 4. cap. 10. mibi 250.  
 & cap. 12. 13. 14.* RE-

REGULA IX.

*Oculus Domini, ceu praesentia  
divina ante oculos mentis, veluti  
scopus omnium cogitationum, &  
actionum semper habendus.*

**H**Æc Dei praesentia mente con-  
cepta, quod omnia tua interi-  
ora perlustrat, si in tua mente  
continuò perseveret; haud dubio  
ita mores tuos, actionesque diri-  
get, ut te à Deo aspici non eru-  
bescas, sicut oblivio hujus oculi  
divini circumspicientis, & pene-  
trantis omnia, inducit in nobis  
omnem torporem, quinimò, &  
peccata omnia: Quis me videt?  
inquit impius, tenebræ circum-  
dant me, & parietes cooperiunt  
me, & nemo circumspicit me,  
quem vereor? *Eccl. 23. v. 26.*  
Ita hæc cogitatio divinæ præsen-  
tiæ nos revocat à peccatis, & ad

vir-

virtutes exstimulat; propterea Seneca ita consulebat *Epist.* 25. Aliquis vir bonus eligendus est, ac semper ante oculos habendus, ut sic tanquam illo spectante vivamus, ut omnia tanquam illo vidente faciamus. Magna pars peccatorum tollitur, si peccaturis testis assistat. O felicem illum, quem non tantum aspectus, sed etiam cogitatus emendat. Quod si tantam vim ad nos ipsos componendos presentiae viri probi, & gravis, vel solum cogitatae tribuit Seneca, qualem inesse putasset in divinis oculis verè, & realiter omnia penetrantibus à nobis seriò recogitatis?

Equidem si huic divinæ presentiae mentem assuefaceres, primò omnem torporem, ac segnit-

tiem in divino servitio fugares.  
 Quis enim cogitans, & credens  
 se à Deo videri, tanquam iudice,  
 vindice, & remuneratore, non  
 se præbeat diligentissimum? O-  
 ptimè D. Bernardus *Serm. 2. in*  
*„Psal. 90. Expedit omni animæ*  
*„Deum semper attendere tanquã*  
*„proprium, non modò adjuto-*  
*„rem, sed etiam inspectorem.*  
*„Quomodo enim negligens po-*  
*„terit fieri, qui intuentem se De-*  
*„um nunquam desinit intueri?*  
*„aut quomodo nõ quasi propriũ*  
*„illum habere videtur, qui sic e-*  
*„um super se videt intentum, ut*  
*„omnia interiora ejus, & exteri-*  
*„ora omni horã considerare non*  
*„cesset, omnesque non solum a-*  
*„ctus, sed etiam ipsos subtilif-*  
*„simos animæ motus perscrute-*  
*„tur, atque dijudicet? Favent*  
 ver-

„verba Dei ad Abrahamum *Genes. cap. 17.* Ambula coram me, & esto perfectus. Quasi dicat: quia me vidente te geres, eris perfectus, quia perfectè, atque accuratè ambulabis. Non solum acuit diligentiam, sed robur insuper addit, ut Dei, & animarum negotiū urgemus alacrius. Quis miles sub oculis Imperatoris audaciùs periculum non audeat, viresque suas non exerceat? Nec quidem erit tibi difficilè hanc memoriam continuò f. vere, quia in ijs ministerijs versaris, quæ vel colloquiū cum ipso Deo, vel ipsius cultum, & honorem proximè attingunt: Sicut famulari intimo alicujus Principis, qui ab illius latere nunquā, vel rarò discedit, etiam dormienti, Principis imago occurrit, & ipsius vox



aures ejus pulsare videtur. Angelorum officium æmularis in terris, illorum quoque quantum humana fert fragilitas, partes imitatis, qui quamvis nobiscum cōmorētur, nosque regant; semper tamen vident faciem Patris, qui est in coelis; ita & tu in omni actu, vel cogitatu tuo Deum tibi adesse præsentem memorare, & omne tēpus, quo tu ipsum nō cogitas te perdidisse cogita & computa, monet D. Bernardus in *Spec. mon.*

Et Thomas à Kempis *de imit. Christi Lib. 3. cap. 9. n. 1.* Fili, „ego debeo esse finis tuus ultimus, & supremus, si verē desideras esse beatus. Ex hac intentione purificabitur affectus tuus, sæpius ad te ipsum, & ad creaturas malè incurvatus. Nā

si

„fi te ipsum in aliquo quæris,  
 „statim in te deficiis, & arefcis.  
 „Igitur hic finis semper ante o-  
 culos habendus est. *Vide alia in*  
*Curatore animarum P. 2. cap. 3.*  
*pag. mibi 82.*

REGULA X.

*Finito Missæ Sacrificio, Clero*  
*seculari, studium Sacræ Scriptu-*  
*ræ, Casuum Conscientiæ, & conci-*  
*onum ad prandium usq<sub>3</sub> maximè*  
*commendatur.*

**T**homas à Kempis differens de  
 indocto Clero, & sine libris,  
 hæc habet. *Lib. de Doct. juvent.*  
 „cap. 7. Væ Clerico indocto, &  
 „sine libris, qui sibi, & alijs sæ-  
 „pè est causa erroris; Nam Cle-  
 „ricus sine libris, est quasi miles  
 „sine armis, navis sine remis, avia  
 „sine alis, & ascensor sine scalis,  
 „cæcus sine ductore. *Et Oseas*  
*Pro-*

„*Propheta cap. 4. v. 6.* Quia tu  
 „scientiam repulisti, repellam te  
 „& ego, ne sacerdotio fungaris  
 „mihi. Nusquam in alijs artibus  
 eligitur ignarus illius artis, aut  
 muneris, quod profecturus est:  
 futor non curat ægrotū, sed me-  
 dicus, nec medicus lites agit, &  
 causas dijudicat, sed jurisperitus;  
 atqui gradus Sacerdotij, gradus  
 Magisterij est. Labia Sacerdotis  
 custodiunt scientiam, & legem  
 requirent ex ore ejus, quia Ange-  
 lus Domini exercituum est. *Ma-  
 lach. c. 7. v. 2.* Hac scientiâ, si  
 careat Sacerdos, dignus est, qui  
 non fungatur Sacerdotio.

Igitur ita diurnas, ac noctur-  
 nas horas ordinabis, ut quotidie  
 aliquot ex illis in hoc tam neces-  
 sario exercitio impendas. Et qui-  
 dem de studio Sacre Scripturæ,  
 cum

cūm Sacerdoti, & Canonico (nā  
de Curatore animarum postea)  
quid iucundius, & suavius, quā  
absoluto Choro, seu etiam post  
privatum officium, colligere se  
ipsū & colloqui modò cum ipso  
Christo, modò cum Apostolis,  
modò cum Prophetis, &, adin-  
star apium, ex illorū libris, quasi  
favum mellis carpere. Nennè  
hoc est, perpetuò esse in laudibus  
Dei? Hoc est dialogari cum ipso  
Deo: nam cum oras, tum loque-  
ris cum Christo, cū verò Sacra  
Scripturam legis, ipse tibi loqui-  
tur. Sic Hieronymus Eustochiū  
instruens.

Multa commoda spiritualia  
hæc sacra lectio tibi subministra-  
bit. Ama scientiam Scripturarū,  
& vitia carnis non amabis. *Epist.*  
103. *Sic Hieronymus ad Nepoti-*  
*anum.*

*anum.* Nutrit & fovet bonas cogitationes; quas vel orando, vel psallendo concepisti, virtutem tribuit, ut eas perficias, contrarium omnino facit lectio librorum inutilium, ut optimè observavit D. Bonaventura *Reform. Nov. cap. 14.* Vana lectio vanas generat cogitationes, & extinguit mentis devotionem. Convertet te in meliorem vitam, addetque calcaria in via Domini ad velocius currendum, ut de se ipso S. Fulgentius testatur, qui legens D. Augustinum in expositione Psalmi trigesimi sexti ad religiosum statum amplectendum commotus est; Inflamat affectum & incendit ad Dei amorem. D. Bernardus lectionem Sacrae Scripturae, comparat Matri, lactanti infanti.

Vc-

Verùm hîc quoque aliquis or-  
do servandus est: Certæ lectioni  
insiste, quod non tantum de le-  
ctione Sacræ Scripturæ valet, sed  
de lectione etiam Sanctorum Pa-  
trum, aliorumque piorum libro-  
rum; siquidem, ut monuit D.  
Bernardus *Lib. de vitæ solit.* Le-  
ctio incerta & erratica spiritum  
magis dissipat, quàm ædificat.  
Quod exēplo medicinæ probat.  
Scito, inquit, quia remedia cre-  
brò mutata nocent, naturã dis-  
turbant, & ægrum exterminant.  
Quod & clarum est ex aphori-  
sinis medicorum: Remedia non  
profunt, nisi immorentur. De-  
inde ait Thomas à Kempis *Lib.*  
*I. de imit. Chr. cap. 5. n. 1.* Om-  
nis Scriptura Sacra eo Spiritu  
legi debet, quo scripta est, quæ-  
rere potius debemus utilitatem

in Scripturis, quàm subtilitatem sermonis.

Si verò curam animarum administras, præter has utilitates, quæ tibi etiam sunt communes, illuminaberis, quomodo te ipsum & alios in viam Salutis dirigas. Optimam farinam tibi subministrabit, ex qua panem prædicationis conficias, quem in spirituales cibum animabus tibi commissis postea dispenses, ne de te conquerantur illis Ieremiæ verbis. Filij petierunt panem, & non erat, qui frangeret illis, *Tbren. cap. 4. v. 4.* Sed quem panem? panem utique salutis, non panem vanitatis, non nugas, non oblectamenta verborum, non gentiliū fabulas, non somnia, non commenta Poëtarum.

Væ Prophetis insipientibus,  
qui



qui sequuntur Spiritum suum,  
 & nihil vident, vident vana &  
 divinant mendacium. *Ezechiel.*  
*cap. 13. v. 3.* Insipientes appel-  
 lat: nam ignorantia divinæ le-  
 gis, mater est erroris, & janua  
 mortis, privatio honoris, virtu-  
 tis, & salutis, inquit Thomas à  
 Kempis *Lib. de Doctrina Iuvent.*  
*c. 1.* Sequuntur Spiritum suum,  
 quia Sacram Scripturam & San-  
 ctorum Patrum libros rarò aut  
 nunquam habent præ manibus,  
 non hauriunt aquam de fontibus,  
 sed à cisternis, quidquid illis in  
 buccam venit, enuntiant; pro-  
 pterea vident vana & divinant  
 mendacium. Ex studio Sacræ  
 Scripturæ etiam robur accipies,  
 ad perferendos labores, & ad su-  
 perandas difficultates, quæ in mi-  
 nisterio Curæ animarum passim

occurrunt. Siquidem vita pastoris exemplo Christi & Apostolorum inter hos duos Cardines versatur: Bene facere, & mala pati.

Sed audi quid in hanc sententiam fatetur de seipso Thomas à Kempis *Lib. 4. de imit. Chr. c. 11. n. 4.* Duo mihi necessaria per maximè sentio in hac vita, sine quibus mihi importabilis foret ista miserabilis vita. In carcere hujus corporis detentus duobus me egere fateor, cibo scilicet & lumine. Dedisti itaque mihi infirmo sacrum corpus tuum ad refectionem mentis & corporis: & posuisti lucernam pedibus meis, verbum tuum, sine his duobus bene vivere non possum, nam verbum Dei lux animæ meæ, & Sacramentum tuum panis est vite.

Sed

Sed de studio Casuum consci-  
entia agatur, quid magis neces-  
sarium in Spirituali medico ani-  
marum? modo aliquis sensus a-  
moris tum suæ tum alienæ salu-  
tis in illo insit. In hac arte non  
sufficit studuisse, sed assiduo ac  
perenni studio ac diligentia opus  
est, quotidie namque novi even-  
tus occurrunt, nova morborum  
genera, quæ novis egent reme-  
dijs, quòd si denuò ad libros &  
ad consilium peritorum non re-  
curras, facile est errare, error au-  
tem, quem studio & cōsilio præ-  
cavere potuisses, & debuisses, si  
in animarum perniciem vergit, &  
in tuum caput redundat. Si cœ-  
cus cœco ducatum præbeat, nō-  
ne ambo in foveam cadunt? *Lu-  
cæ cap. 6. v. 38.* Bonus medicus  
nec uno remedio omnes curat &

gritudines, nec curat in transitu.  
*Vide alia in Curatore animarum*  
*p. 3. c. 9. pag. mihi 163. p. 4. c.*  
*II. pag. mihi 255.*

R E G U L A X I.

*De omnibus matutinis actioni-  
 bus fiat ante prandium discussio  
 Conscientiæ.*

**N**E quæso tibi molestus videar,  
 cum ad discutiendam consci-  
 entiam etiam ante meridianam  
 refectionem te hortor, insignis e-  
 nim illa conscientiæ puritas, quæ  
 gradus Sacerdotalis & etiam pa-  
 storalis à te requirit, diligentiam  
 hanc non uti superfluam, sed ma-  
 ximè necessariam optimo jure po-  
 stulat: Solaribus radijs puriorẽ  
 animã Sacerdotis esse debere, D.  
 Chrysostomus asseruit, sed quid  
 clarius, quid nitidius sole? cui  
 nihil sordis adhærescere potest.

Do-

Dorotheus *lect.* 26. discipulos suos de hac ipsa re instruens, duas causas reddit hujus tam salutaris documenti: Cum sæpe numero, ac plurimum peccamus, & quàm facilè obliviscamur, opus esset frequentissimè, ac singulis horis nos ipsos exquirere, rimari, ac perscrutari diligenter. Duas annectit causas hujus examinis, peccandi scilicet facilitatem, ac proclivitatem: & oblivionē peccatorum: utrique malo occurrit optimè, frequens discussio conscientiaē sed accurata, ac diligens.

Rectè D. Bonaventura eos, qui animas curant, parti superiori, seu fornicibus templi comparat, qui, dum pavementum ipsius templi mundatur, pulvere asperguntur; Sic nō rarò evenit, ut, dum

aliorum pulverem per Sacramenta, per consilia, per verbi divini prædicationem abstergere cōtendimus, ob humanam fragilitatem, aut etiam in advertentiā, aliquid pulveris contrahamus, ad quem excutiendum, si vespertinum tempus expectes, tenacius, ac firmitus adhærescet, nec adeo facilè mundaberis.

Adde, sacra ministeria, quæ manè peraguntur, hanc discussionē requirunt. Oratio mentalis, divini officij recitatio, Sacramento-rū administratio, Missæ celebratio, quæ omnium functionum præstantissima est: Hæc omnia veniunt sub censuram matutinæ discussionis. *Genes. cap. i. v. 3.* Dixit Deus, fiat lux, & facta est lux, & vidit Deus lucem, quod esset bona, & divisit lucem à tene-

nebris. Hæc omnia sacra ministeria luce ipsâ meridianâ clario-  
ra sunt, vide, an aliquid calgi-  
nis ex tua ignavia, & irreverētia  
illis accesserit; an non ex chari-  
tate, sed potius ex cupiditate lu-  
cri temporalis, aut distractē, &  
inde votē, an indecorē, & irreve-  
renter illa tractaveris; divide lu-  
cem à tenebris, errata tua co-  
gnosce, & corrige.

Si quis fructus extitit ex istis  
spiritualibus functionibus per  
hanc conscientiæ discussionem  
magis stabilitur in anima, fovet  
bonas & pias cogitationes, lumē,  
& gratiam acquirit ad cæteras  
diurnas actiones melius dirigen-  
das. Non ergo te pigeat, saltem  
per horæ quadrantem colligere  
te ipsum, & qualiter tempus il-  
lud effluxerit, diligenter à te i-



pſo perquirere, ut ſi quos defectus deprehenderis, per poenitentiam delere, & in poſterum præcavere poſſis. Nihil ducito, vel nimis laborioſum, vel ſupervacaneum, quod te ad tuum munus, ritè obeundum, vel ad divinam gratiam augendam, vel ad cœleſtem gloriam promerendam juvat. Non parcas tibi ipſi in defectibus corrigendis, ſed argue. Tu reus es, eſto & judex. errata tua ſæpius cogita. & emenda.

R E G U L A XII.

*Prandium ſit frugale, non voluptuoſum, nec in cibo, & potu ſuperfluum, eique adhibeatur lectio libri ſpiritualis.*

**N**E ſolus comedas, ſolitudo in prandio, & in cœna, vel mœrorem quendam animi parit, vel te nimis voracem, aut celerẽ in eden-

edendo facit; utrumque valetu-  
dini non parum obest. En tres  
commensales tibi propono, & ve-  
nient semper invitati libenter;  
sua quisque symbola afferet, &  
quidem satis opipara, ac pretio-  
sa, illa sanè degustabis, si illos  
commensales habueris.

Primus commensalis sit lectio,  
vel Sacræ Scripturæ, vel pij, &  
spiritualis alterius libri, qui te  
ad profectum spiritualē excitet,  
& inflammet. Facile tibi est ha-  
bere hunc commensalē, præfer-  
tim si animarum curam geris;  
semper enim in promptu est puer  
aliquis, clericus, vel laicus, qui  
inservit Ecclesiæ, vel etiam cau-  
sa educationis domi alitur, hic  
præsto erit huic muneri, & qui-  
dem cum magna sua utilitate;  
nam dum tibi lectionē ministrat.

in legendo sit eruditior, & si ea, quæ legit, intelligit, dum ipsi tibi has spirituales dapes apponit, profectò nec ipse jejunus recedit. Et quidem, si Sacerdos in habitu, in morum gravitate, & in multis alijs, debet laicis hominibus præstare & excellere, cur non etiam in mensa, ob temperantiam, frugalitatem, & hoc pretiosum condimentũ lectionis. Planè morem hunc adeo laudabilẽ, quàm plures Sacerdotes in privatis ædibus servaverunt, & servãt cum ingenti jucunditate & utilitate simul.

Utraque inest in lectione in mensa. Nonnè magna mentis voluptas est, multa tunc audire, & intelligere, quæ nesciebas antea, & hoc sine tuo labore, & studio? Omnis homo à natura scire desiderat.

derat, & dulcius, suaviusque est pabulum mentis, quàm corporis.

Utilitas autem ingens est, & multiplex. Lectio hæc avocat animum ab affectata, & acurata consideratione ciborum, & â patinis, mentem erigit ad nobiliora. Temperat gulæ voluptatem, quæ nobis cum belluis est communis. Animum reficit pretiosioribus nutrimentis, quàm sint edulia. Vires spiritûs languentes restaurat, atque hoc modo totus reficieris; nam utraque pars suo reficitur pane, corpus quidẽ cibo, & anima lectione. Et si sola caro reficitur, anima autem Dei verbo non pascitur, tunc ancilla satiatur, & Domina fame torquetur, quod non tantum iniquum est, sed etiam injustum.

Quam-

Quamobrem cum accedis ad mē-  
sam, idē afferat anima tua, quod  
& corpus; hoc fert famem, cupi-  
ditatem, & desiderium suæ refe-  
ctionis, sic & anima panem spiri-  
tuale mētionis; corpus esurit  
cibum, anima esuriant verbū Dei.  
Aderit tunc divina gratia, quæ  
nos nostro non fraudabit deside-  
rio.

Etsi non adsit, qui legat, tu  
ipse inter comedendum lectoris  
officio fungito. Peccata à te cō-  
missa recogita, ut hac recordati-  
one edulia tua condias exemplo  
David: Cinerē sicut panem mā-  
ducabam, & potum meum cum  
fletu miscebam. *Psal. 101. v. 10.*  
Quot Sacerdotes sunt, qui in suo  
munere diligētiores te sunt, qui-  
que de Ecclesia plus, quàm tu,  
sunt benè meriti, quibus tamen  
vix

vix tenuis victus, ac vestitus sup-  
peditatur. Cōsidera esse ex elee-  
mosyna, & patrimonio pauperū,  
ex quo comedis, & ea lege tibi  
concessa, ut debitam operam Ec-  
clesiæ impendas, non gratis ali-  
menta operarijs tribuuntur, non  
ut otientur, sed ut laborent, noli  
ergo in cibis delicias quærere.  
Cum accedis ad mensam, inquit  
S. Vincentius *de vita spec. c. 3.*  
Cogita apud te pavidò corde,  
quod debeas peccata populi co-  
medere. Et Thomas à Kempis  
*Lib. 2. de discip. Clau. cap. 6.*  
Modestè, & cum timore comedē-  
dum est quia eleemosynæ fideiū  
sunt, & labores egenorum. Non  
deerunt alia, quæ cogites, quæ  
erunt tibi lectionis loco.

Secundus Commēsalis sit, tem-  
perantia tam in cibo, quàm in po-  
tu,

tu, hæc semper invitata tunc mē-  
 fax affideat; quam si excludas,  
 multis in corpus, & in animam  
 aditum statim aperies. Unde æ-  
 gritudines, capitis, ac stomachi  
 lassitudines, podagra, innumeri  
 morbi, atque infirmitates, ut  
 plurimum? nisi ex nimietate ac  
 varietate eduliorum, vini & cō-  
 dimentorum. Sapienter D. Am-  
 brosius *Lib. I. cap. 5.* de Cain &  
 Abel. Plurimos gula occidit,  
 nullum frugalitas: innumeris vi-  
 na nocuerunt, nullis parsimonia.  
 Quod si valetudo corporis omni-  
 bus chara & necessaria est, tum  
 maximè Sacerdotibus, Canoni-  
 cis, & Curatoribus animarū, qui  
 ex proprio instituto inservire  
 debent Ecclesiæ, & animabus si-  
 bi commissis, quique ministe-  
 ria tractant laboriosa quæque,  
 cor-



corpus sanum & firmum requirunt.

Quid de damnis animæ ex intemperantia? Breviter S. Iſidorus de Summo bono *Lib. 2. cap. 42.* Sicut omnes carnales cupiditates per abſtinentiam reſecantur; ita omnes animæ virtutes, edacitatis vitio deſtruuntur. In temperantia ligna, & ſarmenta omnium vitiorum ſubminiſtrat. Unde D. Hieronymus *Lib. 2. in Iovianum*: Quòd ſi quis exiſtimet, & abundantia ciborum, portionumque ſe perfrui, & vacare poſſe ſapientiæ, hoc eſt, verſari in delicijs, & deliciarũ vitijs non teneri, ſe ipſum decipit.

Accedit, quod conceditur quidem tibi ex Eccleſiaſticis redditibus corporis alimentum, ſed non tot gulæ lenocinia & irritamen-

menta. Quidquid ergo præter  
necessarium victum & vestitum  
in gulæ concupiscentijs insumi-  
tur, totum Ecclesiæ & pauperi-  
bus detrahi, & furripi, ex Patrū  
sententia demonstratur in Curat.  
animarum p. 3. cap. 5. pag. *mibi*  
138.

Tertius Commensalis sit ipse  
Christus: Sanè rusticus, & in-  
gratissimus ille esset, qui ab ami-  
co domi suæ invitatus ad pran-  
dium, dominum prandij arceret  
longius à mensa; sed undenam  
cibi, & alimenta, qui tibi appo-  
nuntur quotidie, nonnè ex Chri-  
sti promptuario? habeto ergo il-  
lum commensalē in primo loco.  
Quod duobus modis præsertim  
præstare poteris. Uno modo per  
memoriam, & per recordationē  
divinæ illius præsentix. Siquidē  
ex

ex sententia D. Clementis apud  
Damasceum *Lib. 2. Paral. cap.*  
5. Mensa, in qua nulla Dei me-  
moriam habetur, à brutorum sta-  
bulo non differt, & Thomas à  
Kempis monet: Animarum fel-  
Christi, & acetum in cruce po-  
tatum, poculis in mensa inter-  
misceri debere, ne appetitus gulæ  
alliciat nimis.

Altero modo, si aliquam par-  
tem cibi, vel potus sponte tibi  
furripias, quam offeras ipsi Chri-  
sto, vel ipsius amore pauperibus.  
Solent enim hujusmodi mortifi-  
cationes parvæ inter edendum  
spontè susceptæ esse Deo gratissi-  
mæ. Testatur hoc S. Vincentius  
*Tract. de vitæ spec. cap. 8.* Nota  
„quod mos Deo gratus est, ali-  
„quid de potagio Christo pau-  
„peri semper in scutella dimitte-  
re.

„re. *Post pauca*: Si est tibi ci-  
 „bus insipidus ex defectu salis,  
 „vel aliâ quacunque causâ, noli  
 „apponere sal, nec aliud condi-  
 „mentum propter Christû, felle,  
 „& aceto potatum, sed sensua-  
 „litati resiste. Similiter quæcun-  
 „que falsamenta, quæ ad nihilû  
 „valent, nisi ad gulæ excitamen-  
 „tum, dimittere occultè potes.  
 „Quandocunque aliquis bolus  
 „gratus tibi circa finem apponi-  
 „tur, istum dimitte propter De-  
 „um. *Hucusq; D. Vincentius.*

REGULA XIII.

*Ad concoctionem ciborum post  
 refectiorem, corporis, requiritur  
 recreatio, & honesta conversatio.*

Vulgatum est dictum S. Ambro-  
 sij. *Lib. 3. de Virg.* Quod vis  
 prolixè facere, aliquando ne fe-  
 ceris. Vita humana diu sine re-  
 quie

quie aliqua, & intermissione stare non potest. Tempus, quod sumptionem cibi sequitur ad ferias occupationes non est ita accommodatum, eo enim tempore fit cibi concoctio in stomacho, si in aliqua re seria occuparis, spiritus vigor, & calor, qui concoctionē alimenti, vel faciunt, vel adjuvant, ad caput asciti, stomachum deferunt, cibo non cōcoquitur, aut malè coquitur, inde cruditates nascuntur, omnium morborū causæ. Præterea sub initium cōcoctionis stomachus plus solito fumat, & ad caput vapor multus ascendit, qui quasdam veluti nebulas menti offundit, sicque liberam illius operationem non parum incommodat; quare aliqua animi relaxatio danda est. Verum hoc facile concedes?

Sed

Sed qualis esse debet hæc recreatio, animæ verò sit pernicio-  
sa fatigatio, modum tibi præ-  
scribam.

Fugè, quantum potes, laico-  
rum conversationem, & ne tibi  
videar, vel nimis durus, aut in-  
civilis, assigno rationem. Etenim  
cibo, & potu inflāmatur aliquan-  
tulum affectus, exinde lingua so-  
let esse liberior, facilè secreta  
cordis panduntur; erumpunt e-  
tiam foras affectus non bene cō-  
positi, & quamvis tunc sæcula-  
res arridere tibi, & applaudere  
videantur, post tergum tamen te  
contemnunt, & irrident, & sapi-  
us animo revolventes, quæ dicis,  
aut facias, te nihil, aut parum à  
se ipsis dissimilem judicant. Tā-  
dem etsi pij, & probi tibi viden-  
tur, sæculares sunt, alterius scia-

licet professionis, quique (ut optimè animadvertit Turrecremata Cardinalis *in cap. 51. Reg. Bene.* Sæpè, & faciliter scandalizantur de multis etiam in Religiosis, etsi non sint de genere malorum. Quandoque illud evenit, quod annotavit Thomas à „Kempis : ut persona ignota ex „bona fama luceſcat, cujus tamè „præſentia oculos intuentiũ offuſcat. Putamus aliquando alijs „placere ex conjunctione noſtra, „& incipimus magis displicere „ex morum improbitate in nobis „conſiderata, *De imit. Chriſti l. 1. c. 8.*

Declinanda eſt etiam ſcurrilitas, hoc eſt, exceſſus quidam in verbis, vel factis ſine decore loci, temporis, & perſonarũ. Nequit eſſe iſta ſcurrilitas ſine ver-  
bis,



bis, & factis vanis, & nonnunquam parum honestis, quæ gravitati Sacerdoti minimè conveniunt. Nugæ in ore laicorû, nugæ sunt, in ore Sacerdotis, sacrilegia sunt; consecrasti enim os tuum Evangelio, inquit D. Bernardus. Michol nec enim habebat Spiritum Dei, saltationẽ Davidis ante arcam irrifit, ac damnavit, tanquam decori, ac dignitati Regiæ repugnantem.

Ludus etiam alearum, & foliorum exulare debet à recreatione Ecclesiasticorum; extant multæ leges Pontificiæ, & synodales interdicientes hos ludos Clericis, & ut multa sileam, nihil, aut parum conferunt hujusmodi ludi, & animi relaxationes. Fiunt sedendo, nullam habent corporis exercitationem adjunctam; non

est parva mentis applicatio, labor capitis non exiguus, & peccata non pauca. Audi de hac re D. Basilium *Homil. 8. in Evāg.* Juramenta sunt illic, id est in ludis, contentionesque per graves, ac avaritiæ partus. Spiritus malignus assistit, easque ille pecunias nunc ad hunc, nunc ad alterū transfert, atque modò hunc victoriā effert, illum victum mœstitiā premit; modò contra, illum elatum, hunc demissum ostendit. Tobias senior sic de se loquitur *cap 3. v. 17.* Nunquam cum ludentibus miscui me, neque cum his, qui in levitate ambulant, participem me præbui.

Ut verò recreatio sit honesta, simulque jucunda; fiat inter Ecclesiasticos ipsos; sicut enim similitudo officiorum, quemadmo-

G dum

dum ætatis, amorem conciliat; ita conversatio inter ipsos parit jucunditatem. Fiat per mutua colloquia spiritualia, quo enim modo potest esse vera recreatio, ut vim habeat animam exhilarandi, nisi collocutio sit de rebus spiritualibus, vel ad illas spectantibus? Tractatio rerum spiritualium dulcis, & jucunda est ex natura sua, sed dulcissima palato benè disposito, cujusmodi debet esse palatum Sacerdotis; & qui hanc dulcedinem non sentiunt, humore aliquo vitioso palatum infectum habent qui gustum depravat. Qui verò de mundi rebus, ac voluptatibus libenter loquuntur, & tali colloctione delectantur, se mundi affectum in corde fixum tenere faciliè declarant. Ex abundantia cordis os lo-

loq  
ligi  
tim  
a for  
der  
adju  
ritat  
quid  
quar  
aggr  
vel  
corp  
deso  
veni  
tio  
B  
mal  
ment  
agere  
Tho  
c. 8.

loquitur. *Matth. cap. 12. v. 34.*

Ludus aliquis honestus, & religiosus suadetur ex illis, qui partim ab industria, partim etiam à fortuna dependent, qui, si moderatè exerceantur, habent secū adjunctam jucunditatem, & hilaritatem. Curabis denique, ne quid in recreatione facias, aut loquaris, quod conscientiam tuam aggravare possit; ubi enim culpa, vel minima intervenit, ibi, etsi corporis recreatio adsit, spiritus desolatio, afflictio, & tristitia invenitur: atque ideo vera recreatio esse non potest.

Bona cōscientia parit gaudiū, mala conscientia generat sibi tormentum. Studeas semper bene agere, & eris in bona pace. Ita Thomas Kempensis *Hortul Ros.* c. 8. De conversatione laicorū

fugienda, alia vide in Curatore  
 Animarum P. 3. c. 7. pag. mibi  
 151. De Temperantia in victu a-  
 lia vide in Curator. Animar. P.  
 3. c. 5. pag. 138.

REGULA XIV.

*Demon meridianus maximè  
 infestus vincendus est ingressu Ec-  
 clesie, adoratione Eucharistie, re-  
 citatione Officij B. V. M. vene-  
 ratione SS. Patronorum, in or-  
 nandis altaribus, vel alio honesto  
 manuali opere.*

**E**T si verum est, dæmonē omni  
 quidem tempore, imò singulis  
 ferè horis, ac momentis insidias  
 parare, ut nos perdat ; tamen in  
 confesso est apud magistros vitæ  
 spiritualis, sicut & quotidiano  
 experimento edocemur, horis  
 meridianis esse nobis magis infe-  
 stum, maximè quando dies lon-  
 gio-

giore sunt: quam etiam ob causam putavit Joannes Cassianus in Psalm. 90. Dæmonem meridianū appellatum fuisse; cū enim hoc tempus non sit aptum contemplationi, nec serijs quibusdam actionibus, & corpus ipsum ob præcedentem refectiōē, recreationem, & etiam quietem per somnum sit roboratum, hac opportunitate callidissimus hostis utitur ad sua jacula in nos collimanda.

Toedium quoddam, seu accidiam gignit in nobis, ad quam tollendam, nos urget ad quærendam aliquam conversationem laicorum, vel ad egressiōē è proprijs ædibus ad evagationem per vicos & plateas, vel per alienas domos, ad sæculi rumores indagandos, ad fabellarum ridicula-

rum narrationes & detractiones, quandoque etiā ad murmurationes, ad contentiones, atque ad alia hujusmodi quærenda tanquā tœdij, mœrorisque medicinam; ex quibus postea nausea quædam, & fastidium rerum spiritualium oritur, mensque ipsa minus apta redditur, & collecta spiritualibus exercitijs. Repellendus omnino tibi est hic Dæmon meridianus, atque hoc tœdium excutiendum, quam sanè victoriā haud dubio reportabis, si hæc pauca servaveris.

Considera etiam hoc tempus esse pretiosissimum, & tuæ saluti destinatum, ne ergo prætercat otiosum, nulla temporis particula haberi debet pro derelicta & neglecta, quia & de illa Deo ratio reddenda est. Præclarum est

nos



nos in hac opinione versari, ut non modo sermonis & actionis, sed totius etiam temporis rationē à nobis repositi existimemus. Sic te monet D. Gregorius Nazianzenus *orat. in cap. 5.* Te igitur Dæmon hoc meridiano tempore in re aliqua bona inveniat occupatum.

Cur Ecclesiam tunc temporis non ingrederis, ut ibi Dominum & Salvatorem tuum sub speciebus Sacramentalibus latentem devotè visites, reverenter adores, & genibus flexis humiliter paululum cum eo affatim colloquaris? Assistit enim ibi, etsi corporeis oculis invisibilis, ad tuum tamen regimen atque solamen.

Sacerdos es, atque Ecclesiæ Minister, Angelorum ministeriū æmularis in terris. De Angelis

*Danielis cap. 7. v. 10.* habemus:  
Millia millium ministrabant ei,  
& decies centies centena millia  
assistebant ei. Immisce ergo te  
cum illis, & coram Domino Deo  
tuo assiste pariter & de eorū so-  
cietate latere.

Debitum gratitudinis hoc à te  
requirit, ut præter Missæ cele-  
brationem quotidie aliquam ho-  
ram tibi stituas, quâ ad salutan-  
dum & adorandum Dominum in  
Eucharistiæ Sacramento præsen-  
tem, & quasi ad audientiam oc-  
curras: dignitas, qua à Deo insi-  
gniris, imò & quotidiana emolu-  
menta, quibus sustentaris, nonnè  
à ministerio hujus Sanctissimi Sa-  
cramenti præcipuè dependent?

Hæc hora meridiana hisce ex-  
ercitijs Spiritualibus satis com-  
moda est. Etenim, cum Eccle-

fia

fia tunc à fidelibus non frequen-  
tetur, non est, qui impediatur ora-  
tionem tuam, quin plores, quin  
pios tuos affectus foras aperies,  
causamque animæ tuæ & tui gre-  
gis, cum fiducia cum Deo tuo  
illic stante, teq; audiente tractes.  
Deus autem misericors & pius,  
qui se honorantes exaltat, & ad  
se accurrentes hilariter excipit,  
orationem tuam redire vacuum  
ad te, non patietur.

Quis prohibet etiam, cur non  
aliquam partem hujus temporis,  
insumas in cultu ac veneratione  
Beatissimæ Virginis? si adoras &  
visitas Christum Dominum in Sa-  
cramento manentem, cur omni  
devotionis affectu non etiam vi-  
sitas & colis ipsius Genitricem,  
ex qua sumpsit corpus & sangui-  
nem, quem tu adoratione latræ

veneraris & quotidie in Missæ  
Sacrificio tractas & sumis. Me-  
ritò post honorem & cultum in  
Christū Dominū, Beatissimæ Vir-  
ginis cultus ac veneratio præci-  
puū suum locū vendicat in cor-  
de Sacerdotis, cum & ipse offi-  
cio Matris Domini fungatur in  
terris, & ipsa Dei-Para Virgo sit  
peculiari quadam ratione Domi-  
na, ac optima Parens Sacerdotū;  
cum enim sol in omnes natura-  
les effectus influat, eò tamen u-  
berius influit, quò hi effectus ma-  
jores sunt; sic MARIE lumen &  
auxiliū in omnes quidem status  
Ecclesiæ derivatur, verum in eos  
præcipuè & maximè, qui gradu  
gratiæ & sanctitatis inter alios  
excellūt. Si ergo hujus Sanctis-  
simæ Virginis amore teneris, si  
erga illam aliquo gratitudinis tã-  
ge-

geris affectu, illam quotidie venerare, vel per officij in illius honorem instituti, vel Rosarij, vel aliarū precū recitationem, magnæ cordis latitudine ad illam tanquam ad Matrem confuge. Quæmadmodum continua respiratio non solum est signū vitæ, sed etiam causa : sic Sanctissimæ MARIÆ nomen, quod in DEI fervorū ore assiduè versatur, argumentū est, quod verā vitā vivāt, & simul etiam hanc eandem vitā effecit, & cōservat, omnemq; eis lætitiā & opem ad omnia impertitur. Sic Germanus Patriarcha Constantinopolitanus verus, ac gravis Auctor *Serm. 1. de pact.*

Cur non etiam aliquid honoris impendas Sanctis Tutelaribus, ac Patronis tuæ Ecclesiæ? ejus

proventibus gaudes, & sustentaris: Qui sicut peculiari patrocini-  
nio suarum Ecclesiarum Rectores  
fovent, & protegunt: Sic ut de  
illorum tutelâ dignum efficias, il-  
lorum memoriam per preces, ac  
vitæ imitationem quotidie colere  
par est.

Optimè Thomas à Kempis *de*  
*discip. Clar. c. 25.* Stude cum  
Sæctis ac amicis Dei tempore in-  
colatus tui facere amicitiam, &  
ad eos specialem habere familia-  
ritatem, & hominum notitiam, &  
allocutiones inutiles declinare;  
Melior est tibi Sancti unius ora-  
tio, quam omnium Sæcularium a-  
micorum visitatio, *Vide alia in*  
*Curatore Anim. P. 3. cap. 8. pag.*  
*mibi 158.* Verum, ne te diutius  
in recitandis precibus detineam;  
cum hoc tempore meridiano ob-  
po-

populi absentiam ab Ecclesia liber, & commodus locus tibi relinquatur cuncta in ea lustrandi. Altaria circūspice, an æditiui diligentia bene sint omnia composita, an parietes mundi, an sacra suppellex ritè asservata, an munda sint omnia. Et si quid indecenter, & indecorè compositum inveneris, ipse etiā proprijs manibus corrige; sunt enim tēpla ipsa, altariumq; cultus, & ornatus sub cura Sacerdotis; neque hoc mysterij genus dedecet Sacerdotem, imò illi optimè convenire asseruit D. Ambrosius. *Lib. 2. de Off. cap. 21.* Maximè Sacerdotes convenit ornare Dei templum decore cōgruo, ut hoc etiam cultu aula Dei resplendeat. In hisce exercitijs, si hoc tempus consumas, profectò non time-



mebis à Dæmonio meridiano,  
nec à sagitta volante per diem.

REGULA XV.

*Singulare charitatis opus est,  
visitare infirmos, quod non pige-  
at curatorem Clericum bilari ani-  
mo subire, ex eo enim in delectio-  
ne firmabitur.*

**N**ON est, quo te ab hoc charita-  
tis officio exemptum putes,  
quia nimirū simplex Sacerdos es,  
& animarū cura tibi non incum-  
bit, partem aliquam diei, ubi tu-  
lerit occasio, & operam tuam ne-  
cessariam, aut utilem existima-  
veris in visitandis, & sublevan-  
dis infirmis, impendere debes.  
Urget te Ecclesiastici præceptū.  
*Eccles. cap. 7. v. 39.* Non te pi-  
geat visitare infirmū, ex his enim  
in dilectione firmaberis. Cum e-  
nim sit hoc opus charitatis, hoc  
sanè

sanè fiet, ut charitas, quæ cre-  
scit ex suismet operibus, crescat  
in te & firmior reddatur, sicut  
habitus crescis ex frequentatis a-  
ctibus; & crescat etiã in alio, cum  
nihil sit, quod ita amorẽ concii-  
liet, sicut amor, unde dictũ est :  
Si vis amari, ama. Accedit remis-  
sio peccatorũ venialiũ, quæ au-  
thore S. Cæsareo Arelatenfi ac-  
quiritur visitatione infirmorum.  
Christũ imitaberis, qui socrũ Si-  
monis febricitantem invisit, atq;  
ad alios ægrotos accessit.

Multa edisces salutis tuæ utilia,  
scilicet, quàm à tenui filo vita  
hominis pendeat, quàm fragilis,  
quàm caduca, quam brevis, quàm  
multis, ac varijs casibus, ac peri-  
culis sit exposita, quàm fallax, &  
inconstans mundi prosperitas.  
Edoceberis etiam alieno exem-  
plo, quænam sint præcipuè, quæ

ægotantem tunc temporis gravius vexare soleant, qui pavores illum exagitent, quàm terribilis sit hora nostræ resolutionis, ut maturè te ipsum munias in virtutū præsidij, quæ te in illa tam ancipiti pugna adjuvare possint; Nam & Tu Sacerdos homo mortalis es, & fragilis, innumeris & tu obnoxius infirmitatibus & tandem mortis imperio subiectus. Addit Thomas à Kēpis: Ne despicias infirmū, nullus scit, quid adhuc de te fiet. Omnes fragiles sumus, & omnes adjuvari indigemus.

Verū, si Pastoris officio fungaris, quis nescit infirmorū curam esse inter prima, & præcipua veri Pastoris munera, in quo quidem, si operam tuam desiderare permittas, non Pastoris, sed mercenarij partes tueris. Væ Pa-

storibus, qui, quod infirmū fuit, non consolidāstis, & quod ægrotum, non sanāstis. *Ezech. c. 34. v. 2. 4.* In cura ægrotantiū, præfertim pauperū, & egenorū, qualis sit charitas pastoralis facile se manifestat. Nec æquidem scio, quomodo Sacerdos ille somnum quietè capere possit, qui sciens aliquem ex curæ suæ commissis infirmari, tamen cū potuit, nō invisit; Verè iste animas non amat, si enim amaret, de quovis, etsi in minimo periculo metueret, & se magis de illorū spirituali salute sollicitū præberet, nec in re tanti momenti tam facile aliorum operæ fideret; Non Giezi opera, sed Elisæi Prophetæ præsentia filio viduæ vitam reddidit. Oculi, ac præsentia Pastoris omniū suarū solamen, ac præ-

fidiū sunt. Si quotidie ad infirmos accedis, morbi incrementa observas, sicq; maturo tempore per Sacramentorū administrationem illorū saluti consulis, nam securius est mortem hujusmodi præsidijs prævenire, quàm ab ipsa præveniri.

Quod sanè erga pauperes diligentius præstandum est, quibus pauci sunt; qui assistant, & si assistant rari admodum, qui morbi incrementa, & accessiones observant, ut maturè ad Sacramenta ministranda Sacerdotē accersant. At his omnibus periculis quotidiana & frequens visitatio Pastoris occurrit. Medetur etiam temporali necessitati, illorū egestatē per aliquam eleemosynam ex suo sublevans, & aliunde etiam ex aliorū charitate conquirens, sicut  
de

de nonnullis probis Curatoribus accepimus, qui utriq; animæ scilicet & corpori, Sacramentis & eleemosynâ suorū infirmorū subveniunt.

Neq; te terreat labor, foetor, seu etiam periculū contagionis; quia illius anima, etsi hominis pauperis & mendici pretiosissima est, utpote sanguine Christi redempta, & de illa tibi ratio exactissima reddenda est, & tunc de summa salutis illius agitur. Esto etiam quòd morbū aliquem contrahas, adhibita etiam debita cautione, quam nec Sanctus Carolus, etsi animarū amantissimus, tempore pestis negligebat, sequatur etiam mors, quid inde? hoc summi beneficii loco ponere debes, ut animam tuam ponas pro ovibus tuis, ministeriū tuū implevis-  
sti,

sti, bonū certamen certâsti, cur-  
sum consummâsti, fidem servâsti,  
in reliquo reposita est tibi corona  
justitiæ.

Verūm adverte diligenter, ne  
in hoc tā præclaro charitatis of-  
ficio aliqua avaritiæ titillatio ani-  
mū tuū pulsēt, nēpe ut condatur  
testamentū, vel legatū in tui cō-  
modū, & utilitatē fiat, ut fune-  
ralia pinguiora sīnt, vel quid hu-  
jusmodi, quod avaritiā oleat, aut  
de avaritia suspicionem generet;  
sic enim ideo ægrotos visitas, non  
ut illorum animas quæras ut sal-  
væ fiant, sed de illorum facul-  
tatibus, & spolijs diteris, jam  
hoc non facis ex charitate, de-  
honestas ministeriū tuū. Non est  
beneficiū, quod in quæstū mitti-  
tur, *inquit Seneca Lib. 4. de be-  
nef: cap. 14.* Hoc est propriū  
mercenarij, qui sola cupiditate



mercedis, & lucri gregem custodit.

Neq; ex hoc egestatem timeas, quia non tua quæris, sed animas, nam hoc est verè ditescere. Audi quid dicat D. Ambrosius, narratâ cum laude repudiatione munerû oblatorû Abrahæ, à Rege Melchisedech, *Lib. de Abr. c. 3. in Genes. 15.* Quoniam sibi mercedem ab homine non quæsit, à Deo accepit, sicut legimus scriptum: Quia post hæc factû est verbum Domini ab Abraham in visu, dicens: Noli timere Abraham, ego protegam te, merces tua multa erit valdè. Non est serus ad remunerandû Dominus; & citò promittit, & multa largitur, ne infirmos animos per dilationem aliquam, subeat pœnitētia, contempsis-

se

„se præsentia, & veluti quadam  
 „usuraria largitate compensat, ut  
 „uberiora restituat ei, qui ca-  
 „ptus non fuerit oblatione præ-  
 „sentium. Haftenus D. Ambro-  
 sius, qui innuit, quoque filiū Isa-  
 ac à Deo illi datū in hac vita re-  
 munerari Deū eos, qui illius ser-  
 vitiū gratis procurant, nam de  
 mercede futuræ vitæ in æterni-  
 tate, non est, qui dubitet. *Vi-  
 de alia in Curatore Animarum*  
*P. 4. cap. 10. 12. 13. pag. mibi*  
*266. &c.*

REGULA XVI.

*Verbum Dei Clericus secularis,  
 siue curatus, siue incuratus non  
 solum attentè legat, alijs cum pio  
 fervore prædicet, sed ab alijs fru-  
 ctuosè audiat.*

**O**ptimè Joannes Climacus ait.  
*Gradu 14. Nos facilius perve-*  
 ni-

nire, ac brevior tempore ad perfectionem per auditionem divini verbi, quàm per ingenij perspicuitatem, & per libros. Ratio nẽ assignat D. Hieronymus *Lib. 2. Epist. ad Gallat.* Scriptura divina ædificat & lecta: sed multò plus prodest, si de litteris veratur in vocem, magnam siquidẽ vim habet viva vox. Et si acriora sunt, quæ legis, quàm quæ audis aliquando, altius tamen in animo sedent, quæ pronuntiatio, vultus, habitus, gestus etiam dicentis affigit. Quot viri etiam doctrinâ, & scientiâ insignes, divini verbi prædicatione à non eloquenti, aut ita erudito ministrata, viam suam in melius mutaverunt? Hinc est illud vetus proverbium: Etiam pisces egent sale. Hoc est pisces marini, etiam sal-

falsi maris aquis alantur, egent  
tamen sale, quo condiantur in  
cibū, ut sapiant comedentiū pa-  
lato. Et si Sacerdos es, & in stu-  
dio sacrarū litterarū versatus, &  
tu quoq; egres sale, ut ac alio edo-  
cearis, Certū est ex doctrina Sā-  
ctorū Patrū, & ipsa luce meridi-  
ana clariū, neminē scire omnia,  
& posse juniorem vel aliū minū  
eruditum nosse, quā tu ignoras.  
Quis Moyse eruditior, & prudē-  
tior? Libenter tamē audivit cō-  
siliū Jethro soceri sui, & exe-  
quutus est. Quibus auditis Moy-  
ses, fecit omnia, quā illi sugges-  
se at. Inquit Sacer Textus *Exod.*  
*cap. 18. v. 24.*

Deinde tepor aliquis, seu acci-  
dia quādam in rebus etiam spiri-  
tualibus obrepere solet, quam si  
citō non discutiamus ex senten-  
tia

tia S. Dorothæi, ceu arefacti, aut dissecti nonnunquam cademus. Hunc teporem Deus viva voce exhortâti pellit, & semi mortuū ignē excitat, & accendit. Nonnē cor nostrū ardens erat in nobis, dum loqueretur in via. *Luc. cap. 24. v. 32.*

Si ergo in eo loco resides, in quo non desunt, qui has divinas dapes tibi apponant quotidie; ut evenire solet in civitate, in oppidis, & in locis nonnullis amplioribus; invitatus ad tale convivium ire non recuses, imò nec etiam invitatus opportunè, importunè intrare contende, sunt etenim eloquia Dei verus cibus animæ. Quàm dulcia faucibus meis eloquia tua. *Psal. 1. 18. v.* Audi Thomam à Kempis: O bone IESU, cui tu sapis, quid ei

rectè nō sapi, & cui tu non sapi-  
es, quid ei ad iucunditatē esse pō-  
terit. Et cogita non hominē à te,  
sed Deū ipsum auditū iri, hæc e-  
nim cogitatio omnē iactantiā, quæ  
in animo tuo oriri posset, tollet,  
paravit animam tuā ad attentio-  
nem, reverentiam, & cupiditatē  
audiendi, & proficiendi.

Si autem ibi commoraris, ubi  
illud dici potest, quod est *in i.*  
*Regum cap. 3. v. 1.* Et sermō  
Dei erat pretiosus, hoc est, ut ex-  
ponit D. Gregorius, rarus admo-  
dum. Quia præter eum, cui ani-  
marum præfectura commissā est,  
solus Sacerdos es, vel etiā tu so-  
lus curator, & præter te nullus  
Sacerdos alius, ut est in pagis, &  
villulis; adhuc tamen hoc coele-  
sti pabulo non carebis, si hæc  
paucæ præstabis.

Pa-

Parochi sermonē festivis diebus  
diligenter ausculta, & eo affectu,  
ut ex eo spiritualiter ædificaris:  
non ut sermonem hominis, etsi  
minus periti & eloquentis, sed  
ut sermonem Dei excipe. Recō-  
de pauca illa verba in corde tuo,  
quædam utiliora pro tua emen-  
datione, & profectu elige, quæ  
per totam hebdomadā rumines,  
recogites, & tanquam medicamē-  
ta tuis morbis applices. Etsi sim-  
plex sit sermo Parochi, & minus  
compositus, est tamen Dei verbū,  
penetrabilius omni gladio accuto.  
Etsi etiam deest prædicator, cer-  
tè non deerunt libri pij, & sacri,  
quos quotidie perlegere possis.  
sunt libri, quasi muti magistri,  
qui nos erudiunt.

Verum si tu ille es, per quem  
salc cōcionis condiendi sint alij,



quotidie inter virentia divinatorum  
eloquiorum prata spatium potes-  
ris; imò & debes; si de bonis pa-  
scuis tuo gregi providere cupis.  
Neq; enim differre debes usq; ad  
diem festum ea parare, quæ po-  
pulo dicturus es: omnia suum  
tempus requirunt. Primò frumē-  
tum colligendum est, deinde tri-  
turandum, postea purgandū, so-  
li exponendum, molendum, de-  
indè conficiendus panis, deniq;  
coquendus. Similiter & tu per  
totam hebdomadam sacros libros  
evolve, studiosè perlege, ex his  
quæ legis, ea tantum selige, quæ  
spiritualis tui gregis necessitati  
magis consentanea judicaveris,  
pauca illa grana, soli divini lumi-  
nis, & gratiæ expone, concoque  
panem calore orationis, atq; sic  
concoctum, populo tuo mandu-  
can-

candum propone, hac siquidem  
ratione, quotidie divinum verbū  
audire poteris, eritq; concio tua,  
non minū populō, quā tibi i-  
psi utilis, & fructuosa, fietque,  
quod D. Hieronymus peroptat  
in omnibus divini verbi prædica-  
toribus: Anima, quæ benedicit,  
impinguabitur, & quæ inebriat,  
ipsa quoq; inebriabitur. *Lib. 2.*  
*in Proverb.*

REGULA XVII.

*Clerici Cōgregationem spiritu-  
alem crebrius instituunt conferen-  
do inter se, non solū de fervente  
verbi Dei prædicatione, catechi-  
zatione, vitiorum extirpatione,  
virtutum implantatione, earum  
incremento, devotione in SS. Eu-  
charistiam, B. V. Mariam, & a-  
lios Sæctos, sed & de proprio vir-  
tutum studio, & profectu.*

**C**onsulerem etiam, ubi loci cō-  
moditas id tulerit, quemad-  
modum a nonnullis probis Sa-  
cerdotibus jam pridem in usu re-  
ceptum est, & quidem cum in-  
genti suo fœnore spirituali, ut  
quatuor, aut sex Sacerdotes se-  
mel in hebdomada uno in loco  
simul convenirent, sub tutela &  
præsidio Beatissimæ Virginis ad  
agendum de alijs rebus, quibus  
incitentur & juventur simul ad  
salutem, ad perfectionem, etiam  
sub ductu alicujus Sacerdotis in-  
ter alios in hac eadem perfectio-  
nis via magis versati.

Optimum sanè institutum, nec  
quidem novum, & recens, sed ab  
alijs non tantum Monachis, Ere-  
mitis, & Anachoretis, ut patet a-  
pud Cassianum, sed ab Apostolis  
ipsis ad nos usq; derivatū. Clarè  
hoc

hoc ex Pauli dictis colligitur: *ad Gallat. cap. 2. v. 2.* Ascendi, inquit, secundum revelationem, & contuli cum illis (scilicet Apostolis) Evangelium, quod prædico in gentibus, ne fortè in vacuum currem, aut incurrissem. Profectò non ascendit Paulus ad discendū Evangelium, quia jam antea dixerat, se non ab homine illud didicisse, sed per revelationē IESU Curisti, ascendit ergo, cōferre Evangelium. Et Cassiodorus ait. *Lib. de amore.* Gratissima erat fratribus Antiochenis Pauli, & Barnabæ præsentia corporalis; quorum doctrina, quorū collatione, & disputatione firmabantur in fide. Idem factitatum fuisse à Florentino Sacerdote piissimo, Thomas à Kempis asserit, *cap. 25. vite fol. 101.* Egregi-

us, ac vernans flos Sacerdotum Magister Florentius, fervidus animarum zelator, non solum curam domesticorum fratrum habuit, sed etiam salutariis verbi semina in alijs vicinis Clericorum Congregationibus plantare studuit; faciens interdum collationem devotæ exhortationis. *Hæc omnia Thomas.*

D. Chrysostomus hujusmodi coetus, & congregationes, convivij collatitij, seu symbolicis comparat, sic enim ad populum Antiochen. *Homil. II. ad pop. ant.* Quoniam se quisque per se ipsum emendare facile non potest, faciamus sodalitia, & collationes, & quod in convivij pauperes faciunt, quoniam non potest quisque solus convivium exhibere perfectum, convenientes

tes omnes ex symbolo omnium  
 „conferūt; hoc & nos faciamus :  
 „postquam per nos ipsos torpidi  
 „sumus, collationes facientes in-  
 „ter nos, consilium spondeamus  
 „conferre, & monitionem, & ex-  
 „hortationem, & increpationē,  
 „& minas, ut ex singulorum stu-  
 „dio omnes rectè agamus. *Hæc  
 omnia Chrysostomus.* Ex quibus  
 licet colligere, non tantum hu-  
 jus laudabilis instituti consuetu-  
 dinem, sed etiam ingentes, quæ  
 inde emanant, utilitates.

Primò enim in hujusmodi spi-  
 ritualibus congressibus pellitur  
 tœdium illud, seu sopor, quem  
 nonnunquã immittit dæmon in  
 properantibus ad perfectionem,  
 dæmonis artes, quibus profectū  
 spiritualem vel impedire solet,  
 vel exterminare, deteguntur, &

arma subministrantur, quibus potissimum elidantur. Locupletatur enim intellectus ex singulorum doctrina, monitis & documentis, sunt enim in his conventibus singuli omnium, & omnes singulorum magistri vicissim, & discipuli, dum omnes in unum quasi thesaurum conferunt, quidquid illis occurrit in via spirituali. Inflammantur & accenduntur animi ad virtutem. Si lapis sæpè ad lapidem concussus scintillas exilire facit, tametsi nihil frigidius lapide, nihilq; igne calidius; at tamen concussio, victa natura ignem elicit. Quod cum lapillis contingit, multò idem fit & in animabus, quæ mutuò atteruntur, & igne spiritus concalescunt. Ita Chrysostomus *Homil. 6. ad pop. ant.*

Atq;



Atq; hæc flamma caloris facilius exardescet, si ille, qui hujusmodi conventibus præest, tum exemplo suo, tum verbis suum quoque fervorem, & spiritum adjungat.

Symbola autẽ, quæ unusquisq; ad hæc convivia spiritualia collatitia afferre debent, ut ex varietate jucundiora, & utiliora redantur, sunt alacritas, & promptitudo conveniendi. Multum facit hec alacritas, segnitiam expellit, tollit impedimenta, que te avocare possunt à cõgregatione. Auget desiderium tuæ salutis, desiderium autem aperit, & magis dilatat os cordis, ut magis divinâ gratiâ implearis. Fames bonæ valetudinis inditium est.

Existima, hujusmodi conventus spirituales esse tibi in primis val-

valdè utiles, & necessarios, quia in ijs agitur de sanandis animi morbis, quomodo in vita crescamus & robaremur, quâ ratione ad eam perfectionem brevi perveniamus, statui tuo convenientem. Vita boni religiosi omnibus virtutibus pollere debet, ut sit talis interioris, qualis videtur hominibus exterioris. Et meritò multò plus debet esse intus, quàm quod concernitur foris; quia inspector noster est Deus, quem summopere revereri debemus, ubicunq; fuerimus, & tanquàm Angeli in conspectu ejus mundi incedere, inquit Thomas à Kempis *Lib. de imit. Chr. cap. 19. v. 1.*

Ad hos spirituales coetus offer animum tuum vacuum & plenū, vacuum quidem externis negotiis & perturbationibus, quia pluribus

bus intentis minor est ad singula sensus ; plenum autem proficiendi.

In ipsis autē conventibus, quæ dicuntur, & monentur, tibi præfertim dicta existima, atq; ideò aliqua semper annotabis, quæ possint tuæ vitæ emendationi, ac perfectioni, vel parandæ, vel augendæ, quæ postea per totā hebdomadam exequaris ; tu tibi ipsi medicamentum applica, ut tandem convalescas. Turpe existimat. D. Chrystufomus *Homil.* 38. *in Genes.* vacuum medicamentis illum redire, qui ad domum medici accessit, & officinam medicamentorum adiit.

Disce etiam in Plutarcho *Lib. de audit. off.* Quid prodest sermonibus alienis animum oblectare, si nihilò tu fias melior ? Qui  
im-

immoti confident ad ignem, fomenta inde accipiunt, ut faciei ruborem; ita si ad hos spirituales cætus accedis, in quibus divinus ignis vel excitatur, vel exardescit magis, & nihil inde caloris tecum defers, turpissimum est, tibiq; valdè perniciosum. *Vide alia in Curat. anim. pag. 4. cap. 7. 8. 9. pag. miki 247.*

R E G U L A XVIII.

*Mortificationis studium Clerico seculari vel maximè necessarium, ejus enim usus est ad perfectionē optimus gradus.*

**N**ihil profectò facilius est, quàm de mortificatione disserre, ipsius regulas alijs præscribere, nec non aliorum frangere voluntates, & hoc mortificationis flagello pulsare; at non est cuiq; ita facilè seipsum eodem flagello percu-

cutere. Chirurgus etiā magna animi alacritate, ac cōstantia alterius putridam carnem urit, & secat, suam verò carnem, si morbum similem contraxerit, vix & non sine magno dolore levissimā contrahat manu. Et tamen & tu Sacerdos homo es, eandem carnem induis, quā alij rationi; & spiritui contumacem. Quare ergo eadem medicamenta; quæ offers alijs, tibi ipsi non applicas? qui eadem laboras infirmitate, & fortasse majori, & acrioribus stimulis ad peccandum, vel ex pinguioribus redditibus, vel ex otio majori, vel ex frequentioribus objectis, & periculis?

Tibi siquidem & illud B. Pauli ad Rom. cap. 8. v. 13. Si secundum carnem vixeris, morieris,

ris, si autem Spiritu facta carnis  
mortificaveris, vives. Quid est  
autem secundum carnem vivere?  
Optimè explicat B. Prosper. *Lib.*  
*„I. de vitæ conc. c. I* Ille secun-  
dum carnem vivit, qui secun-  
dum seipsum vivit, qui pergit  
quò vult, dormit quando, &  
quomodo vult, loquitur, quæ  
vult, & ubi vult, manducat &  
bibit quando, & quod vult, &  
quantum vult, ridet, & læta-  
tur, inter quos vult? postremo  
quidquid naribus suavè est,  
quidquid tractare blandū, quid-  
quid oculis delectabile, quid-  
quid sensibus cæteris carnis suæ  
jucundū, exercet, ac sequitur,  
qualiter vult; quia omnia lici-  
ta, & illicita carnaliter vult.

Quinimò illud Moyfi dictum  
tibi præcipuè convenit *Exod. c.*

3. 7. 5. Solve calceamentū de pedibus tuis, nam locus, in quo stas, terra sancta est. Status enim Sacerdotis, & Pastoris animarū omninò sanctus est, nec mediocrem usum mortificationis tã interioris, quam exterioris hominis requirit, sed strenuū, & verè assiduum. Toto ergò cœlo erras, & manifestè teipsum decipis, si existimas sine mortificationis usu posse te ad aliquem perfectionis gradum pertingere, aut etiã divinam gratiam consequi, & fovere, vel ullam veram, ac solidam virtutē consequi; nam hæc teste D. Thoma *P. 2. q. 59. art. 2.* passiones sedatas requirit.

Planè hoc est in confesso apud omnes. Tantū proficies, quantum tibi ipsi contuleris. Non in quantum oraveris, aut prædica-

ve-



veris, aut in doctrina eruditior  
evaseris, sed in quantum in pra-  
ctico mortificationis usu profe-  
ceris, perfectionem consequeris.  
Et Thomas à Kompis *de mortific.*  
*„suipſius cap. I.* Tantum profi-  
„cio, quantum pro Christo di-  
„mitto, & tantum proficio, quā-  
„tū à me exeo : Ubi me relin-  
„quo, ibi me invenio, & ubi me-  
„ipſum quaero, ibi me perdo.  
„Ubi meipſum accomodo, ibi me  
„lædo.

Adde, ſi curam animarum qua-  
ris, etiam ob ſpiritualem aliorū  
utilitatē hoc mortificationis ſtu-  
dium exercendum eſt; via enim,  
per quam gregem tuum ad æter-  
nitatis paſcua dirigere debes,  
profectò non eſt alia, quàm ſui  
ipſius abnegatio : Ita Paulus *ad*  
*Epheſ. cap. 4. v. 21. 22.* In ipſo  
edo-

edocti estis, sicut est veritas in Christo IESU, deponere vos secundum pristinam conversationem veterem hominem, qui corrumpitur secundum desideria carnis. At pastor gregem suum præire debet, nec tu artem ullam bene alios docebis, quam ipse prius non didiceris.

„ Itaqué omni die (ut utar verbis Thomæ Kempensis de mortificat: oportet te proponere, velle mori propter Christum, & de novo incipere emendare vitam tuam, & te ad poenitendum, & ad moriendum disponere, & te ipsum vincere; atqué hoc ipsum propositum viriliter exequi.

Verum cum mortificatio duplex sit interioris, & exterioris hominis, cum interior mortificatio tantò nobilior, & excellentior

tior, quantò anima corpore præstat; in hac præcipuum studium ponendū est, exterior tamen negligenda non est, etenim se invicem juvant, nec ab invicē separari debent.

Nulla prætereat dies, in qua in aliquo de teipso victoriā unā non reportes, etiam in rebus parvis; nam parva non vincunt, & nos capiunt, quod volucrum exemplo nos docet S. Ephrem *Serm. de lingua mala*. Ex volucrum aucupio discite, quæ parva videntur, non ideò contemnenda; contingit enim, ut avis in laqueum incidens minimā capiat, tur unguicula, & alarum vires franguntur ac debilitantur ob unguem vilem, & cū totum corpus sit extra laqueum, totū tamen retinetur. Et leonem for-

„fortissimum omnium bestiarum  
 „capillò teneri, & aquilam vo-  
 „lucrum robustissimam ungue il-  
 „laqueatam venatori obnoxiam  
 „reddi, scribit S. Dorotheus. Sed  
 si hoc evenit in parvis, quid e-  
 rit in magnis, in abneganda pro-  
 pria voluntate, in moderandis  
 parvis animi affectibus, in cohi-  
 bendo amore proprio, à quo tã-  
 quam à radice omnium vitiorum  
 rami enascuntur? si in lapide i-  
 maginem aliquam insculpas, & si  
 magno labore id facias, manente  
 tamen lapide eadem imago sem-  
 per perseverat, quia lapis, cum  
 sensu, & motu careat, non est  
 mutationi subditus. At tu non  
 es lapis, sed homo, non semper  
 in eodem statu permanens, & in  
 quo affectus veteris Adæ revivi-  
 scunt, undè necessarium est ite-  
 rum,

rum, atq; iterum mortificationis gladio, quæ pullulant refecare; nunquam in hoc spirituali bello arma deponenda, nunquam in otio standum est.

Mortificationi interiori exteriorem aliquā, sed discretam corporis afflictionem junge quotidie, quæ interiorem adjuvet, ne carnis insolentia fructu bonorum operum priveris: & cum, ut plurimum peccata comittamus, vel ex carnis suggestionem, vel ut illi indulgeamus; si caro te decipit, & te quotidie trahit ad culpam, etiam quotidie eam corrige.

Mirabiles inde in animam tuā utilitates emanabunt, quas, quia paucis Cæsarius Arelatenfis Episcopus Nom. 1. egregiè completus est, illas ab ipso excipe. Sæpè afflictiones humiliata cor-

„pora macerant, sed immaculata  
 „corda purificant. Mēbris sub-  
 „trahunt fortitudinem, sed con-  
 „scientijs addunt nitorem: Ni-  
 „hilominus de cōtritione animi  
 „redimuntur crimina volupta-  
 „tis. Per duræ crucis exercitia  
 „deceptæ dudum carnis gaudia  
 „puniuntur; ac sic mortificati-  
 „one præfenti futura mortis sen-  
 „tentia prævenitur, & dum cul-  
 „pæ auctor humiliatur, culpa cō-  
 „sumitur: dumq; exterior affli-  
 „ctio voluntariæ diffractionis in-  
 „fertur tremendi iudicij offensa  
 „sedatur, & ingentia debita la-  
 „bor solvit exiguus quæ consum-  
 „pturus erat labor æternus. Hæc  
 „ille. Si hæc bona sigillatim ex-  
 „pendes, has corporis afflictiones,  
 „non tam asperas, & difficiles hor-  
 „rebis, sed uti suaves & utiles li-  
 „ben-

benter amplexaberis. Quanta futura sit gloria & consolatio carnē suam castigantibus, hīc non cognoscimus, sed in futura vita videbimus. Secundum multitudinem dolorum meorum consolationes tuæ lætificaverunt animā meam. *Psal. 93. v. 19.*

Ne quæso te terreat, ab hoc tam necessario opere Dæmon, qui cum sit immundissimus spiritus, horret has voluntarias carnis afflictiones, propterea illas dissuadere conatur, ut egregiè annotavit Hugo Viëtorinus *Lib. 1. de*  
*„claus. an. cap. 2.* Ecce Diabolus  
*„Phyicam docet, ecce medicus*  
*„factus est, de complexionibus*  
*„loquitur, infirmitates diversas,*  
*„si teneatur religio, generari*  
*„prædicat; sed quare hoc? Nō*  
*„ut remederi velit, sed ut occi-*  
*dere*



cedere possit: Non ut ægritudi-  
nes curet, sed ut securius infe-  
rat mortem. Videt ex subtra-  
ctione ciborum, luxuriæ vires  
posse minui, & ideò non tardat  
minari ægritudinem. Idem di-  
cendum de cæteris carnis casti-  
gationibus.

Neq; minus ab amore proprij  
corporis te superari patiaris, nã  
hoc non est odisse carnem tuam,  
sed amare, non occidere, sed sal-  
vare. Est Christi Domini dictum  
*Matth. cap. 16. v. 25.* Qui vo-  
luerit animam suam salvam face-  
re, perdet eam, qui autem perdi-  
derit propter me, inveniet eam.  
Et illud D. Bernardi *serm. Ecce*  
*nos.* Tempus hoc animabus, non  
corporibus assignatum est, dies  
salutis, non voluptatis, omnia tẽ-  
pus habent, animabus nunc ope-

tam dare necesse est. Hoc debet  
esse negotium nostrum, vincere  
seipsum quotidie, atq; in melius  
proficere. *Vide Curato. ē Anima-*  
*rum P. 3. cap. 4. pag. mihi 134.*

REGULA XIX.

*Fragmenta temporis studiosè à  
Clero seculari colligenda, ne pe-*  
*reant.*

**V**Oco fragmenta temporis, par-  
va illa horarum spatia, quæ  
suum proprium, & destinatum  
ministerium non habent; cujus-  
modi est, parva illa mora, dum  
paratur prandium, vel cœna, vel  
signum campanæ minoris quæ te  
vocat ad Chorum, expectas, vel  
præstolaris amicum negotij cau-  
sa, vel ad suscipienda Sacramen-  
ta fideles expectas, & his simi-  
lia: quæ quidem, si diligenter  
non cures, prætereunt sine lu-  
cro,

cro, & infructuosè, nec sine aliqua jactura animæ tuæ, quia & de his particulis temporis ratio à te exigetur ab eo, qui minima quæque curat, & attingit suâ providentiâ. Majori diligentia tempus nobis servandum est, quàm aurum, quia illo pretiosius est, & si frustula auri diligenter colligimus, & asservamus, quare non & frustula temporis? cum nullum sit adeò exiguum, quin in illo vitam æternam mereri valeas. quæ admodum latro in cruce consequutus est.

Deinde ex tribus partibus temporis, nulla à nobis possidetur, nisi hæc brevissima, quæ præsens est; præterita jam abiit, & amplius non est, futura nondum advenit, sola præsens tua est, si hanc in res inutiles prodigis, nonne

hoc est totum tempus otiosè consumere? Tempus quidē præsens proijcere, ac serò postea revocare præteritum, quando nullum est lapsæ virtutis remediū, summæ stultitiæ est, inquit S. Basilus *de lib. Gentil.*

Sciscitanti verò, quænam ratione hæc pauca fragmenta ita colligi possint, ut ex ijs paucis fiat unū satis, ex quo diteris? Unico verbo respondeo; Deum verè dilige; Nam si Deum ardentè amaveris, nunquam otiosus eris; nam Christi amor non finit in anima nasci torporem, ait Ioannes Trithemius. Ex D. Bernardi Sententia *Serm. 6. De modo benè vivendi*: Deum verè diligenti, nulla est hora otiosa; Flammæ ignis muscæ otiositatis nullo unquam tempore adhaerere possunt.

Vel

Vel fabrum imitare ferrarium,  
qui inter operandum pro quovis  
laboris levamine incudem suam  
ferit, & malleo percutit: sic tu  
illo brevi temporis spatio percu-  
te pectus tuum, ut aliquis sonus  
audiatur, qui te ipsum excitet, &  
dulciter sonet in auribus Christi  
Sponsi tui: hoc est breves ali-  
quas orationes jaculare in Deum,  
quæ divinum illius pectus feri-  
ant, neq; enim vacuæ redibunt.

Cur etiã parva illa mora cum  
Angelo, qui à latere tuo nusquã  
recedit, quique instar pædagogi  
te sequitur, custodit & regit,  
dulces aliquos non misces sermo-  
nes? cur non eum alloqueris?  
cur non aliquos reverentiæ actus  
erga ipsum exhibes? cur gratiã  
aliquã ab eo non exposcis? ægri,  
nisi ad eos aliorum precibus me-

dicus fuerit invitatus, pro se ro-  
gare non possunt, infirma est ca-  
ro, mens ægra est, & peccatū rū  
vinculis impedita, ad medici il-  
lius sedem debile non potest ex-  
plicare vestigium. Obsecrandi  
sunt Angeli pro nobis, qui nobis  
ad præsidium dati sunt. Ita D.  
Ambrosius *Lib. de viduis cap. 8.*

Vel cor tuum, & mentem ap-  
plica ad eam actionem, quam mo-  
do aggressurus es, etiamsi sit re-  
fectio corporis, ut omnia facias  
in Dei honorem juxta D. Pauli  
præceptum *I. Corinth. cap. 10.*  
*v. 31.* Sive manducatis, sive bi-  
bitis, sive quid aliud facitis, o-  
mnia in gloriam Dei facite. Si-  
quidem talis applicatio diligen-  
tiam parit, otium, & segnitiam  
fugat.

Aliter, si hæc fragmenta, ceu  
mi-

micas temporis neglexeris, cave, ne illud tibi exprobet Dæmon mortis tuæ tēpore, quod in monasterio Gigniacensi Monacho illi exprobravit, qui cum viveret, micas panis è mensa cadere, ac perire sinebat, violans morem probatum ex charitate, ac paupertatis spiritu introductū; Moribundo enim astitit aspectabili forma, saculum micarum plenum ostentans, ut in desperationem induceret; quod obtinuisset, nisi Fratrum vehemētes preces obstitissent. At pretiosiores sunt micæ temporis, quàm panis.

Verum si has diligenter asservaveris, in gemmas, & margaritas tibi erunt aliquando: Sicut pariter micæ panis asservatæ in manibus illius Monachi fuerunt, qui, dum manum applicaret, ut



micæ collectas, ne caderent in mensa, Abbati ostenderet, eas in margaritas conversas, omnes viderunt, & obstupuerunt, *Surius* 28. Nov. in vita S. Odonis. Et Thomas à Kempis *de imit. Christi lib. 1. cap. 25.* Gaudebis semper vespere, si diem expendes fructuosè.

REGULA XX.

*Præparet se Clericus secularis quotidie ad felicem mortis horam à Deo consequendam.*

**I**Nter tuas quotidianas exercitationes etiam hanc connumera, & mordicè tene, ut quotidie cogites, te moriturum, seu potius te continuo mori, ut ad hunc extremum vitæ tuæ actum, foelici-ter concludendum, te præpares. O hebetudo, & duritia cordis humani, quod solum præsentia me-

meditatur, & futura non magis  
prævidet; Sic te in omni facto,  
ac cogitatu deberes tenere, quasi  
hodie esses moriturus, inquit Tho-  
mas à Kempis *De imit. Christi* l.  
I. c. 23. n. 1. Sanè hoc negotiū  
tanti ponderis est, ut sit summa  
rerum, momentum, unde pendet  
æternitas, vel fælicitatis, vel mi-  
seriæ, & pro quo negotio pro-  
sperè, ac utiliter concludendo  
tota vita benè impensa à Christia-  
no homine existimari debet. Ipse  
se seducit, & de morte sua lu-  
dit, qui hoc non recogitat, ait  
D. Augustinus *serm.* 1. *cap.* 20.  
*de temp.* Præveniendus est hic ti-  
bi dies, qui in cautos solet præ-  
venire; quia etsi omnibus dictū  
est, ut vigilent, tibi inprimis; Et  
janitori præcipue dixit, ut vigi-  
let. Tu es hic janitor, quia Sa-

cerdos es, & claves solvendi, atq; ligandi datæ tibi sunt, qui pastor ovium es, qui tanquam vigil; ac speculator in populo positus es, qui non tantum de tuis, sed & de aliorum peccatis rationem es redditurus. Iudicium durissimum his, qui præsunt, fiet, sed quando hoc fiet, nisi in morte? Disce ergò nunc mori, ut nunc incipias vivere cum Christo.

Quomodo autem te pares pro hoc tam formidoloso, & ancipite certamine, breviter disce à sapiente: Memor esto, quoniam mors non tardat. Da, & accipe, & iustifica causam tuam; quoniã non est apud inferos invenire cibum. *Ecclesiastici cap. 14. v. 12. ib. 17.*

Primum sapientis monitum est  
 assi-

affidua, sed seria memoria mortis, quam quidem recordatione facile tibi erit fovere, quia quotidie vitâ functos habes præ oculis, mortis imago perpetua versatur ante oculos tuos, dum pro illis oras, dum illos comitaris ad sepulturam, dum illos morti proximis visitas.

Memini me audisse à pio quodam Sacerdote, animarum Curatore. Quoties dicebat ille, defunctum in feretro jacentē aspicio, subitq; animum meum recordatio, me de illius anima iustissimo Deo rationem redditurum, & hoc in eventu meæ mortis, toto corde perhorresco, illicò omnis avaritiæ titillatio fugatur ab animo meo, nec attendo, an intortitia sint longa, vel brevia, nec venit in mentem contendere

cum hæredibus de funeralibus,  
& talis aspectus præ timore lacrymas mihi potius excutit ab oculis, quàm gaudium, & lætitiã ex præfenti commodo & lucro; optimus sanè sensus pij Sacerdotis.

Fovet etiam hanc mortis memoriam, si attentè consideres sanctissimum Missæ Sacrificiũ, quod quotidie in Altari Deo Patri offeris, in hunc enim finem etiam ab ipso Christo institutum est, ut sit ipsius Passionis & mortis rememorativum; summæ demeritiæ est, mortem Christi Domini assiduè recolere, & ita vivere, quasi tu ipse nunquam sis moriturus, nec unquam de tua morte recogitare,

D. Basilij monitum *instruct. ad fil.* serva: Cum manè surrexeris,

ris, ambige te ad vesperam pervenire, & cum in lectulo membra ad quiescendum posueris, noli confidere de lucis adventu, semper ante oculos tuos versetur ultimus dies. O si tibi verè persuaderes, Missam, quam hodie celebraturus es, ultimam tibi fore, nec tibi imposterum concessum iri, ut iterum celebres: Nec cū Canonicis tuis in Choro divinas laudes te amplius cantaturum, quanta quæso pietate, religione, ac devotionis affectu hæc, & alia omnia munia tua perageres. Cūctis diebus, quibus nunc milito, exspecto, donec veniat immutatio mea. *Iob. cap. 14. v. 14.* Sed quid inde sequitur? vocabis me, & ego respondebo tibi. Hæc assidua mortis meditatio pro transitu viaticum parat.

Mo-

Monet secundo loco Sapiens :  
D. & accipe. Hoc est, ut sub-  
ducas rationes, cum anima tua  
habe rationem dati & accepti,  
tu tibi ipsi esto iudex. Si enim  
pœnas de nobis hîc sumpserimus,  
si nos propter peccata quotidia-  
na condemnaverimus, non utiq;  
juxta D. Pauli dictum judicabi-  
mur, inquit D. Ambrosius *in Ps.*  
*118.* Et Thomas à Kempis *de i-*  
*mit Ch. lib. 1. cap. 24.* O mi-  
serissime, & insipiens peccator,  
quid respondebis Deo omnia ma-  
la tua scienti? qui interdum for-  
midas vultum hominis irati, ut  
quid non provides tibi in die ju-  
dicii, quando nemo poterit per  
alium excusari, vel defendi, sed  
unusquisquè onus erit sibi ipsi.  
Nunc labor tuus est fructuosus,  
fletus acceptabilis, gemitus exau-  
di-



dibilis, dolor satisfactorius & purgativus. Quotidie peccas (quis enim omnino immunis à peccatis?) quotidie eadem per pœnitentiam lava, quasdam afflictiones corporis pro illorum satisfactione ultrò quotidie assumito; nam ex dicto S. Prosperi *in Sent. num. 210.* Cessat vindicta divina, si conversio præcurrat humana.

Idem præsta cum conscientia tua, id est oculo corporis; adeò delicatus est oculus, ut si in se, vel minimum quid pulveris senserit, doleat, angatur, & talem molestiam ferre non valens, lacrymis depellere conatur; sic cum oculo conscientix facere par est, cum in peccatorum quavis minutorum lapillos, scrupulos & pulverem adhæsisse persens-

ferit, illicò lacrymis, dolore, &  
 Sacramento depellat. Melius est  
 modò purgare peccata, & vitia  
 refecare, quàm in futuro purgan-  
 da reservare, Thomas à Kempis  
*de imit. Christi lib. I. cap. 24.* &  
*„rursus cap. 23.* Quid prodest  
 „diu vivere, quando tam parùm  
 „emendamus; Ah! longa vita  
 „non semper emendat, sed sæpè  
 „culpam magis auget. Multi an-  
 „nos computant cōversionis, sed  
 „sæpè parvus est fructus emenda-  
 „tionis. Si formidolosum est  
 „mori, forsitan periculosius erit  
 „vivere. Si hodie non es para-  
 „tus, quomodo cras eris? Cras  
 „est dies incerta, & quid scis, si  
 „crastinum habebis? *Hæc omnia*  
*Thomas à Kempis.*

Addit ultimo loco Sapiens Iu-  
 stifica animam tuam, ante obitū,

ope-

operare, iustitiam, quia non est  
 apud inferos invenire cibum. Sā-  
 ctifica animam tuam, habet Græ-  
 ca significatio, virtutes pro via-  
 tico para, & ut monet ubi supra  
 „Thomas à Kempis. Dum tem-  
 „pus habes, congrega tibi divi-  
 „tias immortales. Præter salu-  
 „tem tuam nihil cogites, solum,  
 „quæ Dei sunt, cura. Fac tibi a-  
 „micos, venerando Dei Sanctos,  
 „& eorum actus imitando, ut  
 „cum defeceris in hac vita, illi  
 „te recipiant in æterna taberna-  
 „cula.

Beatus servus ille, quem, cū  
 venerit Dominus ejus, invenerit  
 sic facientem. *Matth. cap. 24. v.*  
 46.

Sed cū gratia obdormiendi in  
 Domino, sit omnium maximā,  
 utpote initium nostræ felicitatis,

&

& clausula omnium divinorū beneficiorum hujus vitæ, summis & assiduis precibus à Deo impetranda est. Cum hoc certum sit ex communi Theologorum sententia, donum perseverantiæ concedi nobis ex mera Dei gratia, & misericordia, atque perseverantia in hoc maximè consistit, ut quis in Dei gratia ex hac vita decedat.

Singulis ergò diebus partem aliquam temporis habebis huic negotio destinata, in qua causam hanc animæ tuæ cum Deo tractes. Aliqua opera misericordiæ tam spiritualis, quàm corporalis quotidie exercebis, quæ in hunc finem diriges, cum scriptū sit: Beati misericordes, quoniam ipsi misericordiam consequentur, *Matth. cap. 5. v. Et Psal. III.*

2. 5. Jucundus homo, qui miseretur & commodat, disponet sermones suos in iudicio, quoniam in sæculum non commovebitur. In hunc quoq; finem aliquas carnis afflictiones in consilio Patris spiritualis assumes, ut tunc temporis placatus sit tibi Deus.

Sed nihil efficacius, quàm si, cùm Missam celebras, habesq; ipsum Dominum præ manibus, illumq; quasi captivum tenes, ipsum obsecres, & obtesteris, ut te in morte in sinum suum recipiat, & Moylis exemplo inter ejus amplexus, & oscula spiritum emittas. Nullum ergò acceptabilius Deo offerri potest sacrificium, sive ad exsolvendum Laudes, sive ad exhibendum gratias, sive ad impetrandam indulgentiam, vel ad gloriam promerendã, quàm

quàm Corporis, & Sanguinis  
Christi sacrosanctum myste-rium,  
sapienter scripsit S. Laurentius  
Iustinianus *serm. de Corpore  
Christi.*

### REGULA XXI.

*De omnibus diei perfectæ cogitationibus, & actionibus Clericus secularis vespere ante cubitū conscientiam suam seriò discutiat, contritionem veram eliciat, & firmissimum emendandi propositum statuatur.*

**A**ppositè in rem nostrā Thomas à Kēpis *Exerc. Spir. c. 10.* Si verè proficere vis, omni vespere te discutere non omittas; quod si feceris, renovaberis spiritu mentis, & pacem habebit tabernaculū tuum. Securè dormies, & non erit, qui exerceat quiescentem  
cum

cum Christo. Mirum valdè, & tremendum nimis, quòd quis, audeat ire dormitum cum gravi aliquo delicto, nec compunctus, nec confessus.

Villicus es; habes codicem, nempe Cōscientiam tuam, ait D. Chrysostomus, in quo describas quotidianas expensas, sed antequam somnus obrepat, aperi hūc codicem, lege quæ in eo scripta sunt, ut debita solvas. Mercator es, & quidem pretiosarum mercium, nobis enim Sacerdotibus à Patrefamilias præcipuè dictum est: Negotiamini, dum venio. Mercatorem lucri cupidum imitare, qui in fine cujusq; diei rationes subducit suæ negotiationis, & an majora sint lucra, quam damna, considerat; Idcirco malè, aut tepidè vivimus, quia  
hac



hæc regula quotidie non utimur  
ad corrigendum actuum nostro-  
rum obliquitatem. Examen Cō-  
scientiæ Regulam vocat Hugo  
Victorinus. *Lib. 1. de prud.*

Præterea ea, quæ de discussio-  
ne conscientiæ ante prandium  
dicta sunt, hæc pauca adde.

Tria ad peccati emendationē  
requiruntur. 1. Peccati cogni-  
tio. 2. Ejusdem detestatio. 3.  
Et per virtutem peccato contra-  
riam, correctio. Tria hæc adju-  
menta, optimè præbet conscien-  
tiæ discussio vespertina.

Quomodo enim quis delicta  
sua agnoscat, & quotidianos de-  
fectus corriget, qui nunquam, a-  
ut rarò sua interiora scrutatur,  
qui se non discutit, qui post ter-  
ga sua peccata projicit? Inicū  
salutis est peccati cognitio.

Ex

Ex cognitione peccati odium  
& detestatio consequitur. Post-  
quam ostendisti mihi, percussi  
fœmur meum *Ierem. c. 31. v. 19.*  
Et D. Gregorius de Mariæ Ma-  
gdalenæ poenitentia *Homil 13 in*  
*Evang.* quia turpitudinis suæ  
maculas aspexit, lavanda ad fon-  
tem misericordiarum concurrit.  
Hinc verò fit, ut mala gramina  
peccatorum non agant imas radi-  
ces in anima, quia vespertina di-  
scussio paulatim impedit humo-  
rem malæ consuetudinis, ne in  
radices defectuum nostrorum in-  
fluat.

Sequitur tandem emendatio, in  
hunc enim finem scrutinium cō-  
scientiæ dirigi debet; quia sicut  
artifex studiosus ex frequenti &  
acurata inspectione sui operis il-  
lud ipsum emendat & ad perfe-  
ctio-

tionem juxta artis præscriptum  
reducere conatur, sic & tu ex eo-  
dem planè studio spiritualiter  
proficiendi conscientiam tuam e-  
xaminabis. In eo defectu corri-  
gendo, ad quem te procliviorē  
agnoscis, eò usq; insiste, quousq;  
de illo victoriam reportaveris.  
Si omni anno unum tantum viti-  
um extirparemus, citò perfecti  
viri efficeremur, inquit Thomas  
à Kempis.

Si autem à me quæras, quænam  
sint illa, quæ adducenda sunt ad  
hoc judicium? Breviter respon-  
deo, bona & mala omnia, quæ eò  
die egeris, vel cogitâris, vel lo-  
cutus fueris.

Nomine bonorum operum ve-  
niunt primò loco functiones quo-  
tidianæ tuo muneri congruentes,  
quæ etli sanctæ & bonæ operati-  
onēs

ones sunt, si illas examinaturus  
& judicaturus est Deus: Ego,  
cum accepero tempus, justitias  
judicabo *Psal. 74. v. 3.* Cur &  
tu illas prius non examinas, non  
emendas, non expolis; ne inve-  
niat Deus, quod corrigat & re-  
prehendat.

Vulgatum est illud axioma:  
Bonum ex integra causa, malum  
autem ex singulis defectibus. Nō  
sufficit, ut res quæ sit, bona &  
sancta sit, sed ut benè, & sanctè  
fiat, requiritur. Multis in extremo  
judicio Deus dicturus est illa *I-  
saie cap. 1. v. 22.* Argentum tu-  
um verum est in scoriam, & vi-  
num tuum mixtum est aquâ. Nō  
dicit ferrum vel plumbum tuum,  
sed argentum, quod auro exce-  
pto cæteris metallis pretiosius  
est, quia functiones nostræ etfi

sacræ, & sanctæ, quia multa opera nostra, quæ nobis bona pretiosa videntur, in lance tamen supremi & æquissimi judicis posita, non ut talia probabuntur: vel ex pravitate intentionis nostræ, aut obliquitate, vel ex negligentia, aut irreverentia, vel ex alio defectu. Propterea Iob, etsi sanctissimus vir. Verebar, inquit c. 9. v. 28. omnia opera mea, sciens quia non parceres delinquenti. D. quoq; Paulus *I. Corinth. cap. 4. v. 3.* Mihi pro minimo est, ut à vobis judicer, aut ab humano die, qui autem me iudicat, Dominus est.

Bona etiam, vel neglecta, vel omissa sub hac censura quotidiana venire debent. Multi computant pecunias & expensas rerum, pauci conscientiæ negligenter

gentias temporum discutunt;  
 idque magis deficiunt, quam  
 proficiunt, loquuntur bona &  
 non faciunt, detestantur mala  
 in alijs, seipfos autem negli-  
 gunt in multis, ait Thomas à  
 Kempis.

Verum si bona opera discuti-  
 enda sunt, multò magis peccata,  
 ut de illis, dum temptis habes  
 misericordiam à pijsimo Domi-  
 no impetrare valeas. Sed jam o-  
 mnia concludat D. Bernardus  
*Ad so. de monte Dei.* Discito  
 tibi præesse, & vitam ordinare,  
 mores componere, temetipsum  
 apud temetipsum accusare, sæ-  
 pè etiam condemnare, nec im-  
 punitum dimittere. Sedeat ju-  
 dicans, justitia stet rea, & te-  
 metipsum accusans conscientia,  
 nemo te plùs diligit, nemo fi-

„delius iudicabit. Manè præte-  
 „ritæ noctis fac à temetipso exa-  
 „ctionem & venturæ diei tu ti-  
 „bi indicito canonem. Vespere  
 „præteritæ diei rationem exige;  
 „& supervenientis noctis fac in-  
 „dictionem, sic districto nunquã  
 „aliunde lascivire vacabit. Sic  
 ille.

# REGULA XXII.

*Nocturna quies, sive dormitio  
 Clerici secularis sit in lecto non  
 nimis exquisitè composita, & adeo  
 molli, sed honesto, ut in eo tan-  
 tum corpus quiescat, non delicie-  
 tur.*

**S**Ed jam hora est, ut receptui  
 canamus, & te ad somnum ca-  
 piendum pares. Hic quoq; duo  
 tibi paranda erunt, ut hæc actio  
 meritorie fiat. Aliqua antequam  
 te lecto tradas, aliqua inter dor-  
 mi-



miendum & quiescendum. *Quæ*  
pares, antequam cubes in lecto,  
sunt.

Ne delicias in lectulo quæras,  
non sit pretiosus, nec nimis ex-  
quisitè compositus, nec ita mol-  
lis, qui te diutiùs in se detineat;  
sit talis, ut in eo quiescat corpus,  
non autem delicietur. Sit lectus,  
inquit Thomas à Kempis. *Exerc.*  
*Spirit. cap. II.* veluti sepulchrū,  
in quo quieturus es modicum,  
paulò pòst iterum surrecturus ad  
vigiliās, & laudes Dei celebran-  
das.

Pia aliqua oratione te ipsum  
præmunies, vel erga Angelū Cu-  
stodem, vel Beatissimam Virginē,  
vel alios Sanctos, ut te ab omni-  
bus animæ & corporis periculis  
liberent, & ab omni dæmonis il-  
lusione custodiant, serva illud

quoq; D. Bernardi *Ad fo. de mō-  
te Dei.* Iturus ad somnum sem-  
per aliquid defert eum in me-  
moriam vel cogitatione, in quo  
placidè obdormias, quod nonnū-  
quam somniare juvet, quod etiā  
evigilantem te excipiens, in sta-  
tum hesternæ intentionis restitu-  
at. Sic tibi nox sicut dies illu-  
minabitur, & nox illuminatio  
tua erit in delicijs. Etsi aliud  
tibi tunc tēporis non suppetat,  
memoriæ manda capita medita-  
tionis, quæ parasti pro crastina  
die, facile tunc redibis ad id un-  
de existi, in Domino quievisti,  
in Domino pariter excitaberis.  
Quantò præparatior transis dor-  
mitum, tantò expeditior eris ad  
surgendum. ait Thomas à Kem-  
pis.

Inter dormiendum nuditatem

vi-

vitabis omninò, est enim pudicitia, quæ in Sacerdote præsertim elucere debet, infensissimus hostis; Esto nemo te conspiciat, tamen teipsum revereri debes, non versamur in statu innocentia sed post lapsū, in quo nuditas turpitudinis vestigium est; propterea primi parentes nostri post peccatum erubuerunt & operuerant. Et aperti sunt oculi eorum, & cum cognovissent, se esse nudos, consuerunt sibi folia vicus, & fecerunt sibi perizomata *Gen. cap. 3. v. 6.* Hanc ob causam multi probi Sacerdotes, studiosi castitatis mandaverunt, ne corpora sua, postquam ex hac vita excesserint, nudarentur, ac lavarentur.

Displicet etiam hæc nocturna nuditas Angelis Custodibus; il-

Iam averfantur, & horrent. Hinc  
D. Bernardus *Serm. 12. in Ps. 11.*  
Qui habitat. In quovis diverfo-  
rio, in quovis angulo, Angelo  
tuo reverentiam habe; tunc au-  
deas illo præfente, quòd vidente  
me non auderes? an præsentem  
effe dubitas, quem non vides?

Si caro titillat, fi tetra imago  
incidit, fi quævis alia passio mo-  
vet, nec quiescere te finit, ad o-  
rationem convertere, signũ Cru-  
cis tibi imprime, flagellum, coro-  
nam spineam, lanceam, ac totam  
armaturam Crucifixi oppone, an-  
te cujus virtutem non potest ho-  
stis stare malignus, nec tentatio-  
nis illusio perdurare. Sic te mo-  
net Thomas à Kempis, pius, ac  
devotus Pater.

Eas horas fomno dabis, quæ  
sufficiant tantum pro resumen-  
dis

dis viribus habita ratione tui status & valetudinis. Noli diligere somnum, ne te egestas opprimat. *Proverb. cap. 20. v. 13.* ait Sapiens. Vigilantia & labor, teste D. Paulo, Sacerdotis propria munera. Tu verò vigila, in omnibus labora. 2. *Timoth. 4. v. 5.* Porro vigilantia duplex est mentis & corporis, & qui se vigilare in corpore dormiente putat, se ipsum decipit.

Sed quorsum hæc omnia? nisi ut illa exerceas, & in usum inducas, si libet. Nam ex doctrina „Richardi à S. Victore *Lib. de* „*Iud. cap. 38.* Virtutum modum „& formam solum per intelligē- „tiam & doctrinam depingere & „memoria retinere, earumq; affe- „ctu carere, quid aliud est, quàm „quædam simulachra corde ge-

„stare? scientia bona sine sancti-  
 „tatis effectu & bonitatis affe-  
 „ctu, quid aliud est, quam simu-  
 „lachrum vanum sine motu &  
 „sensu? Aristoteles ipse hoc i-  
 „dem sensit *Lib. Ethic. cap. 4.*  
 „In agendis rebus finis non est  
 „contemplari singula & cogno-  
 „scere sed agere. Neq; igitur  
 in virtute satis est, si eam co-  
 gnoverimus, sed ut eā habeamus,  
 eāque utamur enitendum est, vel  
 si quo alio modo boni efficimur.

Hoc autem sanè assequeris, si  
 illud Thomæ à Kempis *Exerc.*  
*spirit. cap. II.* diligenter servave-  
 ris, cujus sanè aurea sint locò  
 „coronidis. Omnia exercitia  
 „spiritualia dirigenda sunt, ut  
 „passiones vincantur, ut propria  
 „voluntas mortificetur, ut mū-  
 „dus contemnatur, ut Deus di-  
 li-

„ligatur, ut caro refrænetur, &  
 „spiritus ad cœlestia eleuetur,  
 „ut omnibus affectionibus miti-  
 „gatis puritas cordis, & tran-  
 „quilla mens possideatur. Mo-  
 „dicum laborabis, magnam re-  
 „quiem invenies. Breve est tē-  
 „pus peregrinationis nostræ, sed  
 „præmium nostrum erit gau-  
 „dium sine fine. Multi maiora  
 „tolerant pro mundo, quàm nos  
 „pro Deo. Multi duriora  
 „patiuntur, & utiliùs a-  
 „gunt pro inferno,  
 „quàm nos pro  
 „cœlesti Re-  
 gno.



EPI.



# EPILOGUS

*Ad D. PETRUM Apostolorum  
Principem, & Cleri Secularis  
Patrem & Patronum.*

**O** Beatissime PETRE, Cleri  
Sæcularis Pater & Patrone  
Clementissime, qui de rudi Ga-  
lilææ terra juxta ejus mare de  
piscium ad hominum piscaturam  
vocatus, mox relictis omnibus  
JESUM Christum Magistrum se-  
cutus es, ac numero Collegij A-  
postolici aggregatus inter duode-  
cim primas tulisti, quique non  
sanguine & carne, sed Patre cœ-  
lesti revelate professus es, Chri-  
stum Filium Dei vivi, unde Cla-  
viger Cœli factus, & tibi, tuisq;  
Successoribus potestas solvendi  
& ligandi tradita est, & cum a-  
lijs duobus Discipulis Ioanne &  
Ia-

Iacobo mirabilem in monte Thabor Transfigurationis visionem aspicere meruisti, & præ gaudij excessu dixisti: Domine bonum est nos hîc esse faciamus tria tabernacula, qui præ humilitate pedes à Magistro tuo lavari renuisti, sed audiens, te in Magistro tuo nullam habiturum partem, protinus non solum pedes, sed & caput & manus lavandos obtulisti, ac in Cœna Domini ejus sacratissimum & vivificum Corpus & Sanguinem sub speciebus panis & vini summâ reverentiâ cum cæteris sumpisti, finitôque Magistri tui sermone in mortẽ cum eo ire animũ tibi præfidẽdo intrepidus promisisti, eumq; pro te rogantem Patrem cœlestem, ne deficiat fides tua, ad montem oliveti comitatus es, ubi Magistro tuo

tuo orante ac sanguinem sudan-  
 te obdormiscens, veniente Judeo-  
 rum turbâ excitatus è somno Põ-  
 tificis servo auriculam gladio ab-  
 scidisti, eaq; à Christo Magistro  
 tuo persanatâ & audita ejus in-  
 crepatione fugam cum alijs con-  
 tremiscens arripuisti, & à longè  
 sequendo in atrio Caiphæ ad i-  
 gnem te calefaciens totus frigi-  
 gidus ab imbellè superatus an-  
 cillâ trinâ negatione ostendisti  
 dilectissimum Magistrum Domi-  
 num Deum tuum, at subito re-  
 cordatus, gallo ter cantante ver-  
 bi Magistri tui, benignissimis e-  
 jus oculis aspectus, amarè flere,  
 ac ternâ confessione dignos pœ-  
 nitentiæ fructus agere coepisti,  
 ac tandem disseminato Dei Evan-  
 gelio Romæ deorsum capite Cru-  
 cifixus vitam cum sanguine IESU

Chri-

Christo Magistro tuo immolare  
 voluisti. Rogamus igitur Te  
 Sanctissime P E T R E, Pater ac  
 Patrone suavissime per omnes tu-  
 as prærogativas ac privilegia, ut  
 pro nobis filiis tuis Petrinis apud  
 Magistrum tuum, qui te post re-  
 surrectionem suam præ cæteris  
 gloriosâ apparitione consulatus  
 est, intercedere digneris, ne de-  
 ficiat fides nostra, sed precibus  
 tuis roboretur, nosq; tota hujus  
 mortalis vitæ nocte laborantes,  
 nihil viribus nostris capientes, in  
 nomine autem Christi retia la-  
 xantes, ingentem animarû mul-  
 titudinem de profundo pericu-  
 losi maris extrahamus, & zelosi  
 pastores oves nostras concredi-  
 tas divini verbi fervida prædi-  
 catione ac exemplari vita fovea-  
 mus, aberrantes, allicientes ad ve-  
 rum

rum ovile adducamus, è fluctibus, ne mergamur, erigi ac in portum salutis deduci, & tandem omnes filij tui Petrini cum omni grege nostro una tecum in cœlesti monte Thabor tuum ac nostrum Redemptorem transfiguratum aspiciere ac beatifica visione æternum perfrui mereamur. Per eundem IESUM Christum Magistrum tuum ac Dominum nostrum, Amen.

Et quicumq; hanc Regulam secuti fuerint, Pax super illos, & misericordia, & super Israël Dei. *Ad Galat. cap. 6. v. 16.*

Omnia ad majorem DEI, DEI-Paræ Virginis MARIE, nec non D. PE-TRI Apostolorum Principis, & Cleri Sæcularis Patroni honorem & gloriam.



FLO-

FLORES SELECTI  
 Ex Viridario Vitæ & Doctr:  
 IESU CHRISTI,  
 Meditationes S. P. NICOLAI  
 AVANCINI Soc: IESU, ex-  
*cerpti in odorem suscitatis*  
*Venerabili Clero Sæculari*  
*dicati &c.*

**A**Ma puritatem animæ & cor-  
 poris maiorem quàm ante-  
 hâc.

Vide ut Spiritus Sanctus solus  
 in anima tua operetur, non sen-  
 sus.

Beatissima MARIA Virginitate  
 concepit, humililitate verò me-  
 ruit esse Mater Dei.

Humilitas est modus, quo  
 Deum ad te trahis, si te depri-  
 mis, sicut eum pellis, si te ele-  
 vas.

Di-

Dives es, si Deo unias.

Disce alienos defectus apud te excusare, & apud alios tegere.

Sala magnitudo vera est, quæ coram Deo est.

Vir unus zelosus, si comparet in populo multa bona præstat.

Amor omnia dulcorat.

Disce Superiorem tuum locò Dei habere, etiam in durioribus imperijs.

Disce gaudere de bonis aliorum.

Deus non invenitur, nisi in humilitate & contemptu terrenorum.

Ubi terrena abjeceris solatia, aderunt cœlestia.

Quantò maiorem tui curam gesseris, tantò maiorem geret Deus.

Pax datur hominibus bonæ voluntatis.

Sal-



Salvator tuus non salvabit te,  
sine te.

Experientiâ discitur virtus.

Ubi de voluntate Dei constat,  
pone affectum.

Offendetur proximus? sed  
Deus jubet.

Insigne amoris argumentû est,  
pro eo pati quem amas.

Discam libenter confundi, nec  
quæram alius videri, quàm sim.

Frustra est gratia, ubi non est  
cooperatio.

Disce non differre, dum lu-  
men habes.

Rumpè vincula terrenorum af-  
fectuum.

Unica inordinata passio, pacem  
animi turbat.

Non finas passionem ullam do-  
minari, etiam te dementabit.

Non seriò vult, qui lentè vult.

Deus

Deus solum æstimat ex quanto affectu, non quantum dones.

Cum offers munus tuum Deo, affectum procura.

Nihil frustra Deo dabis, quò plus dederis, plus accipies, dabis vilia, accipies pretiosa.

Faciant te propria pericula cautum.

Noli redire eò, ubi expertus es te deliquisse, vitata occasione vitabis periculum.

Disce sanctè latere, & solitudinem amare, te plebi potius communicare, quàm inditis.

Elige contemptum ad majorè Christi imitationem.

Humilitas est descensus ad utilitatem.

Expende vilitatem tuam, & deprime cor tuum.

Ex necessitate tibi convenit hu-

humiliari, quia reipſa vilis es.

Confundere vilis homo, dum pro te Deus factus eſt vilis

Diſce tua non jactare, & gratias occultare.

Diſce in ſuperiore Deū agnoſcere.

Innocenter pati; patientia & Sanctorum, reorum pro culpa.

Si amas Deum operibus proba primum in te, deinde in alijs gloriam ejus promove.

Perfecta obedientia plus peragit, quā tenetur.

Gratiora ſunt obſequia Deo, quæ citiā deletum ei exhibentur, quā quæ cum debito præſtantur.

Si amare te debes, ut genoroſè tuos ſenſus & paſſiones expu- gnes, humilia dura & aſpera ap- prehendas, quia hæc eſt voluntas Dei.

Vir-

Virtus non consistit in ciectis,  
sed in factis.

Quò plus tu ipse honori tuo  
studes, minus eum Deus procu-  
rabit.

Quò tu magis Dei fueris, De-  
us erit magis tuus. •

Disce ad conservandam animæ  
puritatem minimos defectus cu-  
rare, ne per hos viam majoribus  
aperias & paulatim decidas.

Qui timet Dominum, nihil ne-  
gligit.

Expetam Dominum grandi fi-  
ducia & constanter.

Ad Deum quidem pervenitur  
desiderijs, sed non tenetur, nisi  
operibus.

Amati injuria, est amantis tor-  
mentum.

Crescit virtus, cùm adversis  
probatur.

Sine

Sine te à Deo gubernari, &  
nullum incurres periculum.

Disce partus virtutum tuarum  
celare.

Disce tui laudes non promere,  
promere alienas.

Deus omnia nos habere voluit  
per Mariam.

Non meretur virtutis nomen,  
quam non comitatur perseveran-  
tia.

Sola apud Deum coronatur  
perseverantia.

Vero zelo nulla anima est vi-  
lis.

Sis potius cæcus in aliorum  
factis, quàm suspicioso oculo vi-  
deas.

Non potest bonum esse, quod  
dictat passio.

Ira nihil sanum suadet.

Rumpenda est quies, ubi De-  
us vocat.

Di-

Disce compati aliorum malis.  
Disce malis ad bonos tibi salutares, & Deo gloriosos fines uti.

Optimæ conscientix etiam in securitate timent, ne perdant Deum.

Nimis parcè cum Deo agit, qui nihil agit, nisi ad quod tenetur.

Timenti Deum nihil eveniet mali.

Nihil est vile, quod Dei imitatione agitur; sit honor tuus vilia agere.

Nemo sibi in rebus animæ satis est sapiens.

Virtus semper habet Deum Patronum.

Infirmum innocentix tuæ argumentum est alterius culpa.

Incipere necessarium est, sed progredi laudabile. Ani-

Animus qui terrena sapit, non  
percipit, quod Deus æstimat.

Noli animo deijci, si invidiam  
patiaris.

Noli invidere, ne crucieris.

Invidia nihil rectum videt, c-  
tiam pia & sancta improbat.

Si alius plausum & accursum  
habet, tu non invide.

Probatio amoris est passio.

Beatus non est qui multa scit,  
sed qui facit quæ scit.

Plurima de Deo cogita quàm  
loquaris.

Magis esto sollicitus, ut pecca-  
tum fugias, quàm crucem & af-  
flictionem.

Disce non admittere Spiritua-  
libus exercitijs impedimenta.

Vix ullum terrent absentia  
mala, præsentia etiam fortes  
frangunt.

L

Qui



Qui sibi prævidit multa jactat, pauca præstat, in gravia incidit.

Tentatus non ad creaturas, sed ad Deum diverte.

Disce non tantum esse cum Christo in monte Thabor.

Sed etiam in agonia in monte oliveti.

Lenimen dolori accedit, si re-  
veletur amico.

Disce inclinationem naturalis appetitus ratione corrigere.

Opera charitatis nobiliora sunt, quàm pietatis.

Disce in omnibus te divinæ voluntati commendare.

Nemo tibi fidat, sed cum timore & tremore quisq; salutem suam operetur.

Patientia coacta non est filiorum Dei.

Ad

Ad arma qui non procedit,  
etiam venientia fugit.

Zelus charitati est jungendus,  
ne ira fiat vel vindicta.

Frustra te verbis excusas, ubi  
facta te accusant.

Consentit impijs, qui cum il-  
lis in consilium vadit.

Argumentū pravitatis est, vel-  
le magnum videri.

Constantia & veritas semper  
idem loquitur.

Gravissima innocentiae defen-  
sio est silentium, ubi vita loqui-  
tur.

Fuge magnorum gratiam, &  
miraculum edidisti.

Frustra is lavat manus, qui cor  
inquinavit.

Duris amorem proba.

Elige prudenter, tene constan-  
ter.

Omnis perfectionis initium est  
desiderium.

Ut gustes Deū, recede à stre-  
pitu mundi.

Qui semel cedit passioni,  
semper fortiozem experitur.

Intentio mala optima opera  
depravat.

Non qui coepit, sed qui per-  
fecit præmium capit.

Disce Spiritus majorem habe-  
re curam, quam corporis.

In superbos & obstinatos raro  
cadit bonus affectus.

Sine mortificatione nulla vir-  
tus est solida.

Ibi est IESUS, ubi nihil  
tui est.



MO

MONITIONES  
S. CAROLI BOR-  
ROMÆI  
AD CLERICOS,  
IN CONCILIO PROVINC:  
MEDIOL: CONST:

**R**imò, Fratres, & Filij in  
Christo Charissimi, me-  
mores perpetuò estote  
vocationis, quia vos dignatus est  
Dominus noster.

Quâ assiduâ recordatione me-  
moriâque excitati eam vos virtu-  
tem induite, ut videant alij, qua-  
si lumen aliquod vestram sancti-  
tatem elucere. Quæ si magna in  
alijs vitæ Christianæ institutis re-  
quiritur, certè in vobis qui my-  
steriorum Dei ministri, divinæq;  
gratiæ dispensatores estis, major  
inesse debet. L 3 Et

Et sicut sacro ordine à reliquis hominibus sejuncti estis, ita à cōmunis fidelium vitæ usu sejuncti, præcipuum quoddam, atq; hoc præstantius vivendi genus sequimini, quo Ordinis dignitate præcellitis.

Cœlestem in terris vitam, tanquam Angeli Dei, moribus vestris exprimere usq; adeò stude-  
te, ut à vobis divinarum virtutū exempla ad cæteros emanēt.

Unâ animi consensione, unôq; spiritu in ijs elaborate, ut & divino cultui, & cœlestium rerum meditationibus, & orationi, & sacrarum Ecclesiasticarumq; litterarum studijs vacetis: tūm de-  
positis sæcularibus, vanisq; solitudinibus ab omni vitio alieni in via Domini rectè ambuletis.

Charitatem imprimis, quæ se-  
mi-

minarium est omnium virtutum,  
omni studio amplectimini.

Humilitatem, Mansuetudinem,  
Patientiam, Justitiam, Temperan-  
tiam, Officiaq; Christianæ pieta-  
tis reliqua colite. Quæcunq; de-  
niq; sunt vera, quæcunq; pudica,  
quæcunq; sancta ac religiosa, ea  
cogitate, ea agite.

Virtutes Sanctorum Patrum,  
quas præcipuas, & quasi hæredi-  
tarias nobis ad imitationem reli-  
querunt, non adumbrare solum;  
sed omnino exprimere certatim  
contendite.

Utq; illi, sic vos, abstinentiæ,  
& jejunijs dediti, Clericalis di-  
sciplinæ, ac vitæ castissimæ stu-  
diosi, tum patriæ coelestis siti-  
entes, Deo servite assiduis divi-  
narum laudum officijs, & in Ec-  
clesia, quasi in perpetua vestra Sa-

cerdotali, Clericaliꝫ itatione,  
continenter versamini.

Quæcunq; demum de muneris  
vestri partibus, & de vitæ modo,  
vel Pontificum sanctionibus, vel  
Oecumenicis Concilijs, vel Pro-  
vincialibus, Dioecesaniſq; Syno-  
dis, vel alia ratione præscripta  
sunt, ea vos servate, ac præstare  
diligenter.

Omnes, qui Canoniarum ho-  
rarum officijs devincti estis, statas  
eas preces horarias recitate ad  
præscriptam Calendarij anniver-  
sarij rationem, ac ritum.

Nec verè negligenter; sed at-  
tentè, piè, devotè, supplicique  
mente illas dicite.

Studiosè propterea legite, quæ  
præsertim à B. Antonio Archie-  
piscopo præscripta sunt de negli-  
gentia in persolvendis horis Ca-

no-



nonicis, ut quæ eo nomine errata sunt, omnino caveatis.

Expletis Canoniarum horarū Officijs, si quid in illis, aut negligentia, aut aliâ culpâ commiseritis, paululum colligentes vos, veniam à Deo petite.

Qui Sacerdotes estis, Missæ sacrificium sæpius facite, sanctè ac religiosè.

Ad illud faciendum parate vos omni pietate, in tam alti Mysterij meditatione toto animo defixi; & ut purius id faciatis, propriam conscientiam diligenti, accurato, frequentique examine discutite; tum singulis saltem hebdomadis, atq; adeo sæpius, & omnino semper, cùm peccati mortalis conscij estis, uni è confessorijs Sacerdotibus, ad Cleri confessiones audiendas cōstituto, confiteamini. L 5 In

In ea sanctissimi Sacrificij actione ab erroribus, vel levissimis, omnino cavete.

Quæ de illo piè; ritèq; celebrando præscripta sunt, ea vos studiosè, diligenterq; servate.

Diaconi, Subdiaconi, & Clerici inferiorum Ordinũ, quicumque estis, quæ de confitendis sæpè peccatis, de communione frequenter sumenda vobis iussa sunt, integrè & sanctè omnia, ut debetis, præstare.

Confessarios sacerdotes, per nos vobis constitutos, quos etiã tanquam vitæ vestræ duces, ac magistros elegimus, adite.

Ecclesiasticæ militiæ omnes vos adscripti estis; ideo ad pietatis, religionisq; exercitationes vos vocatos esse cognoscite.

In omni imprimis sancta oratio-

tione vos assiduè exercete ; tum in meditationis tacitæq; piæ orationis studio singulis diebus, certo temporis spatio, toto castissimi animi sensu, incumbite.

Hæc sanctis precibus, præter cætera, supplices, præsertim afflictis rei Christianæ temporibus, orate Patrem misericordiarum, & Deum totius consolationis.

Ut misereatur populi sui.

Ut fidelium animos, ad vitia fugienda, ad virtutesq; amplectendas Sancti Spiritus sui ardore inflammet.

Ut è Principum, Regumq; animis evellantur, si quæ sunt, discordiæ semina.

Ut ij unâ animi confessione Christi regnum propagare studeant, unamque Dei gloriam, atque

Ecclesiæ matris defensionem propositam habeant.

Quidquid verò tēporis à Divinis officijs, ab orationis, contēplationisq; exercitatione, ab Ecclesiasticis functionibus, & ab alijs necessarijs actionibus vacuū habetis, non in otio, neq; in desidia, nec verò in rerum novarū curiositatibus illud conterite: sed cum in sortem Domini vocati sitis, in ejus lege nocte, ac die meditemini

Sacrarum igitur litterarū studia diligentius colite, quæ usq; adeo complecti debetis, ut qui aspernetur, cōtra eum dicat Dominus. *Quia tu scientiam repulisti, & ego repellam te, ne Sacerdotio fungaris mihi.* Osee 4. 6.

Frequēter ad statas lectiones, & ad litterarum tractationes vobis

his præscriptas convenite

Attento animo in ijs adeste, atq; indies ad uberiores sacrorum studiorum fructum, progressionem aliquam habete, ut ad Episcopum aliquando vocati, & diligentia, & doctrinae testimonium detis.

Si qui estis, qui vel tarditate ingenij, vel ingravescente ætate, magnum in literis progressum habere non potestis, ne desistite tamen primum oratione frequenti intelligentiam vobis necessariam à Deo petere, tum eò diligentius ad pietatis, modestiaq; studium, ac sanctorum morum disciplinam incumbite: tum sæpius Sacerdotes peritiores consulite; & ad Clericales Sacerdotalesq; exercitationes convenite, & libentius, & frequentius.

Con-

Concionibus etiam, atq; lectionibus sacris, quæ in Ecclesia constitutis diebus habenter, omnes, quicumq; estis, tum maxime vos, quibus potissimum Conciliaribus decretis iussum est, quo decet habitu, frequentissimi adeste.

Lectione librorum Spiritualium, & Clericalium, qui probati sunt, animos, mentesq; vestras pascite.

Quatuor præsertim locos, ex Catechismi Romani doctrina, de duodecim fidei articulis, de septem Sacramentis, de decem Decalogi præceptis, de oratione Dominica, in promptu, atq; explicate habere, omni studio contendite.

Cum ijs, & præceptorum Ecclesiæ cognitionem, & preces horarias recitandi peritiam, & Eccle-

clasticorum rituum, ceremoniarumq; notitiam conjungite.

Paululos libros, quoruñ necessarius delectus vobis, decretis, vel Provincialibus, vel Diœcesanis præscriptum est, habere non omittite, aut negligite.

Qui pro facultatibus, proque studiorum ratione plures habere possunt, eorum optamus, & laudamus in ijs comparandis diligentiam.

At libros de rebus jocosis, ridiculis, obscenis, inanibus, ad pœsisq; profanæ studium pertinentibus; vulgari, aut latino sermone conscriptos, procul abijcite.

Nec verò musicas cantiones ridiculosè, voluptuosè, parumq; pudicè exaratas adhibete.

Quotidie aliquid ex sacris Bibli-



blijs legite, ac, si per Ecclesiasticas occupationes licet, qui apti estis, aliquid item ex Sanctorum Patrum opusculis, Gregorij Magni Pontificis, Cypriani, Ambrosij, Augustini, Chrysostomi, Bernardi, & aliorum qui sanctitatis & doctrinae laude in Ecclesia celebrantur.

In ijs ad legendum Sanctissimum Patrem Ambrosium Episcopum vobis potissimum proponite.

Illius praecipue librum de Sacerdotali dignitate legite, quo libro Ecclesiasticos homines commouit de perfecta vitae institutione.

Libros item officiorum, quos, ubi primum Episcopus is factus est, Cleri Mediolanensis potissimum causam edidit, in manibus assiduis habete.

Hos,

Hos, atque alios præterea libros de Sacerdotalis, Clericalisq; vitæ rationibus, & officijs, de animarum cura, de Christianæ pietatis studijs & exercitationibus, deque alijs ejusdem generis pie confectos ita legite, ut quæcunq; ad vitæ sanctæ normam accommodata ex illis animadvertistis, & didicistis, moribus exprimatis.

Conciliorum item Provincialium, & Diocesæsanorum Constitutiones, & decreta non percurrite solum; sed usq; adeo studiose legite, ut, quæ legeritis, post etiam taciti vobiscum aliquando mente reputetis, ac videatis simul non solum, si quidquam est, quod contra illorum præscriptum egeritis, verum si quid etiam aliud est, quod ex eisdem exequi, præstareve omiseritis, aut negle-

xeritis. Quod ut præstetis, curate omnino, atq; efficit.

Estis, divinâ misericordiâ in Ecclesiastico ordine constituti, ad gloriam Dei conservandam, propagandamque; ideo tum ordinis vestri ministerium, quod explere debetis, videte; tum illius dignitatem, ac decorem servate.

In incessu, statu, gestu ita vos præbete, ut ab Ordinis, quem suscepistis, nomine, & ratione, nullo sanè modo, discrepetis, proposito vobis Beati Patris Ambrosij iudicio, qui Clero adscribi hominem recusavit, propterea, quòd ejus gestus & incessus dedeceret.

Habitu non exquisito, non delicato nimis, non serico, ne ornato quidem; rursus non sordido,

do, non neglecto, sed gravi, & talari, atq; ejusmodi tum domi, tum fortis, pro uniuscujusq; vestrum Ordinis, gradusq; ratione utimini, ut à decretis eo de genere editis, nulla in re vel minima discedatis.

Coronam, quòd insigne est ordinis Clericalis, pro ratione Ordinis, quo vos singuli initiati estis, latam & conspicuam ferte.

Parcâ, & frugali mensâ contenti sitis, & supellectili etiam modestâ, ac tenui potius.

Ab omni splendido apparatu, pompaq; sæculari abstinete.

Quæcunq; acu picta, variè extexta, aulæa item, peristromata rejicite.

Imagines domi non profanas, sed eas habete, quæ pietatis, ac religionis argumentû, & adjumentum præbeant.

In

In omni vita à fastu, luxu, ambitu, ambitione, & à vanitate longè refugite.

Nec verbis quidem præscriptum vitæ modum pervertite.

Nihil scurriliter, nihil jocosè, nihil indecorè, nihil turpiter loquamini.

Absint à vobis maledicta, obtrectationes, curiositas, levitas, assentationes, ac nugæ.

Temperantiæ Clericalis disciplinam vobis præscriptam in reliquis etiam omnino tenete.

Comestationes, compotationes, convivia publica, laicaliave, tum maximè ea, in quibus mulieres interfunt, evitate.

Hospites excipite : at illis excipiendis intra parsimonix fines vos continete, ita ut Clericalis frugalitatis non sumptuosi convi-

vivijs, testes illos habeatis.

A ludis, spectaculis, circumlatorumque, atq; id genus viliū hominum præstigijs procul esto-  
te.

Arma abijcite.

Sic deniq; cor vestrum corrobore, ut id inania spectacula non appetat, & à mundi ludis, atq; ineptijs abhorreat.

Sensus autem vestros ita dirigite, ut cū à Deo utiliter dati sint, tanquam rationis ministri, ne eos perperam adhibeatis, sicut satellites cupiditatum.

Sit igitur vester oculorū aspectus simplex, & pudicus.

Aurium sensus castus, & prudens, casta mens, casti omnes sensus.

Vitæ & morū consuetudo casta & spiritualis.

Ad

Ad eorum Sacerdotum, qui in ejusmodi vitæ studijs, ac disciplina exercitati sunt, familiaritatem vos adjungite, ex qua vobis vestræ ad sanctè agendum progressionès consent.

Ad castitatem autem conservandam, munite omnem viam.

Legite propterea sæpè illum B. Cypriani Martyris de singularitate Clericorum librum, qui vos in hac, ut in alijs instruet virtutibus.

Suspectarum autem mulierum consortium omnino vitate.

Cum alijs verò quibusvis mulieribus, quamvis vel arctissimo consanguinitatis, vel affinitatis vinculo vobis illæ cōjunctæ sint, ne in iisdem domicilijs, ædibusve simul habitate, nisi cum ex causa alicui vestitum aliquando



do Episcopaliſ ſ litteris permiſſum ſit

In ſamulatu Laicorum ne ſitis, multò miſ ſ ſœminarum, quamvis nobilium.

Ne verò illas muſicam, litteraſve docete, niſi ſcriptà nominatim facultate ab Epìſcopo permiſſum cuiquam ſit.

Ædes Eccleſiaſticas ne laicis locate, niſi conſenſu Epìſcopali.

Ac ne ipſas quidem patrimoniales locationi ijs date, quorum vita moreſve ſuſpecti ſint.

Sæcularibus verò negotijs, ut eſt Sancti Pauli Apoſtoli documentum, ne vos implicate.

A cujuſvis generis mercaturâ quaſtuosâ, omni negotiatione, prædiorũ conductione, tam alijs, ut Provinciali decreto vobis interdictum eſt, proriſus cavete.

Ne

Ne pecuniæ, lucivè avidi sitis, *Nemo potest Deo servire; & mammonæ, aut enim unum odio habebit, & alterum diliget, aut unum sustinebit, & alterum contemnet,* inquit Christus Dominus *Matth. 6. 24.*

Si qui pauperes estis, ne cupiatis divites fieri, ut ne incidatis in tentationes multas, & in laqueum diaboli.

Paupertatem vestram ne molestè ferte. Paupertatem dilexit, & docuit Cœlestis Magister Christus, qui nascens in præsepio ponitur, & nudus in Cruce moritur.

Scitote paupertati socios adjungí sobrietatem, abstinentiam, & reliquas virtutes quibus præluere oportet ministros Dei.

Ne igitur, qui tenuem redditum

tum habetis, lucrū quærite, nec  
quæstum appetendo vos injuriam  
vestro ordini facite, avaritiæ for-  
dibus volutati.

Non sæculi vos mercatores,  
non māmōnæ ministri estis, sed  
Christi mercatores: Nolite the-  
saurizare vobis thesauros in ter-  
ra, sed bonorū operum abundan-  
tia, cum charitate conjuncta, fa-  
cite thesauros in cœlis.

Studete vos lucrari animas  
Deo, & cœleste horreum auge-  
re.

Exemplo Sanctorum vos pau-  
periate, sobrietate ac parsimo-  
nia ita gerite, ut non modo à  
supervacanearū rerū usibus absti-  
nētes, sed vestro etiā vos defrau-  
dantes victu, Ecclesias vestras, &  
Altariā exornetis, facta, tecta ha-  
beatis, sacra suppellectili instua-  
tis.

M

Alie-

Alienis item necessitatibus subveniatis, & pauperibus opitulemini.

Qui uberiores Ecclesiasticos redditus habetis, Ecclesias è quarum prædijs fructus percipitis, cò magnificentius, & augustius, quò amplioribus donis, bonisvè, augustioriç; liberalitate illæ dotatae sunt, illustri structurâ, præclaro opere reficite, egregijs muneribus exornate, tum in Ecclesiasticæ supellectilis apparatu instruite.

Christi visceribus substantiam Ecclesiasticam erogate, pauperibus scilicet peregrinis, viduis, pupillis, ægrotis, in vincula coniectis, captivis, quibus egentibus, & esurientibus cum subvenire possitis, si alimenta necessaria denegatis, violatæ charitatis rei estis

itis in conspectu Domini.

Memores estote ejus, quod à sanctissimo Patre Ambrosio scriptum est, sua fideles eo animo obtulisse Ecclesiæ ministris, ut per eorum manus, quorum fidei, atq; integritati sua omnia tribuebant, ad pauperes pervenirent.

Vos item alij, quicunq; estis, quorum fidei Christi patrimonium propriè ad divini cultus, pauperumq; usum commissum est, cavete, ne ambitione, aut cupiditate prolapsi, in alium, quam, cui addictum est, convertatur: ideoq; propterea Sacrilegij rei, damnationem æternam subeatis.

Universi autem vos, & singuli Ecclesiastici ordinis homines, ut summatim complectamur: quæ muneris vestri sunt, vobiscum

Ma

tre

frequenter recolite; ministerium  
vestrum explere studete; sanctif-  
sima studia religionis, & officij  
vestri rebus alijs potiora duci-  
te. In rerum divinarum, sacra-  
rumq; cognitionem omni curâ  
incumbite; quæ divina, quæ sem-  
piterna sunt, divitiarum, & ho-  
norum, & terrenarum rerum co-  
gitationibus abjectis, amplecta-  
mini, extincto cupiditatem ardo-  
re, integros, castosq; vos servate:  
mundi voluptates, quæ à divinis  
præceptis detorquent, declinate:  
prædiorum Ecclesiasticorû, quæ  
non avaritiæ præda, sed instru-  
menta charitati relicta sunt, red-  
ditu, & fructibus non abutimi-  
ni; humilitati studete, charitatis  
opera præstate, induimini Domi-  
num JESUM Christum, sancto-  
rumque, ejus facta imitamini, ut

&

& divinis præceptis, institutisq;  
confirmati in vocatione, qua vo-  
cati estis, dignè Deo ambuletis;  
tum vitæ vestræ splendore laicis  
hominibus lumen præferatis ad  
vitam sanctè instituendam, tum  
vos repositam justitiæ coronam  
demum percipiatis.

Omnes prætereà & singuli, qui  
hujus Ecclesiæ ministerio adscri-  
pti aliquo modo estis, & Dioce-  
sim, & Ecclesias, quas in ea obti-  
netis, quibusque adscripti estis,  
stationes vestras, in quibus ma-  
nendum vobis sit, putate.

In illis ipsi residere.

Ecclesiasticas ipsas ædes inha-  
bitate, ibiq; domicilium vestrum  
verè constituite, & habete.

Debitis muneribus, atq; oneri-  
bus satis facite.

Alia item agite, ac præstare ex



præscripta Conciliaribus decretis fructuosæ, salutarisq; residentia ratione.

Quicumq; item Clerici minorum Ordinum estis in Ecclesijs, quibus adscripti estis, singuli Ordinis, qui initiati estis, functiones tali pietate obite, ut digni habeamini, qui deinceps, altiorem gradum assecuti sanctæ Dei Ecclesiæ asserviat.

Nemo autem vestrum, quicumq; estis, si alicui functioni estis deputati, ab Ecclesiastica statione, personalisq; residentia munere discedat, nisi causis per Episcopum probatis, & etiam concessu litteris expresso.

Hæc, quæ communiter, atque universim vos moniti estis, singuli servate studiosè ac diligenter.

At

At præterea figillatim, nominatimq; vos, qui Cathedrali Ecclesia dignitates obtinetis, Canonici item tum ejusdem Ecclesiæ, tum reliquarum quarumvis Ecclesiarum Collegiatarum, vel Urbanarum, vel Diœcesanarum, quicumq; fitis, in omni Canonicali disciplinæ officio ita agite, ut canonicè, nempe Canonum legibus ad vitæ vestræ iustitutū pertinentibus, & constitutionū Provincialium, Diœcesanarūque rationi congruenter vivatis.

Idq; primò maximè studete, ut in conspectu Dei Omnipotentis puro corde, & casto corpore ministretis.

Tum singuli vos, Ordinis dignitati, aut Canonikatui annexi functiones explete; Canonicalisq; muneris partes præstare; omnes

in Choro statis horis assistite, & ad Deum pro fidelibus pias, religiosasq; fundite preces.

Dum eo loco estis, memores estote, adesse Christum IESUM Dominum, cui servite cum timore, & tremore.

Non pigri, non somnolenti, non oscitantes adestote, non mente vaga, non vagis oculis, non indecenti corporis statu.

Attentè, studiosè, ritè, piè, religiosè divinas Laudes celebrate, & psallite Deo in conspectu oculorum Angelorum, cantantes in cordibus vestris Domino.

In Choro nemo privatim, nemo tacitè officium recitet, sed omnes pariter, quicunq; adestis, senes cum junioribus laudate Nomen Domini in Psalmis, Hymnis & Canticis.

A quibuscunq; colloquijs, & à literarum, librorumq; lectionibus, atq; omni vagatione abstinete.

Pro temporis autem, & officij ratione sedete, state, genua flectite, caput aperite, & inclinate.

Accuratè demum omnia observate, quæ eo de genere vobis præscripta sunt, ita, ut vestro exemplo alijs Sacerdotibus, Clericisq; & rectè, ritèq; psallendi, & sanctè orandi, & piè agendi animum addatis.

In Psalmorum autem, Canticorum, & Hymnorum intelligètiâ studiosè incumbite, ut dum psallitis, pro sensuum sanctissimorum, quos mente concepistis, ratione, vos ad omnem pietatis, devotionisq; affectum excitetis.

Non ordinariæ distributionis

lucro adducti, sed Dei charitate religionisq; cultu commoti divinis officijs adeste, ut verè, ex animoq; psalmi verba illa concinatis. *Voluntarie sacrificabo tibi, & confitebor nomini tuo Domine, quoniam bonum est.* Psal. 53. 8.

Divinis officijs absolutis, paululum omnes in Choro piè orate, inde abeundi signo per præfectum dato, consurgentes, quo ordine ad Chorum accessistis, eodem in Sacristiam redite, ubi cappas, qui illas induti estis, & superpellicea sine strepitu ullo, vel susuratione deponite.

Canonicales vestros conventus statis hebdomadæ dieb9 capitulariter habete.

Omnes, qui debetis, ad illos convenite.

Inde ne discedite, nisi missione

ne à Capituli Præfecto impetrata.

Singuli ordine, & loco sedete.

Sententiam modeste dicite, & suo quisq; loco, non præposterè.

A verbis scurrilibus abstinete.

In rebus consultandis rixas, jurgia, & contumelias cavete.

In initio, & fine uniuscujusq; Capituli itatas orationes dicite.

Priori loco tractanda proponite, quæ ad divinum cultum, ad spiritualis vitæ progressionem, ad Ecclesiasticam disciplinam tuendam, tum quæ ad rerum temporalium gubernationem pertinent, ne negligite.

Cætera de hoc genere totò servate, quæ provincialibus constitutionibus vobis præscripta sunt.

Omnia imprimis agite pacè

mutuâ, concordi voluntate, & charitate fraternâ, vos invicem diligite. Canonici enim estis, qui sicut pro collegij ratione ex antiquo instituto unâ in collegiatâ Ecclesiâ, unoq; item in Canonicali domicilio collocati fuistis, ita uno pacis & charitatis fœdere, unaq; animorum confessione conjunctissimi, sicut nascētis Ecclesiæ ministri, quorum erat cor unum & anima una, experiundo vivite: sicut in Psalmo scriptum est: *Quam bonum, & quam jucundum. habitare fratres in unum*, Psal. 132. 1.

Quicumq; verò estis, qui inter Canonicos, Præpositi, aut Archipresbyteri, aut alterius dignitatis nomen, gradumvé obtinetis, sicut honore, & dignitate præstatis, ita virtutum exēplis,



vigilantiq; in vestri muneris, curæ patibus obeundis solitudine, præluce.

Parochi, & cæteri, quicunq; estis etiam Præpositi, Archipresbyteri, alijve, qui animarum curam geritis, præter ea, quæ vos cum reliquo Clero communia universè monuimus, illa etiã, quæ præcipuè de vobis decreta sunt, præstare omni solitudine.

Imprimis oves vobis concredita cognoscendæ sunt, & appellandæ nominatim, pascendæ & custodiendæ item.

Animarum igitur numerum in Catalogum redigite ad præscriptam normam.

Eorum, qui baptizantur, qui item confirmantur, & compatrũ etiam, qui adhibentur, nomina describite.

Matrimonia in codicē referte.  
Parochiæ vestræ incolatum,  
vitam & mores investigate.

Indagate omni studio, si qui  
hæresi cōtaminati sint aut suspe-  
cti: aut qui sint, qui Hæretico-  
rum libros habeant, vendant, e-  
mant, importent, vel legāt, eosq;  
statim denuntiate.

Monete etiam populum, ut id  
ipsum etiam prætet, ad nostri  
edicti præscriptum, quod tempo-  
ribus de more promulgate.

Perquirite de dictis & factis e-  
orum, qui ex hæreticorum fini-  
bus veniunt.

Dispicite, si qui è Parochiæ  
vestræ finibus ad loca profici-  
scantur, ubi impunè prædicatur,  
quod à Catholica fide alienū est:  
tum etiam an ij profectionis fa-  
cultate impetrata agant, ad præ-  
scri-

scriptū decreti in Concilio Provinciali tertio promulgati.

Investigate præterea de ijs, qui in vestra Parochia docent, eorūdemq; mores, vitam, & fidē observate, ac reliqua de ijs ipsis præstare, quæ Consilijs provincialibus præscripta, iussave sunt.

Videte, & cavete ne superstitiones, magicæ cātationes, & ejusmodi Diabolicæ superstitiones in populo vestro sint.

Cognoscite publicos peccatores, aīorum corruptores, concubenarios, adulteros, usurarios, blasphemos & hos denuntiate.

Cognoscite etiam alios populorum corruptores, qui festis diebus non Deo, sed alijs ludis, choreis, & diabolo se viunt, quique festorum dierum cultū quovis modo violant, quales quales  
sint,

sint, neq; observant pontificias, neq; Provinci les de diebus festis colendis constitutiones, aut edicta Episcopalia.

Istos ab ea malè agendi corruptelâ revocare, ac deterere omni pietatis officio studete, tum Episcopo etiam sicut opus erit, significate, ut pro curæ Episcopalis officio, salutare remedium afferatur.

Rursus agnoscite etiam pauperes, viduas, pupillos, ceterosq; aliena ope egentes, quibus & salutare consilio, & consolatione, & re subvenite, aut si minus re potestis, cohortatione alios accendite ad eos sublevandos.

Sique illorū gravior inopia deposcit, festis etiam diebus à pia fidelium liberalitate aliquid in Ecclesia colligendum curate, uti ab  
Epi-

Episcopo præferibetur, quod i-  
pſis de eleemoſynam conferatur.

Seorſum etiam locupletes Pa-  
rochiaꝝ incolæ convenite, quibus  
pauperum egeſtatem proponite,  
& oſtendite eis divitias à Deo  
propterea etiam eſſe tributas, ut  
in opibus ſuccurrant.

Siqui autem potentiorum opi-  
bus in cauſa aliqua oppreſſi ſunt,  
illos unicè, atq; intimè eorum pa-  
trocinio commendate, qui vel ex  
ſuſcepto officio id præſtare de-  
bent, vel quibus Episcopus hanc  
curam dederit.

Pascite imprimis populum vo-  
bis commiſſum prædicatione ver-  
bi Dei, ſalutaribus monitis, ad-  
miniſtratione Sacramentorum, e-  
xemplo, & oratione.

In verbo Dei exponendo pla-  
nè obſervate, quæ Conſtitutione

Pro-

Provinciali, & alijs concionatoribus, & vobis præscripta sunt.

Pueros festis, Dominicisq; diebus in doctrinæ Christianæ rudimentis instruite.

Provectioris ætatis homines ad eadem intelligenda invitate.

Patres matresq; familias mone-  
te, ut filios, filias, cæterosq; alios, quos in familia habent, ad  
statas doctrinæ Christianæ scho-  
las ipsi conducant.

Confiatrum, qui in scholis ad-  
scripti sunt, operam, ad hoc in-  
stitutum adhibete, curateque, ut  
mutua inter eos charitatis, mo-  
rumq; disciplina conservetur.

Alios etiam ad tam pium opus  
amplectendum alacriores reddi-  
te, atq; excitate tum assiduis ve-  
stris cohortationibus, tum pro-  
mulgatione thesauri spiritualis  
in-

indulgentiarum, ijs concessi, qui  
ijs scholis adscribuntur, in illiſq;  
operam navant.

Ne omittite diebus feſtis, in-  
ter Miſſarum ſolemnia, aliquid ex  
ijs, quæ in Miſſa leguntur, fide-  
libus exponere, & ſanctiſſimi illius  
Sacrificij myſterium aliquod ex-  
planare, & aliquando ſanctiores  
illius ſacrarum ceremoniarũ, ri-  
tuumq; rationes, & ſignificatio-  
nes explicare, quo diligentius in-  
ſtructi in dies ſacroſancto illi Sa-  
crificio religioſius interſint.

Docete item, quo modo fide-  
les, ſigno Miſſæ celebrandæ dato,  
ſe corde contrito ad eam ſanctè  
audiendam, parent.

Curate, & efficitte perpetuis  
veſtris monitionum officijs, ut in  
illa viri aperto capite, mulieres  
velato, & in omni ejus parte u-  
troq;



troq; genu flexo, præterquam in Evangelio, adsint.

Instruite etiam eos, quàm religiosè non solum in Missæ sacro, verum etiam in divinis alijs officiis versandum.

Quando stando, quando genua flectenda, quando assurgendum.

Quàm valde, dum illa fiunt, celebranturvè, fugiendæ confabulationes, colloquia, deambulationes, strepitus, clamores, imò verò inanes cogitationes, quibus à pia meditatione & mysteriorũ, quæ aguntur, cõtemplatione, religiosaq; oratione animus detrahatur, quàm deniq; studiosè vitanda reliqua omnia ab eorum officiorũ sanctitate, & cultu aliena.

Rursus quàm sanctè, itẽ quàm religiosè, & quàm demisso, humilq; habitu in supplicationibus,

bus, Litanijs, & stationibus ver-  
sandum sit.

Qua reverentia, quovè pieta-  
tis studio in Ecclesijs locisve sa-  
cris manendum sit, quavè ab a-  
lijs procul abesse debeant, idq;  
ex sanctionibus Pontificijs, Con-  
stitutionibus Conciliaribus, E-  
piscopalibus præterea Edictis.

Qua etiam non solum intimâ  
religiosi animi præparatione, sed  
externâ etiam cultus, vestitusq;  
modestia humili genu flexione, &  
armis depositis ad sanctissimam  
Communionem, tum etiam ad  
cætera Sacramenta accedendum  
sit.

Tum docete, ac monete, quo-  
modo dies festi colendi, & san-  
ctificandi sint.

Ostendite indignissimum esse,  
sacris diebus non modò à nefarijs  
ope.

ribus, illicitiſq; negotijs non abſtinere; verum etiam religionis, ac pietatis opera non præſtare omni diligentia.

Ac præterea nefas eſſe, ſacros dies ad maxima Dei beneficia collenda, ſummaſq; ei laudes perſolvendas, ac debitum Sanctis honorem tribuendum inſtitutos, ad illa traduci, quæ, ab eo cultu abhorrent: qualia ſunt tripudia, ludi, choreæ, ſpectacula, quibus ad turpes illecebras incitationibus, ſalutis humanæ hoſtis diabolus oblectatur.

Denuntiate item ſtata ſacrorum jejunia; docete, quomodo jejunandum, quæ peccati gravitas in violandis ſacris jejunijs.

Quæ præterea Chriſtianæ pietatis officia in Sanctorum vigilijs.

Quàm

Quàm sanctè observādum qua-  
dragesimale jejunium : stat s au-  
tem solemnibus, vel Adventus,  
vel Septuagesimæ, vel aliorum  
temporum celebritatibus, præ-  
monete fideles, atq; diligenter  
ex pastoralium etiam literarum  
præscripta recitatione, ac ratio-  
ne instruite ad sacra illorum tē-  
porum mysteria, sanctis pietatis  
officijs religiosè colenda.

Utq; ijs omnibus pro tempo-  
rum, solemnitatūq; ratione illi  
instrui possint, sæpe monete, ut  
Dominicis, alijsq; festis diebus,  
quemadmodum sacra Tridentina  
Synodus optat, ad Parochialem  
Ecclesiam conveniant.

Qua in re sæpius monitionem  
pastoralem eo de genere frequen-  
ti populo legite.

Sæ-

Sæpè autem, ac diligenter eodem docete, quàm assiduè orandum sit.

Quomodo & tacitâ supplicis mentis meditatione, & pijs statis orationibus precandum.

Quàm studiosè & religiosè suscipiendum vespertinæ communis orationis institutum, quàm diligenter illud semel susceptum piè retinendum.

Ideoq; tum aliàs sæpè in anno, eandem orationem cum indulgentijs concessis, per summa capita explicate; tum præcipuè diebus Concilio Provinciali tertio constitutis in maxima populi frequentia de scripto pronunciate, atq; evulgate.

Dominicis dieb; institute populum, & monete, pro quibus oret, ut est in eodem Provinciali Concilio decretum. Tum

Tum præterea quas, singulis hebdomada Iſrijs, præcipuas preces, Christianasq; meditationes, atq; in orando exercitationes sibi propositas in promptu habere possit.

Quàm sæpiſſimè verò sermonibus vestris populo proponite locos perpetuæ Christianæ meditationis, de morte, de iudicio, de inferno, de Gloria, & de præmio Paradisi.

Monete præterea sedulò, ac frequentissimè Patres, Matresque familias. ut liberos, familiamque suam ad pietatis, christianarumque virtutum disciplinam religiosè instituunt.

Ad hoc propterea Patresfamilias inducite, ut vitæ spiritualis ratione, & pijs exercitationibus libros probatos domi suæ

habeant; in quorum lectione versentur, seseq; ac familiam instituant ad sanctè agendum.

De Patrum familias officio, familiæq; institutione, editam in Concilio tertio Provinciali constitutionē in parochiali conventu legite, singulasq; ejus partes explicate.

Tum alia præterea docete, quæ opportuna existimaveritis, quibus illi se, suamq; familiam in Christianæ vitæ institutis, atq; exercitationibus conforment.

In officinis etiam, & tabernis, disciplinæ, vitæq; Christianæ rationes observate: si qui autem vel ab artificibus, vel ab institutoribus, operarijsvè committi animadverteritis, quod dissolutæ disciplinæ sit, id officinarum tabernarumvè Dominos graviter  
mo-



monete: ostenditeque, ea in re,  
officij sui partes.

Estis participes, & socij laborum, curæq; Episcopalis, & in messe Episcopo commissa operarij estis, laborate una cum eo, & contendite, ut populus, cujus cura geritur, tanquam purum triticum, auxiliante divina misericordia, cōgregetur in horrea cœlestia.

Depositum custodi, inquit Apostolus Paulus: hoc vobis singulis dictum esse putate, ut quisque in grege, tanquam deposito fidei, curæq; vestræ, commissio diligenter custodiendo, ab omni-que peccati labe conservando, cogitationem, sollicitudinem, curam; studiumq; omne collocet.

Parochiæ igitur unicuiq; vestrum conceditæ, curam habete,

Na tum

tum à cæteris vitijs omnibus vos  
singuli sollicitè custodite; tum cu-  
rate etiam, ne odia, similitates, i-  
nimitiæ, factiones, necnon te-  
merè jurandi, maledicendi, im-  
precandi pravæ consuetudines,  
ac ne detractiones quidem in ea  
sint.

At vitia imprimis & peccata,  
ad quæ populum procliviorē  
esse animadverteritis; reprehē-  
dite, atq; exagitate.

Nec verò dissimulate peccata,  
sed annunciate populo scelera e-  
jus: publicè peccantes coram o-  
mnibus arguite, ut & alij timo-  
rem habeant.

Idq; agite spiritu fortitudinis  
Domini, & ut strenui ejus mili-  
tes bonam militiam militate, ni-  
hil planè trepidantes.

Si ab increpatione (ut vos mo-  
net

net S. Gregorius) vos retinueritis, quia contra vos odia insurgere reformidatis, non jam Dei lucra, sed vestra quæritis.

Non maledictis, non vexationibus, non calumnijs, non alicujus generis contumelijs illud, vel increpandi, vel palam arguendi officium deferite, modò Christi gloria, & animarum saluti servatis.

Rursus nunquam aucupandæ hominum gratiæ studio, id agere desistite: Servus Dei non essem, si hominibus placerem, inquit Apostolus.

Væ vobis tacentibus aut dissimulantibus, si grex curæ vestræ commissus perierit. Sanguinem ejus de manibus vestris requireret justus, & omnipotens Deus.

Si igitur peccatur, ne in incre-

pationibus verba vestra blandientia sint, sed ut à Spiritu Sancto scriptum est, stimuli sint, & quasi clavi, in altum defixi.

Instate opportunè, importunè, privatis etiam admonitionibus, consilijs correptionibus, objur-  
gationibus, ut peccantes, adju-  
trice divinâ gratiâ, in viam salu-  
tis revocetis.

In usum etiam sanctè ita re-  
vocate fraternam correctionem,  
ut non modò mutua Christiana  
charitate vos ipsos corripiatis;  
sed reliquos item, præsertim Pa-  
rochiæ incolas, id charitatis &  
correctionis officium rectè doce-  
atis.

Ad sermonum verò, admoni-  
tionum, & correctionum partes  
explendas, locos vobis compara-  
te, præcipuè ex doctrina Cate-  
chi-

chismi Romani, in quo magna cum populorum vestrorum salutari utilitate, versari diligenter potestis.

Neq; ad hoc multiplicis vestra Ecclesiastica tractationis genus, negligite adjumenta, quæ aliunde utiliter capere potestis.

Cætera officia, quæ in sacramentorum administratione, in assidua ad frequentem eorum usum cohortatione, in ægrorum cura, in aliis Parochialis muneris functionibus, vobis Provincialibus, Diocesanisque Concilijs præscripta sunt, præstare, atque exequimini accuratè, ad eorumq; Conciliorum, constitutionũ, decretorumvè normam omni observantiæ, atq; obedientiæ studio, vos planè conformate.

Quæ verò decretorum Provin-  
cia-

cialium, vel Dioecesanorum partes, ad laicos eorumq; Christianam disciplinam attinent, quò sæpius evulgatæ, atque inculcatæ servantur diligentius, illas summam vulgari sermone expressas, crebro prout usu venerit, populis vestris proponite, denunciate, explicate, atque in consuetudinem inducite.

Quæcumq; deniq; vel ad vos, vel ad laicos curæ vestræ commissos pertinent, ea decreta, quo maximo potestis studio in omnem executionem, disciplinæque usum introducite. Videteq; imprimis, ac perpendite, quæ sint, & quàm religiosæ muneris vestri partes, caveteque, ut in officiis, & curæ vestræ functionibus non modò quicquam vos non committatis, sed ne omittatis,

quæ-

quidem, cum in Sacerdotali vita,  
pro muneris, quod sustinetis, ra-  
tione, tum graviores, tum longè  
plures, quàm in cœteris homini-  
bus esse possint omissionis culpæ.

Vos præterea reliqui Sacerdo-  
tes, quicumq; estis, quibus anima-  
rum cura non incumbit, tum a-  
lia omnia, quæ Ecclesiastici or-  
dinis hominibus de divinatorum  
officio um cultu, de vitæ hone-  
state, de studijs, & vitæ spiritu-  
alis exercitationibus, præscripta  
aut monita generatim sunt, tum-  
que nominatim sigillatimque ad  
præcipuam vestram executionem  
attinent, præstate omninò.

Vos item reliqui Clerici infe-  
riorum ordinum, quæcunq; ad  
vos, vel nominatim vel genera-  
tim spectant, agite omnia, sicut  
Clericalis vitæ ratio, Canonum

&



& Conciliorum decretis præscripta, postulat.

Christi estis, nempe de sorte Domini, & ipse Dominus fors, pars scilicet vestra: tales præbe- te vos, ut & ipsi possideatis Do- minum, & possideamini à Domi- no, verèque dicatis: Dominus pars hæreditatis meæ.

Filij mei, nolite negligere: vos elegit Dominus, ut stetis co- ram eo & ministretis illi.

Videte igitur, quàm valde in- tentos vos esse oporteat ministe- rijs vestris, & quàm magnâ vitæ, morumq; castitate.

Proberum hominum tantum, præcipuè Sacerdotum, vitæ spi- ritualis laude præstantium, fami- liaritate utamini: ex quorū con- suetudine tum fructum vos ca- piatis, tum Episcopus meliorem  
in

in dies de vobis opinionem concipiat.

Majores veremini, & observate: eisdemq; rectè monentibus obtemperate.

Præter latinæ linguæ, & literarum studia Ecclesiasticæ imprimis disciplinæ institutionibus diligenter incumbite.

Sic demum vos moribus, & vitæ modestiâ probate, ut à Parochis & præceptoribus vestris, tum etiam à populo bonum testimonium Episcopus habeat, vosq; dignos judicet, quos majoribus Ordinibus adscribat.

Vos verò, qui vel visitationis munus geritis, vel Clericalis disciplinæ curæ quovis nomine præfecti estis, vel in Diœcesi Vicarij circūforanei cōstituti. in explendis muneris atq; officij vobis cō-

mun-

missi partibus sedulò invigilate,  
atq; elaborate.

Onus, quod sustinetis, quàm  
grave sit, quàm plenū curis, per-  
pendite, tum quam in eo vobis  
committendo spem, fiduciamq;  
Episcopus habuit videte: tum ef-  
ficite, ut ejus expectationi respō-  
deatis, vigiliarum vestrarū stu-  
dijs assiduaq; sollicitudine.

Ecclesias, quæ in uniuscujusq;  
vestrum regione sunt, sedulò vi-  
sitate: earumq; partes singulas  
inspicite.

Perveſtigate in uniuscujusq;  
Parochiæ finibus, an aliqua pu-  
blicorum peccatorum labes, an  
flagitia grassentur, quibus ut E-  
piscopali cura Episcopus mede-  
atur, necesse sit.

Univerſo Clero, pro regione  
commiſſa, invigilate diligenter,  
il-

illudq; imprimis videte, ut in disciplina Ecclesiasticæ moribus institutis atq; officijs se contineat, Clericalisq; moderationis legibus congruenter vivat.

Indecentem ejus habitum omninò reiicite: morum sanctæ vitæ, sacrarumq; litterarum, & institutionis Ecclesiæ studia, si quæ in eo languescunt, excitare.

Clerici autem minorum Ordinum, in hoc maximè vobis commendati sint, ut illorum omnes, tum in vitæ moribus, tum in litterarum Ecclesiasticæq; doctrinæ studijs, progressiones accuratè exploretis, atq; ut maximè potestis, paternis eos cohortationibus, atq; oburgationibus, ijsq; assiduis, adjuvetis.

Ecclesiarum item cultum, nitorem, cæteraq; ejus generis o-

omnia curate vestram diligentiam,  
quæ totis in Christo visceribus  
ab uno quoque vestrum expeditur.

Quæcunque verò vel Provincia-  
lium Diocesandarumque Synodorum de-  
cretis, vel præcipuis instructioni-  
bus, vel visitationum jussis præ-  
scripta sunt, ea omnia, ut re ipsa  
præstentur, studiosè perpetuò  
agite.

Hæc omnia & singula his mo-  
nitionibus nominatim, sigillatim-  
que expressa, tum cuncta item re-  
liqua, vel Concilijs Provinciali-  
bus, Diocesaniisque sancita, vel al-  
lio modo vobis præscripta, vos  
omnes, ac singuli, quorum interest,  
quâto potestis amore, & pietate nō  
amplectimini solum, & legite, sed  
mente, animoque comprehendite,  
servate, omniisque sollicita execu-  
tione præstare: totosque vos ad

cohortationū, admonitionū, decretorū, & constitutionū rationē accommodatē. Quod omne ut faciatis, sicut nos pro Episcopalis nostri officij munere, vos in hoc Diœcesano Conventu, ex consilij Provincialis præscripto cōmone fecimus; ita etiam unumquemq; vestrū per unigeniti Filij Dei adventū, per ejus Crucē, perque animarū vestrarū salutem obsecramus, obtestamur, diuināq; contestatione monemus. Rursus vobis ipsis universis, & singulis edicimus, si quis vestrū constitutionibus, decretisq; vel Provincialib9, vel Diœcesanis vestra causa editis, non paruerit, contra eum nos acturos esse Ecclesiasticis, Canonicisq; sanctionibus.

Cavete igitur, ne quā vobiscū paternē modo agentem, sollicitēq;

monentem, & in conspectu Dei  
vos hoc sacro deprecantē auditis,  
eundē rursus non in hac vita so-  
lum culpas vestras animadvertē-  
tem, sed in divino præterea judi-  
cio easdem accusantē audiatis.

At ipse Deus & Pater noster & Do-  
minus IESUS Christus dirigat vias  
vestras in omni Sancta Obedientia;  
exhortetur corda vestra, & confirmet  
in omni opere & sermone bono; ita  
ut dignè ambuletis vocatione, qua vo-  
cati estis, per omnia ei placentes, sicq;  
sanctis vestrarū virtutū progressioni-  
bus probati, appareatis ante Deū,  
& Patrem nostrum, in Adventu  
Domini nostri IESU CHRI-  
STI, cum omnibus San-  
ctis ejus, Amen.





chius Co  
thero D  
Carolo V  
bit: quō  
ibus vent  
navigaret  
rit in ali  
quæ vent  
ei occur  
uppi ver  
ddam erat  
i, nigrum  
auta Wal  
errogasset  
& quonam  
enim Nau-  
onfestim ei  
re, clama-  
ntem He-  
bi dicitur  
rmas vo-  
thero au-  
dita

un.

Verum

uit D. C.

angel:)

nisi per ma

enim Celo

co

C



